

H. lit. p.

378

m

H. lit. P.

378 m

Tauber.

HISTORIA SCHOLÆ CATHEDRALIS ARHUSIENSIS

ab

ipſis ejus incunabulis ad præſens ævum primis
lineis adumbrata

ab


ERICO GIÖRUP TAUBER,

primario Religionis, nec non lingvarum vernaculæ,
græcæ et latinæ in ſchola doctore.



ARHUSIÆ MDCCCXVII.

apud A. F. Elmquist.



BIBLIOTHECA

REGIA

MONACENSIS.

PERIODUS PRIMA SIVE BORUPIANA

obscura scholæ primordia delineans ab exitu
seculi XIII ad novam formulam schola-

sticam sancitam in synodo Ant-

worschoensi 1546.

§ 1.

De fontium penuria, quorum ope antiquissima scholæ
historia est explicanda.

In primas scholæ Arhusiensis origines inquisituro
haud exiguum objicitur impedimentum, quod
omnia fere monumenta in museis et bibliothecis
nostris olim latentia¹⁾, temporis injuria, vel po-

¹⁾ Præter Svenonem, Episcopum Arhusiensem
viventem anno 1183, de quo legitur in veteri
manuscripto: "Fecit scribi historias
diversas, ipse fecit parari pergame-
num et conduxit scriptores", constat
Petrum, Ingredi filium anno 1196 totam suam
supellectilem librariam legasse templo Cle-

tius hominum incuriosorum oscitantia, penitus perierint. Vix enim dubitare licet, egregios antiquitatis thesauros olim aservatos fuisse in istis bibliothecis quæ partim jam anno 1191 in monasterio insulæ Caræ prope Schanderburgum memorantur instructæ indeque anno 1251 Arhusiam translata²⁾, partim in sacello, templo Clementino contiguo, jussu Regis Frederici secundi, 1561 accuratissime condita³⁾.

mentino, ne dicam de egregiis donis Episcoporum seniorum Ove Bilde et Laurentii Bartholomæi filii, de quibus confer Vadskjærs Bogtrykkerkonstens Historie pag. 16, Hilaria Aarhusiensiæ p. 85.

²⁾ Danske Magazin Tom. 1, pag. 138 &c. De episcopo hos libros auferente queruntur monachi his verbis: "Ille meliores ducentis marcis denariorum non sicut Episcopus, sed tanquam sacrilegus de clauetro nobis abstulit violenter", Vid script. Rer. Dan. V. pag. 262.

³⁾ Teste Nannestadio in Hilar. Aarh. p. 87 (apud quem etiam reperitur exemplar diplomatis Regii membranacei) Ao. 1654 optimi codices perfide erant direpti, reliqui squivalentes penitusque neglecti jacebant. Quocirca templi usibus, pro rerum facie, consultum iuit Fredericus tertius pauculos istos adhuc residuos bibliothecæ Arhusiensis libros vendi curans, ne, quod addit auctor, vel prorsus distraherentur inque prædam cederent manibus perditissime rapacibus, vel situ, tabe et mucore plane disperderentur. cfr. Hil. Aarh. l. c.

Verum enim vero, harum collectionum cum ne vestigia quidem superfint, nil restat curioso antiquitatum scrutatori, quam collectis et dispositis, quæ in libris hic illic delitescent, antiquioris ævi reliquiis, qualemcunque sibi de antiquissimo scholæ statu informare ideam.

§ 2.

De antiquissimo scholæ statu.

Quanquam argumentis historicis probari nequit, Arhusiam ab eo ipso tempore, quo sedes Episcopalis facta est, (teste Hvitfeldio 1014)⁴⁾ ludum litterarium habuisse; probabile tamen est, divites et potentes Canonicos, religionis propagationi intentos, non minus quam monachos peregrinos sub auspiciis Episcoporum nidulantes, mature cogitasse de instituendis scholis, quibus homines formarentur hierarchiæ auctoritatem olim suffulturi. Nec parentum minus intererat, liberos suos familiæ scholasticæ quam primum adscribi, per quam solum aditus patebat ad munera Ecclesiæ ampla et quæstuosa⁵⁾, quibus allecti ne Nobilium quidem filii pulverem scholasticum detrectarunt.

(1*)

⁴⁾ Bispekröniken et Wormii monumenta Dan. Tom. 2. pag. 277.

⁵⁾ Aula episcopalis ante Reformationem adeo splendida fuit, ut non nemo principum

Duplex igitur scholarum genus reperimus, alterum Monachorum alterum Canonico-

minorum hujus Viri sortem haud facile dedignaretur. Domi dynastes ecclesiasticus Arhusiensis palatium inhabitavit fere regium, cui binæ accedebant domus amplissimæ, scribis et famulatio destinatæ, et quando foras progrediebatur, haud raro apparebat equitum concomitantium caterva stipatus. Eiqve redditus non minores fuisse, quam qui sufficerent huic apparatusi sustentando, judicabit is qui perpenderit, quid sit decimas exigere (regias postea dictas) ex tota dioecesi Arhusiensi, et possidere arces, quales sunt, quas vocamus: Silkeborg, Rosenholm, Aakier, Iisgaard, Clausholm, Holbekgaard, Overgaard, Østergaard et Caløe cum terris adjacentibus ab omni vectigali solutis. Quod ad Canonicos attinet, eos non curtæ, quin potius lautissimæ fuisse rei, constat cum ex vico civitatis nostræ, qui nomen ab iis sortitus est, tum inde etiam, quod Canonici ditiores, cum cura juventutem scholasticam instituendi primitus iis omnibus demandata esset, eam mature satis, præ mollietie et desidii, partim ad infimos et novitios Canonicos devolverint, partim se ab illa plane subtraxerint, ut seculo Reformationem antecedente provincia in schola Cathedrali docendi ad singulares doctores scholasticos delata esse videatur, ipsis tantum Canonicis in juventutis profectum subinde inqvirentibus. Cfr. Münteri hist. Reform. Tom. 1 pag. 41. Hertelii Descripti onem ædis cath. Arh. Tom. 1 cap. 52. Langebechii script. rer. Dan. Tom. VI. pag. 408.

rum'), quarum hæ cathedrales vocatæ sunt'),
et utrumque genus suo tempore Arhufiæ floruisse

6) Cfr. Wormii historiam scholasticam insertam
actis Regiæ societatis litterarum Tom. XI.
pag. 346 ff.

7) Vocabuli igitur origine consultâ, cathedra-
lis solum vocanda est schola, quæ ab initio
habebatur a Canonicis, in urbe, ubi sedes
erat episcopalis confessusque Canonorum,
Capitulum vocatus. Quocirca est quod dubi-
tes, num scholæ, ceteroquin celeberrimæ,
Hafniensis, Neocopiensis Falstrorum plures-
que merito inter cathedrales sint referendæ.
Saltem huic opinioni non adstipulantur verba
Episcopi Ripensis Laurentii Thuræ, quæ ex
ejusdem epistola ad Falsterum affert Nyerupius
(hist. scholarum pag. 175) inter alia sic se ha-
bentia: "I Roeskilde haver sedes Ar-
chiepiscopalis været, dens Skole er
cathedralis, da Kjöbenhavns hver-
ken er eller nogen sinde haver væ-
ret uden Trivialis. Quod reliquum est,
de scholarum cathedralium dignitate et præ-
rogativis plura reperies in Rivii Puritani
historia monastica Occidentis scabra et sale-
brosa pag. 331 § 12, 86 § 4 et 333 § 17; in
promptuario Danico (Danske Magazin 1.
Bind pag. 322) ubi hæc de antiquissimo statu
ecclesiastico Norvegiæ occurrunt: "Ecclesia
cathedralis var den Domkirke, hvortil
Cathedra eller Biskopstolen i Stifternes Hoved-
stæder var föiet, da derimod Ecclesia Col-
legiata var saadan Domkirke, hvortil ale-
ne var lagt et Collegium af Caniker, som
ellers kaldes Domherrer, Chorsbrödre, regel-
bundne Præster". et in edicto Christiani

nulli dubitamus, quanquam Reformationis tempore de cathedrali tantum schola hic mentio injicitur.

De hujus autem — circa quam disquisitio nostra solum veritur — ætate et conditore, licet certum quid asseri nequit, facile tamen adducor ut accedam clarissimo Münstero⁸⁾ qui putat jam ante annum 1287 existisse scholam Arhusiensem, hocque eo libentius, quod huic opinioni suffragatur testimonium non spernendum a Langebechio ex libro Arhusiensi petatum, in quo commemoratur donatio Episcopi Arhusiensis Tychonis

quarti, (Chr. IV. Recels 1643, 1 Bog, 1 Cap. 21 Art.) ubi, de dignitate scholarum agens septem commemorat scholas primi ordinis, binas vero secundi et reliquas minores appellat, Verba sunt: "Sammeledis skulle de som udi de siuff store Capittels Skoler, sacvellsom ogsaa udi Kiöbenhaffn oc Malmöe, for Rectores skulle tiene enten være Magistri eller Philosophiæ Candidati, oc udi de andre smaa Skoler, skulle ingen til Skolemestere forordnes, eller udi de store til Hörere, som jo ere promoti Baccalaurei". Qvas septem scholas fuisse suspicor: Roeskildensis, Lundensis, Othinienfis, Ripensis, Arhusiensis, Viburgensis et Alburgensis.

⁸⁾ Historia Reformationis ecclesiæ Danicæ Tom. 1 pag. 146.

secundi ⁹⁾ (1280) “dimidiæ marchæ avenæ” ad potum pauperum scholarium concessæ ¹⁰⁾. Illam autem floruisse ante exitum XIV seculi apparet partim ex testimonio quod tribuitur Cantori Arhusiensi Magistro Johanni, hocce tempore viventi, eum diligenter visitasse scholam et tentamina puerorum instituisse ¹¹⁾ partim ex vita Martini Borupii, qui auctore Wormio ¹²⁾ anno 1470 scholæ nomen dedit.

⁹⁾ De ejus vita confer Poulsøni biographias Episcoporum Arhusiensium pag. 23.

¹⁰⁾ Verba sunt in scriptorum rerum Danicarum Tom. VI pag. 441 hujusmodi: “Deputavimus insuper ex consensu capituli nostri præter has duas et dimidiam marcham avene, dimidiam marcham avene ad potum pauperum scholarium, qui vocati sunt, vel in posterum fuerint, ad portam dictorum dominorum canonicorum pro eleemosynis ibidem expectandis, percipiendam in Haslugherrit supradicto.

¹¹⁾ In oratione Grammii de origine et statu rei litterariæ in Dania, inserta Tom. VII. dänische Bibliothek pag. 500, quibus adde quæ ex statutis ecclesiæ Arhusiensis anni 1388 a Langebechio afferuntur (rer. Dan. Tom. VI p. 441).

¹²⁾ Videnſk. Selsk. Skrift. Tom. XI. p. 357.

§ 3.

De ædificiis scholasticis.

De antiquissimo Mularum Arhusiensium domicilio, vel loco, ubi prima litterarum rudimenta, scholam cathedralem obeuntibus tradita fuerint, quæri potest. Testimonia enim exstant auctorum, fidei minime spernendæ Pontoppidani ¹³⁾ et Jongii ¹⁴⁾ antiquissimam scholæ sedem ad monasterium sancto Nicolao dicatum referentium, et fratribus Nicolaiticis (familiæ ut videtur S. Francisci addictis) munus scholasticum ab ipso patrone Arhusiensi sancto Nicolao, ¹⁵⁾ filio Regis Canuti quinti, injunctum esse putantium.

Cui opinioni nullis antiquioris memoriæ auctorum testimonio stabilitæ repugnare videtur non minus traditio hominum per plurium seculorum decursum conservata, et conditio loci, ubi claustrum Nicolaiticum situm fuisse conjicitur, ¹⁶⁾ quam auctoritas Nannestadii Arhusiensis, minime testimonio reliquorum postponenda ¹⁷⁾.

¹³⁾ Theatrum Daniæ pag. 370.

¹⁴⁾ Danmarks chorographiske Beskrivelse p. 665.

¹⁵⁾ De hoc principe confer Hertelium Vol. 2, fasc. 2. pag. 1.

¹⁶⁾ Cfr. Hertelium Vol. 2, fasc. 1. pag. IX.

¹⁷⁾ De hocce viro in historiâ litterariâ sui temporis minime hospite beneficiisque in eccle-

Quæ ultima, primordia scholæ apud Monachos Chartusianos, Sancti Brunonis asceclas et discipulos. petenda esse suadent ¹⁸).

Sit vero quod velis, monasterium (sive Franciscanum sive Chartusianum) quo schola habebatur, situm erat in plateâ scholasticâ ¹⁹) et complectebatur totum tractum, qui nunc continet ædes scholasticas et domicilium Rectoris cum aréis hortisque utrique adjacentibus ²⁰).

Ipsæ vero lectiones habebantur tantum in monasterii membro australi, ex plateâ scholasticâ ad clivum ejusdem nominis procurrenti ²¹).

fiam Arhusinam et Universitatem Hafniensem bene merito cfr. Wormii lexicon Tom. 2 pag. 107, Hertel. Tom. 2, fasc. 3 pag. 415.

¹⁸) Qvanqvam in vita Martini Borupii nullibi diserte commemoratur, cui familiæ monasticæ nomen olim dederit, facile tamen adducor, ut credam, eum ad familiam Chartusianam se applicuisse, inprimis quia Coloniae, primariâ hujus ordinis sede, summos in Theologiâ honores adeptus est. In posterum vero, cum profugi Chartusiani Arhusienses etiam Coloniam potiusse dicantur; haud improbabile est, hisce, præ cæteris, fratribus delatam fuisse provinciam scholam cathedralem regendi.

¹⁹) Hertel Tom. 2. fasc. 1, pag. XIV.

²⁰) Hilaria Arhusiensia pag. 39.

²¹) Hertel l. c.

Monachorum autem Arhusiensium examina reliqua, lumine repurgatæ Religionis lætius lætiusque fulgente perterrita cum veterem, unde emigraverant, cænobiorum umbram repetere consultius haberent fratres quoque Chartusiani anno 1528 ædes suas Arhusinas reliquerunt ²²). Monasterium autem incolis suis desolatum sequenti anno (1529) munificentia Regis augustissimi Frederici 1^{mi} cessit in possessionem Episcopi Oveni Bilde ²³), a quo viro, patriæ et rei literariæ rationibus nunquam non strenuissime invigilante, ultimo, nec tamen infimo Episcoporum Arhusiensium Pontificiæ Religioni addictorum ²⁴), non solum illa ædificii pars, in quâ hucusque publicæ lectiones fuerant habitæ, sed totum quidem domicilium docentium æque ac discipulorum usui benignissime est concessum ²⁵). Institutioni autem scholasticæ inservire perrexit membrum australe (reliquis ædificiis jam dudum dirutis) per duo fere secula cum dimidio, per illud omne

²²) Pontoppidani theatrum Daniæ pag. 370.

²³) Hilar. Arh. l. c.

²⁴) De ejus vita confer Paulsonii biblioth. Arh. pag. 41.

²⁵) Hilar. Arh. pag. 39.

tempus (quod fide Alberti Thuræ²⁶) plurimum-
que testium ocularium constat) conspicuum por-
tulis quibusdam ad fenestras utrinque occlusis, ja-
nuas cellularum fratrum Chartusianorum haud
obscurè indicantibus, usque dum, muris jam
præ vetustate labantibus rimisque fatiscentibus,
demolitum est hocce ædificium anno 1762 et locum
cedere cæpit novo et ampliori domicilio nostris
usibus adhuc dum inservienti.

§ 4.

De antiquioribus scholæ magistris.

Inter doctores antiquissimos, postquam for-
mæ monasticæ valedixerat schola, memorantur

²⁶) Idea historiæ litterariæ pag. 71. Præter hocce
opusculum, satis notum reliquit idem auctor
de historiâ litterariâ præclare meritis, librum
manuscriptum de re scholastica prolixioris
argumenti, quem in bibliothecâ Universita-
tis Hafniensis asservatum superiori anno mihi
Hafniæ aliquamdiu commoranti benignitate
Clarissimi Nyerupii consulere contigit. Hoc
MStum. inscribitur: "Valvæ scholarum Danici
Regni apertæ, seu introitus in scholas Daniæ,
Norvegiæ, Islandiæ, Feroæ latinas, cathe-
drales et triviales Regias ac nobiles, maxi-
mas et minimas in utroque Regno omnes,
quò quantum fieri potuit, scholarum historia
ab ipsâ Reformatione ad hæc usque tempora
enarratur, doctorum series traditur, eorum-
que vitæ, scripta, epitaphia et alia memora-
bilia ut plurimum exhibentur. Adjectis ad cal-
cem quatuor indicibus necessariis. Anno 1728.

Magister ²⁷⁾ et Locati ²⁸⁾, quos inter opus scholasticum ita partitum fuit, ut ille toti operi præsset et institueret proveciores discipulos academicis honoribus jamjam inhiantes, hi in ipsis tironibus, per certos clasium gradus, vel litterarum fundamentis imbuendis vel ulterius profligandis versarentur.

²⁷⁾ Hoc antiquissimum nomen fuit scholæ moderatori tributum, quod in posterum cesit appellationibus: Rector, Ludimagister et Luidirector. Danice κατ' ἐξοχὴν Skolemester. Num nomen Scholialstri, quod Rectori Othinienfi a 1549 teste Pontoppidano (Ann. Vol. 2 pag. 175) ab Episcopo Nicolao tributum est, Arhusiæ quoque in usu fuerit, non compertum habeo.

²⁸⁾ Chronologia nominum inferioribus scholæ doctoribus tributorum fere hæc est: Circa Reformationis tempora vocabantur: Scholastici et Locati, quia operam locarunt scholæ Magistro, hiqve doctores interdum sumebantur ex ipsis discipulis supremæ clas-
sis (confer elegantissimam disertationem C. L. Badenii insertam Ephemeridi Minerva dictæ, October 1802 pag. 42). Ineunte seculo XVII invaluit usus Hypodidascali, quod nomen cum plebejis pronuntiatu esset difficile, substituerunt danicum: Hörer, quod etiam frequenter usurpatum est pro nomine seculi XVIII Collegæ usque dum sec. XIXno appellatione Adjuncti utrorumque commoditatibus consultum est.

His accedebant Theologiæ lectores, quī primum quodammodo locum, per integrum miliarii dimidium, inter juventutis doctores occuparunt, partim quia disciplinam docebant, cui reliquæ famulari jubebantur, partim etiam quia provinciâ adeo opimâ et quæstuosâ gaudebant, ut Rectorum non pauci in senii levamentum hanc sibi expetierint. Cum vero docerent Theologiæ lectores non in scholâ sed in templo et ex præscripto Ordinationis Ecclesiasticæ (fol. 77) explicarent sacram scripturam "tum coram Canonicis scholasticis (discipulis) et prudentibus civibus tum aliis, qui eo se conferre audiendi cupidi avebant", patet, hancce Theologiæ institutionem ad historiam scholasticam haud proprie pertinere. Duravit hoc munus Arhusiæ usque ad annum 1743 et recensentur viri, qui Lectoratu functi sunt in Alberti Thuræ ideâ hist. litterariæ pag. 73 et 74 et in Hertelii descriptione ædis cathedralis Arhusiensis Tom. 2, fasc. 3 pag. 458.

§ 5.

De Rectoribus scholæ circa Reformationis tempora.

Doctorum scholæ Arhusiensis nemo in libris memoriæ traditis, sive typis impressis, sive membranis intus positis, nominatur ante MARTINUM BORUPIUM. 29) Qui vir, cum ingenii vi et de-

cendi dexteritate, quâ polluit, eximiâ, non solum illud decus attulisse scholæ Arhusinæ, ut ejus sub auspiciis omnium florentissima haberetur, sed insigni suâ industriâ, ab omni ostentatione remotissimâ, semina sparsisse putandus sit in lætissimam patriæ messem et ecclesiæ florem propediem succretura, dignus sane est, cui honorificus in annalibus scholæ nostræ relinqvatur locus.

Natus est Martinus Borupius ex rusticis pauperrimæ sortis parentibus Borupia, vico prope Schanderburgum sito, anno 1446³⁰), et cum juvenis adhuc regiam Schanderburgicam — quæ acerbior erat agricolarum tunc temporis conditio — operam servilem præstitum, eslet attractus, ibique sæpius, ut videtur, durius tractatus; accidit aliquando, cum in graminibus siciliendis eslet occupatus, ut præfectus operarum, quod noster

²⁹) De vita Borupii confer Pontoppidani marmora danica Tom. 2 pag. 118 et Annales Eccl. Tom. 2, pag. 294, 297 et 728. Dänische Bibl. Tom. 1 pag. 42, Tom. 7 pag. 512, Vindingii acad. Havn. pag. 445, Alb. Thuræ historia rei litt. pag. 71. Videnſkabernes Selskabs Skrifter Tom. XI, pag. 391 et Münteri hist. Reform. Dan. Tom. 1 pag. 311.

³⁰) Computandi rationem a Jano Wormio restitutam in vita Borupii ubivis seqvutus sum cfr. Videnſkab. Selskabs Skrifter Tom. XI pag. 357.

properando paullo tardior videretur, illum fra-
 mea percuteret, additis minis, graviore deinceps
 se illum pœnâ, ni maturaret, castigaturum esse.
 His injuriis — quod erectioris ingenii hominibus
 haud raro evenit — non est depressus quin potius
 erectus. Ad majora sese natum factumque sentie-
 bat, quam ex plagosi exactoris lubitu operam ser-
 vilem exercere. Falce igitur in pratum abjecta,
 Arhusiam festinavit, et, quod in votis diutius
 habuisse videtur, emto libello elementari scho-
 laque precibus obtenta, homo viginti quatuor an-
 norum barba prominente spectabilis, pone janu-
 am inter infimæ clas-³¹⁾sis pueros confedit. Vitæ
 necessitatibus pro more temporum consulens
 stipem ostiatim corrogando, ingenio et docilitate
 favorem docentium mature est consecutus. Ut
 igitur rem sibi succedere animadvertit, auctore
 Lyshandro, templum ingresus est, quod ex ve-
 teri majorum devotione Clementi est sacrum, vo-
 tumque Deo vovit: Si coeptis adspiraret, perpe-

³¹⁾ Ufu introductum fuerat, inquit Meursius
 in historia Christiani 2. pag. 68, inde a Reli-
 gionis Christianæ apud Danos inchoatæ pri-
 mo tempore ut tenuiorum filii, qui in ludum
 litterarium, ad doctrinam liberalem capien-
 dam, dati essent; ad inopiam sublevandam
 cibum sibi resque alias necessarias ostiatim
 corrogarent.

tuam se juventuti instituendæ operam esse daturum. His sensibus animatus præsentique numine veluti inflatus, nec in limine scholæ diutius hæsit, sed æquales, quos nactus est, mox vicit, imo dejecit, et pro temporum illorum ratione gradum corripiens ³²⁾ ad claustra academica impigre currit. Cujus voti etiam compos factus est, cum, decennio in schola transacto, ad academiam Hafniensem recens fundatam anno 1480 mitteretur. Ibi animum primum ad juris civilis mox ad theologiæ studium appellens, paucis interjectis annis: gradu honoreque Magisterii est ornatus.

Receptus erat ævi mos, ut cuivis litterarum studioso ad altiora nitenti aliquamdiu degendum esset in Universitate quadam extranea ³³⁾, nec in

³²⁾ Nil usitatus fuit illis temporibus quam 16 vel 20 annos infumere rebus in schola discendis, cujus rei de causis subtiliter et accurate ut solet, disputat Gustavus Badenius in disertatione inserta ephemeridi Minerva Octob. 1792 pag. 43 his verbis: "At Discipline oftest maatte henbringe 16 eller flere Aar i Skolen, var intet Under, naar betænkes, at de begyndte i Skolen med ABC, maatte saa hendrive deres Tid med ikke blot Korsang i Kjøbstædernes Kirker, men endog maatte her være Klokkingere, beførge Degneforretningerne i omkringliggende Landsbyer, ja stundom og her være Skoleholdere.

³³⁾ Cfr. luculentissimam Engelstoftii disertationem de peregrinationibus eruditorum

hac re sibi defuit poster, sed anno 1486 profectus est Coloniam Agrippinam ³⁴⁾, ubi studiis academicis finitis, Doctor Theologiæ publico academici testimonio est declaratus.

In patriam redux memorque Voti, quod juvenis susceperat, provinciam Rectoris scholæ Arhusinæ sibi expetiit, votique compos consensu Capituli Arhusiensis a. 1491 scholæ istius gubernationem amplexus est, in qua ipse prima litterarum fundamenta jecerat.

In docendi provincia, si Borupium spectemus, cæteris hujus ætatis scholarum moderatoribus facile palmam præripuit. Conjunxit enim doctoris severitatem gravitatemque cum amici humanitate comitateque, animi indole eâ tempestate sane rarissimâ. Supra ætatis suæ disputandi futilitatem evectus in Aristotelicæ philo-

inprimis Lutetiam Parisiorum in scriptis societatis litteraturæ Scandinavicæ 1802.

³⁴⁾ Cur hanc Universitatem prætulerit Borupius, reliquis ea tempestate florentibus inprimis Parisiensi, forsitan causa quærenda est in nuperrima Regis Chr. 1. Colonie Agrippinæ commemoratione (de qua vide Pontoppidani gesta et vestigia Danorum extra Daniam Tom. 3, pag. 197-204) vel etiam in adhortationibus Capituli Arhusiensis, cujus sub ductu Arhusinæ tirocinia posuerat Borupius.

sophiæ tricis enodandis explicandisque unice versantis, elegantiae potius et doctrinae Græcorum Romanorumque, qui fuit aestimator³⁵), tenellos suorum animos sano lætoque antiquitatis pabulo innutritos, mature ad eum veri rectique sensum efformasse videtur, qui postmodum discipulos Borupianos primos et strenuissimos sanioris Religionis vindices fecerit, laudemque egregio seniparaverit, eum tacite, velut aliud agendo, arma subministrasse³⁶), quibus tenebræ pontificiæ mox essent depellendæ³⁷).

His studiis intentus, quemadmodum in schola ab illius temporis crudelitate, qua præceptores rigidi et bilosi quævis menda, vel leviora, verberibus et plagis punienda esse censerent, prorsus fuit alienus, ita domi intra privatos parietes benignissimam, quin vere paternam, discipulorum gesit curam. Ea enim liberalitale fuit, ut cuivis

³⁵) Martinus Borupius war ein treflicher Humanist seiner Zeit. Pontoppidanus Ann. Eccl. Tom. 2, pag. 728.

³⁶) Rönnius in thes. IV. biographiæ Taufani præmissis dicit: Exinde concludere licet, e quo fonte viri docti tempore Reformationis suam hauserint eruditionem.

³⁷) Celebrem illum vocat Vindingius (Ac. Havn. p. 445) per universum regnum juventutis formandæ magistrum.

discipulo indigenti — nec exiguus erat horum numerus — ³⁸⁾ aditum ad suam mensam, veluti ad commune panarium, aperiret: “qvin ipsam scholam (verbis Lyschandri utor) ³⁹⁾ ita subsidiorum cura partitus sit, ut singulis ad meridiem quidem, mediæ vero ad horas vespertinas, de potu et cibo, Eleomofynâ certe non tenui et cumprimis mundâ, omnino provideret”.

Qvi sumtus licet omnino reditus ejus excederent, discipulis suis tamen deesse noluit, sed ad pietatem seculi confugiens, quâ ipse olim altus sustentatusque fuit, pueris ostiatim cantantibus novos liberalitatis fontes aperuit.

Nec, pro tetrico horridoque ævi sui more, abstinuit se a ludis puerorum, sed inter pueros se puerum gessit, lætus ipse puerilis lætitiæ spectator, imitatusque Socratem, qvi ludere non erubuit, ⁴⁰⁾ qvin teste Diogene Laertio, ⁴¹⁾ cum iis etiam saltavit. Hoc ad consilium composuisse videtur choream sic dictam stultorum, in quâ

(2*)

³⁸⁾ Cfr. § 6 not. 3.

³⁹⁾ Pag. 393.

⁴⁰⁾ Æliani hist. var. lib. 12, cap. 15.

⁴¹⁾ De vitis philosophorum lib. 2, cap. 15.

vel finire interpretandâ, 42) vel putide defendendâ 43) adeo solliciti fuerunt recentiorum non-

42) "Dignum scilicet Theologiæ Doctore inventum!" exclamat Pontoppidanus hanc rem narrans Marmor. Danic. Tom. 2 pag. 119 et Wadskærius in theatro poetico pag. 142 nescio utrum jejune magis an facete in Borupium ita jocatur:

Scilicet! ingeniis papistica Dania Summis
Inventisque novis suspicienda venit.

Doctor en! et Pastor, Rector, Saltator in uno,
Quam disjuncta licet, juncta fuere viro.

Hic Rhodus, hic salto! dixit Borupius olim
Sive Chorus poscat live Choreæ Ducem,

Ludimagister erat duplex, ad utrumque paratus,
Seu Ludi Doctor Sceptra tremenda vibret,

Seu Ludi Ductor saltandi traderet artem

Ejusdemque novum fingeret ipse genus.

In quacunqve etiam Musæ vel Musica vellent
Borupius noster Roscius arte fuit.

43) Lyschander hæc habet pag. 397: Etiam hanc, quam a stultis habere nomen dixi, choream excogitavit, lepidâ me hercule ac ridendâ artuum membrorumque flexurâ ac varietate, quam præfecti, ludis jam exhibitis, huic de Goliatho historiæ certissimâ salutarique admonitione ita subjunctam esse voluerunt, ut lubrica exempli hujus forma, profana hominum colluvies, totusque impietatis cætus sciret perspiceretque, omne quod adversus Christi Ecclesiam ab improbis suscipitur studium, fervorem et contemptum, vincente triumphanteque ad extremum filio Dei, in stultitiam definere: Istumque hisce tandem esse exprobrationis sceleratæ ac violentæ finem, ut cum magna interim mundi ac præsumptionis humanæ sapientiâ intume-

nulli. Hoc ad consilium, vel potius, ut puto, ludendo quandam latine loquendi dexteritatem discipulis suis paraturus, iis permisit, quotannis coram parentibus aliisque civitatis incolis fabulas agere ⁴⁴⁾. Hoc denique ad consilium pulchram illam cantilenam conscripsit, quâ inter ludos suos vernaless utebantur discipuli ⁴⁵⁾.

Quocirca, ludicra cum seriis Borupio miscente, prudenterque cavente, ne plus illis, quam his tribueretur, non est mirandum, scholam ejus sub auspiciis ita floruisse, ut discipuli ex omnibus patriæ regionibus, vel remotioribus, ad ejus disciplinam, veluti ad optimam litterarum officinam, confluerent ⁴⁶⁾.

Monumenta scriptis consignata eruditionis suæ specimina nulla quidem reliquit Borupius, sed illa nec edenda svasit seculi barbaries,

scant, risus ac stultitiæ tandem ferant præmia, cum cogitata digestaque ab illis sapienter armata robore et pollentiæ ostentatione a Filio Dei Jesu Christo contempto prius ac repudiato finaliter eludantur. Mansuram autem Ecclesiam, Deumque suos e mediis persecutionibus ærumnisque potenter liberaturum esse.

⁴⁴⁾ Thura id. hist. lit. pag. 72.

⁴⁵⁾ Afferetur hæc cantilena § 10.

⁴⁶⁾ Nobiles plures hoc tempore, quam ullo alio, scholam frequentabant.

nec conscribenda permisit manus, quod sustinuit, onerosissimum. Nil enim dubitandum est, quod aliunde etiam historicorum testimonio constat, ingenium ejus, optimis studiis innutritum, optima proferre potuisse, si hoc e re suâ judicasset. Cæterum subtilitatem, quâ in docendi munere excelluit, non incongrue haustam putat Lyschander⁴⁷⁾ ex studio juris civilis, cui mature operam dedit, sicut gustus pulchri venustique in poematibus ejus conspicuus debebatur crebræ Virgilii lectioni, quem in deliciis habuisse videtur.

Dictio ejus, quantum ex duobus breviusculis fragmentis⁴⁸⁾ colligere licet, paululum quidem ab ævi Augustæi auro recedit, sed tamen congrua est nec inelegans, et, si hanc cum pluribus mediæ ævi scriptoribus compares, auctor non indignus videtur encomio, olim Saxoni tributo: "illum tanquam sidus in ipsis tenebris fulsisse"⁴⁹⁾.

⁴⁷⁾ Pag. 395.

⁴⁸⁾ Præter odam vernalem, de quâ infra § 10 dicendum est, reliquit cantilenam insertam carminibus heroicis Petri Septimii his verbis incipientem: "Clericali et Regali turbâ gaude Hafnia."

⁴⁹⁾ Non fieri potuit, quin dictio Bornpii ex ævi more, de verborum delectu minus sollicito et inprimis ex Patribus aliisque Ecclesiasticis libris, quibus in theologicis studiis fre-

Tandem Borupius, dimidio fere seculo Musis Arhusiensibus litato, scholasticoque munere, quod triginta plusquam annos gesserat, in senii levamentum, brevi ante mortem cum ministerio ædis Clementinæ ⁵⁰⁾ cantoratuque Capituli ⁵¹⁾ permutato, decrepitam prope senectutem consecutus, e vitâ discescit anno 1526, annum octogesimum agens.

qventissime est usus, colorem qvendam duceret minus classicum, cui vocabula tribuas: viror, dulcor, resplendentia pluraque, quæ in cantilenâ (§ 10) occurrunt. Verum inspicias quælo, plures mediæ ætatis auctores, et, ad illos, Borupium fere Ciceronem agnosces Sumas v. c. testamentum Alsolonis ab amplissimo confesfu virorum illius ævi doctorum conscriptum, et, absque lingvæ vernaculæ cognitione, ex ejus tricis vix te expedies, legens (edit. Sperlingii pag. 9-16) de cæppis forratis i. e. palliis villosis pellibus subductis, Juppâ de pellibus griseis (tunica expellibus sciuro detractis confectâ) Coopertorio vulpino, Pallio magno de Lækatt, Lectisternio forrato de Marturibus, ne dicam de cistis et biccariis eqvisque blaccati et brunei coloris. De qua re vide plura apud Guldbergium (Skildring af Underviisningsvæsenet i Danmark i Niemeyer om Opdragelsen Tom. 2 pag. 469.

⁵⁰⁾ Vid. Sid. Sellk. Skrifter Tom. XI. pag. 393.

⁵¹⁾ Münters Reformationen-Historie Tom. 1 p. 116.

Sepultus est ex adverso scholæ in coemeterio sancti Clementis, ad orientalem ædis partem, scholam inter et templum medius. Cippus marmoreus orbiculatus sepulchrum olim ornavit, casuum quandam varietatem non minus quam vir, cujus ossa texit, expertus. Cum enim centum fere annos polyandrium nostrum ornasset, nescio quo fato factum est, ut terræ plane immergeretur, ibique per longam annorum seriem immerfus jaceret, donec resuscitato per Olaus Wormium patriarum antiquitatum studio, curâ Pastoris Arhusiensis Martini Herlovii ⁵²⁾ circa annum 1690 pristino honori reddebatur. Sed cum pedibus viatorum et lapsu aquarum de turri præaltâ decidentium magis magisque roderetur, ætati demum cedere cæpit, primumque ruptus, quin tripartitus, aliquamdiu jacuit, donec tandem ita evanuit, ut nullum jam supersit ejus vestigium ⁵³⁾.

⁵²⁾ Pontoppidani marmor. Dan. Tom. 2, p, 118.

⁵³⁾ Vivido sensu hanc jacturam dolet patriarum antiquitatum ingeniosissimus æstimator Nyerupius, qui in itinerario Arhusiensi pag. 38 hæc habet: "Jeg vilde i min Eensomhed i uforstyrret Røe og med Sjælens hele Sandsdvæle ved et Oldminde, som saa lidet og uanseeligt det end maatte være, langt længere vilde kunne fængsle min Agtpaagivenhed, end hine Prælaters og Adelsmænds Ligstene inde i Kirken. Uagtet jeg var fremmed i Byen,

Cum igitur metuendum sit, ne damnum damno addatur, monumentoque perduto curioso antiquitatum investigatori spectatu minime indigno, ipsa hujus memoria certaue notitia tandem pereat, e re esse duxi, cum mihi contigerit liber

og ikke för havde været paa Kirkegaarden, behövede jeg dog ingen Veiledning til at finde dette höihellige Mindesmærke. Af min Abildgaard vidste jeg Stedet præcise. Det var paa Kirkegaarden ved Kirkens östlige Ende. Jeg kom derhen og saae — Intet; fögte paa langs og paa tvers og fandt — Intet. Denne saaledes skuffede Forventning var mig en höist ubehagelig Fölelse. Det jeg fögde, var nemlig hiin aarhusiske Rectors Morten Borups Ligsteen, der ved det 15de Aarhundredes Slutning og det 16des Begyndelse var vort Fædrelands mest beröimte Skolelærer, blandt hvis Elever man tæller en Cancellar Johan Friis og 3 af Danmarks förste evangeliske Bisper. Men denne Reliquie, der, saa forflidt og ödelagt den end var, dog tjente til at opfriske Mindet af en fordums Hædersmand, den var nu borte. — — — Abildgaard fandt Aar 1770, at Stenen var af Marmor, meget belkadiget og afstödt. Den var 2 Fod og 5 Tommer i Diameter foruden Inskriptionsranden, som var 5 Tommer bred. Af Inskriptionen var saagodtsom intet tilovers, uden at der paa den ene Side lyntes at staae: "artium".

De quo tamen vocabulo in lapide Borupii residuo a docto Abildgaardio rectius: ARTINUS quam ARTI-

manuscriptus ⁵⁴⁾ exactam ejus delineationem præbens, huic oblivinioni utcunqve occursurus, iconem cippi Borupiani æri incisam huic oppellæ subjungere. Qvâ inspectâ apparebit, cippum ha-

UM legendum fuisse conjicio, ex eâ enim deletâqve temporis injuriâ primâ litterâ π MARTINUS, hæ litteræ remanent.

- ⁵⁴⁾ Exaratus est his liber ab ædituo templi Clementini Petro Schive circa annum 1730, tempore qvo adhuc adeo integrum illælumqve erat monumentum Borupianum, ut Rector posterus Arhusiensis Petrus Saabye — de qvo vide period. 2 § 4 N. 25 — ob fortunæ similitudinem Borupii cippo corpus suum tegendum jusserit et cum plus qvam 80 exhibeat icones, inscriptiones et epitaphia rebus adhuc superstitibus exactissime respondentia, nullo est dubium, qvin Borupii monumentum eâdem fide sit delineatum. Transiit hic liber ex bibliotheca B. Hvidii, Regis a consiliis justitiæ, summiqve, dum vixit, magistratus Arhusiensis, dilecti mei loceri, me auctore svasoreqve ad museum scholasticum, ubi adhuc dum aservatur, titulum habens: "Aarhus Domkirkes Antiquiteter og Inscriptioner paa Ligstene, Ligkister og Epitaphier med mere til Posteritætens Efterretning, som for nogle og tyve Aar siden er samlet af daværende Underdegn Peder Pederfön Schive, men da Originalen var bortkommen, er den efter en Copie affkreven og efter Magistratens Befaling foröget af Christian Cramer. Aarhus den 30 Aug. 1752."

buisse nec figuras decuslatim positas ⁵⁵⁾ nec palam aliudve instrumentum agreste (furca excepta) ⁵⁶⁾ sed, præter insignia muneris scholastici ferulam virgamque, ætati magis quam Borupio convenientia, furcam solummodo in natalium vitæque juvenilis memoriam insculpta fuisse.

§ 7.

Post Borupium, vacillantibus Ecclesiæ rebus inter pristinas tenebras novamque Religionis lucem, res nostræ scholasticæ certo quodam moderatore aliquamdiu caruisse videntur, donec constituebatur, qui in serie Rectorum Arhusiensium commemoratur: 2dus scholæ Rector, Petrus Windius, Viti filius qui formulam Lutheranam amplexus: 1530-1546 plus minusve scholæ regimen tenuit. Laudatur in epitaphio templi Clementini adhuc superstite, ut dominus virtute et eruditione præstantissimus, ut et variarum lingvarum artiumque gloria reverendus. Cæterum de ejus vita scholastica nil constat præ-

⁵⁵⁾ Qvod affert Albertius Thura (Id. hist. lit. p. 71.) Pontoppidanus (marmora Danica Tom. 2 pag. 118) et plures.

⁵⁶⁾ Conjectura Abildgaardii confer Nyerupii iterarium loco citato-

ter hoc, eum ante annum 1548 munus scholasticum cum pastore ad ædem Arhusinam sancto Olao dicat in commutasse, quo de ejus munere hæc notatu digna ex veteri manuscripto refert Pontoppidanus ⁵⁷⁾: “Pastor ad templum Divi Olai antequam Cætus ille societati ecclesiæ Clementinæ adjungeretur, fuit Dominus Petrus Wind, Viti filius. Is cum sacra facturus templum D. Olai Dominicâ Esto mihi Ao. 1548 ingrederetur, frangores audit et alia imminentis ruinæ ⁵⁸⁾ prælagia, quapropter ita jubente periculo, comitantibus auditoribus ad fores templi Clementini se sistit, petitque ibi locum dari suis auditoribus et sic copiam ex suggestu alternis concionibus verba iis faciendi. Quod cum accedente Magistratus suffragio, facile impetrasset, dextram fraternitatis Pastori Ecclesiæ Clementinæ dedit, quasi unus Grex et unus Pastor inter se viverent pares, et paria præmia fraterne inter se parituri” ⁵⁹⁾. Ex in-

⁵⁷⁾ Marmora Danica Tom. 2 pag. 111.

⁵⁸⁾ Hoc vocabulum deest in Mss. sed loco ejus est lacuna.

⁵⁹⁾ De Petro Windio cfr. Thura ed. p. 74. Paulsen catalogum pastorum Arhusiensium p. 15, Pontoppidan. marm. dan. l. c. Hertelii descriptionem templ. Clem. et librum qui dicitur, daticum, in chartophylaceo templi servatum, in quo a. b. Jano Wormio ordo Rectorum Arhus. accurate indicatus est.

scriptione sarcophagi apparet eum mortuum esse
die 15 Septbr. a. 1562.

§ 7.

De illustribus egregiisque scholæ discipulis.

Quod in laudem Arhusiæ affert Olaus Wormius⁶⁰), "eam tot eruditione præstantes protulisse viros, quot vix ulla alia totius Cimbriæ civitas", id imprimis valet de tempore sacrorum emendationem præcedente. Doctas enim ad Athenas, Borupii sub auspiciis florentes, veluti ad optimam bonarum artium mercaturam, confluebant undique juvenes, Atticæ eloquentiæ et eruditionis captatores.

Quare nil est dubitandum, si verum est, quod asserit Palladius⁶¹), pluries centenos discipulos, se puero, adiisse scholam Ripensem et Roeskildensem⁶²), haud pauciores in schola Arhusina fuisse, quæ Borupii sub ductu tam præclare audiebat.

⁶⁰) Monumenta Danica p. 276.

⁶¹) Dänische Bibliothek Tom. 1. pag. 173.

⁶²) Verba ejus hæc sunt: "Den Tid, vi som nuer Klerche herinde, ginge thil skole och vare smaa fincher, da maatte wi hen offwen paa skoleloffen, saa mange peblinge waar der, at der waar bode offven och neden, 700 udi Riber skole, 900 udi Røschild skole."

Verum enim vero, cum nec quot sint discipuli, sed quales, quærendum sit ei, qui de scholæ bonitate justum ferre cupiat judicium, nec in genere sit mirandum, illo tempore ad tantum numerum accrevisse juventutem scholasticam, cum per bina integra ternave decennia aliis negotiis impediti⁶³⁾ tererent pulverem scholasticum; tamen Musis Arhusiensibus omnino est gratulandum, quod tot egregios foverint alumnos, quorum nomina omnis posteritas æternâ memoriâ recolet, quos inter heic solum nominabo:

1. Johannem Frisium, Cancellarium Regium qui Othiniâ Arhusiam celebritate nominis Borupiani adtractus, finitisque studiis scholasticis et academicis Vitebergam petiit, Lutherum inprimis audiendi cupidus, et ab hac reversus — quod in ejus laudem heic minime est reticendum — patriæ Regique præcipuus auctor fuit pontificiam doctrinam ejurandi. Cæterum ejus laus nec verius nec disertius exprimi potest quam verbis docti Vindingii⁶⁴⁾: Fuit hic optimis Regibus Friderico I., Christiano III. et Frederico II. carissimus et in pretio habitus, ob fidem ac excellentes animi dotes et promptissimum studium,

⁶³⁾ confer annot. 32.

⁶⁴⁾ Academia Hauniensis pag. 446.

quod totos 50 annos Patriæ, sub regibus quatuor impendit: Ecclesiæ Dei in hisce regionibus nutricius et civis pientissimus, Cancellarius prudentissimus, Regni senator consultissimus, Academiæ conservator primus, inprimis beneficus: Generis sui nobilissimi et universæ nobilitatis Daniæ ornamentum incomparabile: scholarum egregius fautor: pauperum jure solatium, oppresorum ara, afflictorum portus, ævi sui deliciae et omnium ordinum atque ætatum multijugæ virtutis exemplar absolutissimum ⁶⁵).

2. Johannem Tausanum Episcopum Ripensem, Fioniâ quoque adventitium, qui primum se gessit eumque intrepidum in regno Danico Religionis Lutheranae præconem ⁶⁶).

3. Georgium Sadolinum, primum Rectorem Viburgensem, unde Viburgius est cognominatus, deinceps Episcoporum primum evangelicum Fioniensem ⁶⁷).

⁶⁵) Plura de illo vide Vindingii loc. cit. Holberg hist. dan. Malling de bene gestis Danorum p. 495 et 562.

⁶⁶) De quo vide Wormii lexicon litt. Voll. 2, p. 461. Mølleri Cimbriam litteratam Tom. 2, p. 886. Dänische Bibl. Tom. 1 p. 1. Münteri hist. Reform. et Mallingii lib. de bene gestis p. 337, 387 et 446.

⁶⁷) Danske Magazin Tom. 2, p. 67. Wormii

4. Jacobum Schönningium, Episcopum primum evangelicum Viburgensem. Cujus de natalibus tenellaque ætate cum nil certum constet, factum sine dubio est, ut ejus nomen a Jano Wormio ex tabula scholastica ⁶⁸⁾ sit omis-
sum, Lyschander ⁶⁹⁾ autem, Pontoppidanus ⁷⁰⁾ et Munterus ⁷¹⁾ eum discipulis Borupii accensendum jure putant.

5. Johannem Synningium, (danice: Hans Simesön) Theologiæ Doctorem et Profes-
sorem Havniensem. De eo inter alia narrat Vin-
dingius ⁷²⁾ "eum uxorem duxisse, quæ ex alio
ante nuptias concepisse deprehensa est, ideoque
in Consistorio conclusum fuisse, ut eam ante se-
cundum solis occasum ablegaret, vel ipse numero

Lexicon Tom. 2, p. 304. Fyenske Geistlig-
heds Historie Tom. 1, p. 2.

⁶⁸⁾ Appensa est hæc tabula lignea in suprema
scholæ nostræ classi, insignitaque studio Ja-
ni Wormii nominibus discipulorum mu-
neribus publicis postea præfectorum juxta
edictum scholasticum d. 11 Maji 1775, nunc
vero ad nostrum ævum continuata cura præ-
sentis Rectoris Arhusiensis meritissimi.

⁶⁹⁾ Videnfk. S. Skrift. XI. p. 394.

⁷⁰⁾ Annales Eccl. Dan.

⁷¹⁾ Hist. Reform. Tom. 2, pag. 360.

⁷²⁾ Acad. Havn. p. 68.

Profesforum excluderetur. Cui senatus consulto, litteris Regiis, in eandem sententiam accedentibus parere coactus est" ⁷³).

6. Janum Andreæ (dan. Andersen) quem auctore clar. Müntero, ⁷⁴) discipulis Borupii annumerare nullus dubito, licet ejus nomen in tabula nostra scholastica desideratur. Inter primos nominatur, qui semina doctrinæ Protestantium popularium animis insperferit, nam cum a fratribus Dominicanis Arhusiæ degentibus, Romam esset missus, ut papisticâ imbutus doctrinâ ejusdem fidus rediret propugnator, reversus anno 1520 in summam fratrum ægritudinem intrepidus causæ Lutheranae apparuit patronus ⁷⁵).

His discipulis Borupii addi possunt, auctore Lyschandro ⁷⁶) Nobilis Torchillus Abildgaardius, (qui teste Müntero ⁷⁷) fuit inter primos Ecclesiæ Daniæ reformatores) Nicolaus Mollingius, Simon Christiernus, plu-

⁷³) De ejus vita scriptisque confer Wormii lexicon 2, 459.

⁷⁴) Reform. Hist. Tom. 1, pag. 347.

⁷⁵) Plura de eo vide Münteri Ref. Hist. l. c.

⁷⁶) Vid. Selsk. Skr. Tom. 11, p. 394.

⁷⁷) Reform. Hist. Tom. 2, p. 345.

resque quorum nomina in tabula nostra schol.
haud sunt allata.

§ 8.

Inter discipulos, quos secundus Arhufi-
ensis Rector Petrus Windius in univer-
sitate Hafniensem misit, binos tantum excitabo:

1. Petrum Paulinum (dan. Paulfön),
Græcæ lingvæ Profesorem, in Album Universita-
tis inscriptum a. 1538.⁷⁸⁾

2. Erasmus Lætum (dan. Rasmus Glad)
Theol. Doctorem et Profesorem Hafniensem anno
1542 inter cives academicos receptum. Teste Vin-
dingio⁷⁹⁾, “munificentia Capituli Arhufiensis vixit
aliquamdiu in academia, donec decreverant Pro-
fesores, ut nexu Canonorum, si fieri posset,
liberatus, in exteris nationibus aleretur. Ab his
reversus, munereque Profesoris Dialectices, mox
Theologiæ per biennium functus, ab officio Rec-
toris Universitatis, quod a 1561 susceperat, prop-
ter ferociam, austeritatem (et alia crimina addit
Wormius)⁸⁰⁾ jussu Cancellarii Johannis Frisii
dimotus est, cumque primum lubens, indultu Re-

⁷⁸⁾ De eo vide Vindingium p. 70.

⁷⁹⁾ Ac. Havn. p. 108.

⁸⁰⁾ Lex. litt. Tom. 1. p. 568.

gio, mox invitus Professioni suæ renuntiasset peregreque commoraretur, in hac ærumnosâ et difficili peregrinatione, nullo penu librorum, nullo historicorum præsidio, cum simul in magno luctu esset ob amisam conjugem pulcherrimam, egregia sua scripta elaboravit Hamburgi, Colonia, Basileæ, Francofurti et Patavii", ut nomine tantum non re et Lætus et Εὔσµυιος (amabilis) fuisse videatur^{s¹}).

§ 9.

De rebus, quæ in schola tractabantur.

Quod ad res attinet, quæ in scholâ nostrâ ab initio seculi XIII trecentos circiter annos docebantur, non multum differebant ab iis, quæ in reliquis Daniæ scholis sunt traditæ, ab omni fere parte spectatæ tenues pariter atque exiles. Si enim materiam respicias, in rebus versabatur, quæ juvenilem, quin humanum captum intellectumque plane excedebant, sin formam, hæc ea fuit, quæ rem per se obscuram obscuriorem magis impeditioremque redderet, inque causâ esset, ut

(3*)

^{s¹}) De ejus vita scriptisque confer Vindingium et Wormium locis citatis.

compendia ipsa novo commentario haud raro indigerent.

Sumamus linguam latinam, quam primas, ne dicam solas, in omni institutione juvenili, ab ipso scholarum ortu, tenuisse constat, et reperiemus pueros ad prima lingvæ rudimenta ductos fuisse per monstrum aliquod Grammaticæ latinæ⁸²⁾ latine conscriptæ, et quidem plerumque hexametris versibus, adeo obscuræ⁸³⁾, ut multis iisque spissis commentariis haud melioris quidem luti, ei lucem quandam affundere conati sint seniores Grammatici.

⁸²⁾ Alexandri puto Doctrinale, de quo ut de reliquis ejusdem farinae libris, qui in scholis nostris antiquissimâ ætate prælegebantur, prolixè disputat Nyerupius in "Notitia librorum qui ante Reformationem in scholis Daniæ prælegebantur cum Mantissa ejusdem libri ex museo Hielmstierniano. Hafn. 1784 et 85" quem lectoris horum curiosi consuluisse minime pigebit.

⁸³⁾ Paradigma primæ declinationis (si exemplum quæris) ita docetur:

Rectis as es a dat declinatio prima

Atque per am propria quædam ponuntur Hebræa.

Dans æ diphtongon Genetivis atque Dativis.

Am servat quartus, tamen an aut en reperimus

Cum Rectus fit in as vel in es vel cum dat a

græcus

Rectus in a græci facit an quarto breviari.

Quintus in a dabitur, post es tamen e reperitur.

A sextus, tamen es quandoque per e dare debes.

Am Recti repetes quinto sextum sociando.

Hocce improbo labore inter fletus verberaque
 84) devorato, tantum abfuit, ut puero male vex-
 ato ad ipsos latinos auctores pateret aditus, (hi
 enim e scholis plane exulati fuisse videntur) ut
 per *Æquivocationes* 85) *Labyrinthumque* 86)

84) Christiernus Petri fol. 8 om Börn at
 holde til Skole, Antwerpen 1531: "Ufor-
 nömftige Skolemestere og Hörere flængde,
 fløde og hudstrøge de fattige Börn, at Blodet
 løb ned af Ryggen paa dem i deres Hofer for
 en Tytel eller Ordz Skyld, som een foer
 vild udi, eller i sine cafer og temporalyer".

85) Duo exstant hujus nominis libri, alter Ma-
 thæi, alter Johannis de Garlandria,
 cujus disputandi futilitatis exemplar funto
 octo vocabuli terræ definitiones: Terra,
 inquit, significat 1) infernum unde Job:
 Antequam vadam ad terram tenebricosam.
 2) beatam virginem, unde Psalmus: Ve-
 ritas de terra orta est i. e. de virgine 3)
 Deum, unde: Dic tibi terra levem cæli su-
 pereminet apem. 4) unum de quatuor
 elementis, et sic dicitur, quod terra est in-
 fimum elementum. 5) vitam æternam,
 unde Psalmus: Portio mea, domine, in ter-
 râ viventium. 6) carnem humanam,
 unde Job: Terra data est in manum impii.
 7) hominem, unde in Genesi: In princi-
 pio creavit Deus cælum et terram. 8) eccle-
 siam militantem, unde Psalmus: Vifi-
 tasti terram.

86) Labyrinthus proprie erat carmen elegi-
 acum de miseriis Rectorum scholarum, quo
 pueri, dum molestiarum misereri advesce-

(quæ dicebantur) deducendus esset ad jejunam exilemque Philosophiæ, Rhetorices artisque poeticæ notitiam. Hos enim libros scriptorum Classicorum loco in lingvæ latinæ perfectionem successisse existimamus.

Quod in succrescentium puerorum animis genuerit hæc inepta spinosaque litteras latinas tradendi ratio tædium, perspectu non est difficile. Ætas vitiosa vitiosiore tulit, librique mediæ ævi, vel fugitivo oculo inspecti, ostendunt, lingvam

bant magistrorum, (forsitan ne ipsis magistris in terga sua sævientibus imprecarentur) simul notitiâ quâdam artis poeticæ erant imbuendi. Miserum Rectorem his verbis compellat auctor Eberhardus Bethuniensis:

Cor tibi decoxit curæ studiique caminus,
Afflixit corpus Parisiana fames.
Sicut divitibus est Parisius paradisus
Sic est pauperibus insatiata palus. -- --
Inde reversus eras nudatus veste, lucerna
Pallidus, exilis corpore, rebus inops.
Sed nunc cura gregis te mancipat, urit et arctat
Officii jure, sedulitate, metu.
Pervigilata tibi face nocturna, recitata
Sæpius excerebrat lectio mane caput.
Tædia multa tibi surgunt; tibi tradita quisque
Cum reddit, solo te residente loco.
Nec minus affligit te declinatio mane
Et sero pueris continuata tuis.
Dicere materias puerorum viribus aptas,
Crux gravis est curæ quotidiana tuæ.
Versus audire, nefas ostendere, limam
Addere, non levis est verficulosa lues, &c.

latinam eo tempore barbarismis et soloecismis, quam quod maxime, foetuisse⁸⁷⁾.

De Græcis, si quæris in promptu est respon-
sio in proverbio trito: Græca sunt, non le-
guntur, quod presse et ad verba sequuta est
hæcce ætas: Nam compendium scholasticum
Græcista vel Græcismus inscriptum, quod
putat Wormius⁸⁸⁾ isagogen quandam lingvæ Græ-
cæ continuisse, teste Nyerupio, fuit solummodo
grammatica latina versibus hexametris conscripta,
et a paragrapho quâdam, veluti nobiliore ejus
parte, vocabula ex græco fonte deducta continen-
te, Græcistæ nomine insignita⁸⁹⁾.

Nec melior denique erat facies Theologiæ.
Hanc discebant discipuli ex libello: Facetus⁹⁰⁾
inscripto, versibus elegiacis officiis in deum ut-
cunque depingente⁹¹⁾. Quam ad disciplinam for-

⁸⁷⁾ vid. § 5. not. 49.

⁸⁸⁾ Vid. Selskabs Skr. XI. pag. 578.

⁸⁹⁾ Nyerupii Catalogus librorum in scholis ante
Reformationem prælectorum pag. 29.

⁹⁰⁾ Vid. Nyerup. pag. 62.

⁹¹⁾ Exempli loco sit brevis regula data puero
mercaturæ destinato pag. 63:

Qvi mercatoris doctrinam gliscit habere
Noscere denarios expetat ipse prius
Cambiat attente, ne sit deceptus ab nullo.

tan etiam referebatur pars Labyrinthi supra memorati, in quâ, versibus elegiacis, ita depinguntur mores puerorum, ut fere nesciverim, utrum hæc descriptio ad vitiorum fugam an ad pravorum exemplorum cognitionem plus contulisse censenda sit⁹²⁾.

Quæ cum esset indoles librorum elementarium, non est mirandum, Christianum secundum, Regem, ut de re scholastica bene meritum, ita quoque in litteris minime hospitem, edicto quodam, propriâ Regis manu vel ad ejus dictamen (ut putat Langebechius)⁹³⁾ a. 1521 conscripto, nec tamen ob exilium Regis brevi subsecutum publici juris facto, sancivisse: omnes hos libros ineptos putidosque Skulto, i. e. disciplinæ publicæ ministro, esse tradendos et ab illo igne comburendos⁹⁴⁾.

⁹²⁾ Pag. 44 hæc habet Nyerupius:

Corruptæ quidam sunt indolis, ut meliora
 Displiceant, placeant deteriora sibi.
 Pro studio cauponem, pro Doctore tabernæ
 Provisorem, pro codice scorta colunt.
 Effrenes quosdam vexat vesania mentis
 Frenum non dat eis excoriata cutis.
 Sunt hebetes: formam prius inscribas adamant, i
 Quam capiant, quod eis traditione seris.
 Mane petendo scholas qui cum testudine serpunt,
 Saltatu leporis vespere tecta petunt.
 Quælibet hora brevis discendi longa videtur
 Cesfandique dies emutilata sibi.

⁹³⁾ Danske Magazin Tom. 6, p. 359.

In promptu igitur est judicare, quantum supra seculum suum sapuerit Borupius (et ad seculum nunquam non dijudicandus est vir, si iustum de eo ferre velis iudicium) quod illi contigerit, nullâ Regiâ auctoritate adjuto, has ineptias e schola suâ exterminare, melioremque gustum revocare, quem ejus auctoritate exemploque refo-cillatum per integrum seculum cathedram Arhusiensem ornasse reperiemus.

§ 10.

De examinibus publicis et disciplinâ scholasticâ.

Antiquitus munus ingenia puerorum explorandi speciminaque profectuum excutiendi Canonicis delatum fuisse, jam antea monuimus (§ 2). His vero cum fordescere cæperint negotia scholastica, ad Episcopos transiit administratio, quâ imperii mutatione non deterius rei nostræ consultum est, cum Episcoporum plerique, pro temporum modulo et ratione, litterarum doctrinâ exquisitâque eruditione egregii, litteratorum quoque se fautores et patronos præberent integerrimos⁹⁴).

⁹⁴) Mandatum de libris elementaribus deleudis hujusmodi est: "Oc alle gamle Alexandri Böger, Puerilia met Faceto, Per Laale, &c. them skulle the antworde wor Skultus, och lade them brænde". D. Mag. T. 6 p. 366.

Cæterum puerorum exploratio familiæ scholasticæ vel adscribendorum, vel, recensione habitâ, in altiores clasces evchendorum, penes Rectorem fuit, nec diversam a reliquis hac in re faciem habuit schola nostra.

Quod ad disciplinam scholasticam attinet, tam finistre majores nostros, si Borupium excipias, rem egisse, non est diffitendum, ut, puniendi asperitate, animis tenellis litterarum potius nauseam quam amorem ingenerarent.

Resonabat domus scholastica, ut olim arx Priameia, gemitu miseroque tumultu, plusque temporis haud raro impendebatur verberibus infligendis quam ipsi institutioni, ita ut optimæ spei adolescentes ob hancce puniendi immanitatem, institutionem scholasticam σχολήν non σχολήν experti, a studio discendi plane deterrerentur. Et hacce de crudelitate si cum plagoso Orbilio expostularet quispiam, in promptu erat responsum: Tanti doctrinam meam emi, tanto eam vendam! Ii vero discipuli, qui vitæ scholasti-

⁹⁵) Episcopos sacramento adstrictos esse ad curam scholarum gerendam, apparet ex Meursii hist. danica cura Grammii pag. 898, ubi de primo Episcopo evangelico Arhusiensi narratur, eum jurasse: "se de scholis puerorum et in pauperes conferendis eleemosynis bene distribuendis itidem sollicitum fore".

cæ molestias eluctari non detrectabant, teste Christierno Petræo⁹⁶), sapius præ terrore nec ad discendum erant apti, quin verbis doctorum veluti lepores ad canum latratum contremuerunt. Qvod defines mirari, si modo oculos conjeceris in tremenda illius ævi puniendi instrumenta, virgam carnifici quam doctori aptiorem, ferulamque clavis æneis distinctam et foramine medio ita instructam, ut manus tergoraque illò certius dilacerarentur.

Cui immanitati occursurus sapientissimus legislator Christianus secundus, qui in domo Johannis bibliopegæ versans, exemplo suo edoctus noverit, quam dure in miseros pueros consuluerint illius ætatis doctores, mandato Regio jubere constituit: ferulam omnino e disciplina scholastica esse tollendam⁹⁷). Qvod utrum hic factum sit, est quod dubitem.

⁹⁶) Danske Magazin Tom. 1, p. 50. De umilde Skolemestere fordreue med umenneskelige Slag og Hug mange gode unge Peblinge og Degne fra Skolen og god Lærdom. De forkuede og mange med store Slag og Hug, at de sadde saa redde som en Hare for Hunde, og kunde ikke komme i Hu hvad der sagdes og lærdes for dem.

⁹⁷) Danske Magazin Tom. 6. pag. 367: Schulle thi (Skolemesterne) oc icki here effther haffve Ferler ndi Skolerne, som thi herttil haffdt

Sed his mislis, ad jucundiora transeamus
narraturi quædam

§ 11

De festis scholasticis.

Læta interdum juventati, durâ tetricâque disciplinâ subactæ, datum iri studiorum intervalla hilaritati dicanda, jam dudum viderunt antiqui. Nec ab hocce more recesit Borupius. Præter vacationes ordinarias hilaresque conventus nuptiales, quibus sponso sponsæque inter cantandum quævis fausta apprecabantur discipuli⁹⁸⁾, duplex

haffwer, eller flaa Børnene vmaadelighe oc wskellighe mett Riiff, som thii her tiil giortt haffwer”.

⁹⁸⁾ Quibus addi possunt vespertinorum carminum chori, qui imprimis in Martinalibus natiqve Christi vigiliis a pueris, sic dictis Davidicis, plateas circumcurrentibus decantabantur, de quibus, cum nulla disserta mentio fiat in chartophylaceo nostro, pluribus disserere jam supersedeo. Hic tantummodo in memoriam revocabo festum Episcopale, a nostro vernali haud multum dissimile, olim habitum Flensburgi, et in programme de Gregorio Magno a Johanne Möllero 1722 evulgato pag. 4 ita descriptum: “Festum Gregorii in Athenæo nostro (Flensburgensi) aliisque vicinarum regionum juventuti vacationem paucarum tantum horarum a laboribus impetret scholasticis, in plerisque

festorum genus in antiqua historia Arhusiensi commemoratur, alterum foras, alterum domi habitum, de quibus sigillatim pauca dicenda habeo.

1. Festum vernale ipsis Calendis Maji habebatur a juventute supremæ Classis, quæ hocce die, post exactos menses hibernos, jucunditatem veris et appropinquantis æstatis exceptura, in colle quodam suburbano (postea Skandseæ dicto)⁹⁹⁾ conveniebat. Hic cum alumnorum unum ducem elegissent, Comitem Majum vocatum, ejus pileum frondibus floribusque ornarunt, ipsumque per portam mari confinem solenni pompa deduxerunt.

tamen Germaniæ, præsertim superioris, Lyceis Lutheranis, majori pompâ solet celebrari. In his enim quotannis die hoc D. Gregorii sacro memoriæ, cætus scholastici, duce commilitonum uno, Episcopo a ceteris electo, vestibusque dignitati isti sacræ congruis induto et albatis illius satellitibus, nomina sibi angelorum tribuentibus in publicum prodeunt, ac singulas pervagantes plateas, cantilenis piis divina in se celebrant beneficia, puerosque alios ad scholas invitant frequentandas”.

⁹⁹⁾ Est collis, in quo, imperatoris Germanici militibus has terras bello inundantibus, vallum postea est conditum a Wallensteinio anno 1627, cujus reliquiæ hodieum supersunt. Cfr. Pontoppidani theatrum Da-

Subleqvebatur per urbem magna adolescenti-
um cohors, umbellas vel manu tenentium vel pec-
tori affixas præferentium, plerumque etiam in
pileo gestantium cristas ex herbis, floribus vel ra-
musculis arborum viridantibus decore concinna-
tas, quam pompam vocabant æstatem in ur-
bem invehere. Cantabatur interea per om-
nes urbis vicos hæcce cantilena a Borupio confecta:

In vernalis temporis ortu lætabundo.

Dum recessum frigoris nuntiat hirundo,

Terræ, maris, nemoris decus adest de foris, re-
novato mundo.

Vigor redit corporis, cedit dolor pectoris, tempore
jucundo.

Terra vernat floribus et nemus virore,

Aves mulcent cantibus et vocis dulcore.

Aqua tempestatibus caret, æer imbribus, dulci plex-
us rore,

Sol, consumptis nubibus, radiis patentibus lucet
cum decore.

O quam mira gloria, quantum decus Dei

Quanta resplendentia suæ faciei.

A quo ducunt omnia, summa, ima, media formam
Ipeciei,

Magis hæc distantia, quam sit differentia noctis et
diei.

niæ pag. 373 et Slangii historiam Christiani
quarti.

Consumptâ hocce modo inter jocandum cantandumque magnâ diei parte, graduque factô ad honestiorum civium fores, sub vesperam convenisse videntur stipemque collectam in mutuam lætitiæ fruitionem impendisse ¹⁰⁰).

Alterum scholæ nostræ festum annuo Borupii æro inprimis celebratum, nominatur:

Convivium magnæ Dominæ (vor store Frues Gilde) in quo dapibus Platoniciis, vel potius Plautinis, gulæ doctarum convivarum indulgit pubes scholastica, quæ in hocce festo tenebatur, comoediis tragoediisque agendis aliisque ad litteras pertinentibus exercitiis specimina sui profectus edere coram parentibus aliisque civitatis incolis ad hæc solennia invitatis.

Quæ ingenium memoriamque juventutis exercendi ratio a recentioris ævi pædagogis minime improbata ¹) et ad exemplum nostræ alias in

¹⁰⁰) Hoc quoque festum eodem modo ac apud nos in reliquis Daniæ scholis celebratum fuisse, diutiusque in Coldingensi quam in cæteris viguisse, apparet ex manuscripto Alberti Thuræ § 3 citato, Nyerupii historia scholarum p. 56 et Terpageri Ripis Cibricis p. 566 et 723.

¹) Exempli loco Baconem nominabo solum et Morhofium, quorum ille in libro de dignitate et augment. scientiarum Tom. 1, 469, cap. 4 p. 349 hæc habet: "Actio theatralis

scholas postea introducta²⁾ Borupio ideo quoque arrisisse videtur, quod inter ludendum latine loquendi dexteritatem suis propinatum iri judicaret.

memoriam roborat, vocis atque pronuntiationis tonum atque efficaciam temperat, vultum et gestum ad decorum componit, fiduciam non parvam conciliat, denique oculis hominum juvenes adlvefacit, et hic in Polyhistoris Tom. 1 lib. 2, cap. 4 p. 345". Ad prudentiam formandam schola subsidia ministrat, eaque per actiones theatricas instituenda. Morosi enim sunt et inepti homines, qui juventutem ab his exercitiis arcent, aut omnem Theatri usum, cultioribus gentibus familiarem, e republica tollunt. Ut in republica comoedia schola populi est, ita in scholastica juventute schola actionum per theatricas actiones proponi potest. Longe firmitus hærent in animo exempla virtutum per actionum simulachra proposita, atque illa ipsa actio characterum moralium et civilium lineamenta in animis teneræ juventutis ducit, ne postea in conversatione stipites sint aut in alium sibi orbem delati videantur. — — Qvare prudentes Scholarchæ, inter operas scholasticas, exercitationes illas theatricas non tantum non improbarunt sed ipsi præceperunt.

²⁾ Inter leges scholasticas Viburgenſes a. 1575 articulus 31mus hujusmodi est argumenti: Inter exercitia non postremum locum actio fabularum latinarum obtinet, quæ quando exhibendæ sunt, omnes commensales non solum ad theatri exstructionem sed et fabularum actionem sub mulcta semidenarii adsint. Confer Nyerupii hist. schol. p. 62.

Hinc præter fabulas ex historia biblica petitas comoedias quoque Plautinas et Terentianas agendas curavit. Tantumque nomen habuere spectacula Arhusiensium, ut ipse Regis Johannis Cancellarius, cum pluribus optimatibus iis interesse haud dedignaretur, quod apparet ex libro manuscripto, ubi nomina spectatorum semper annotare solebant, quem adhuc anno 1618, teste Alberto Thura³⁾ aservabat scholæ Rector⁴⁾.

Horum ludorum abusum, qui alibi taxatur, occasionem pueris præbentium in Bachanalibus magnum jejunium præcidentibus, mutatis vestibus, monachorum aliorumve hominum personam mentiendi, Arhusiæ quoque invaluisse, nullatenus comperiui.

³⁾ Hæc cum iis conspirant, quæ leguntur in Langebechii scriptorum rer. Dan. Tom. VII pag. 214 his verbis: "Porro refert idem Canonicus se omnem hanc Episcoporum seriem habere e libro, qui dicitur: wor store Frues Gûldebog, quem quidem servari in bona custodia apud Rectorem scholæ, et non solum nomina horum Episcoporum (Arh. sc.) continere, sed etiam enumerationem Episcoporum Ripensium, Viburgensium, Burglansium, Roscildendium et quorundam nobilium".

⁴⁾ Rector scholæ decimus octavus Johannes Krogius.

§ 12.

Desideraret forsan aliquis curiosior rerum nostrarum amator, formâ scholæ antiqvissimâ utcunqve delineata, his pagellis a me additum iri recensionem Diplomatum Regionum, quibus ab antiqvissima memoria fundatus auctusque est status noster scholasticus, Præbendarum, prædiorum rusticorum, Decimarum, unde vectigalia sua traxere scholæ doctores, et Beneficiorum; Redituum festivalium, nuptialium et funebrium, quibus necessitatibus discipulorum consultum est, reliquorumque ad Oeconomica scholæ pertinentium. Quæ vero omnia cum prolixè satis alibi sint descripta typisque mandata, et nimium insuper ab illa brevitate, quam mihi scripsi in his exarandis, essent recesitura, Curiosos singula accurate nosse cupientes, humanissime ablegatos volo ad Hofmanni foundationum Tom. 2, pag. 79-100. Pontoppidani annales Eccl. Dan. Ejusdem Atlas Danicum, Hertelii descriptionem templi Cathedralis Tom. 2, fascic 111, Pag. 111 ff. pluresque.

PERIODUS SECUNDA

ab anno 1546 ad annum 1739.

§ 1.

De mutata scholæ forma post Synodum Antworschoensem.

Quæ de refingenda emendandaque scholarum latinarum forma sancita erant Ecclesiæ Ordinatione, anno 1537 evulgata, ea (quæ ejusmodi mutationum est ratio, aliquamdiu animos humanos varie tentantium, donec sensim sensimque concocta veluti et digesta in succum sanguinemque vertuntur) stabilita demum auctaque decretis Synodi Antworschoensis ¹⁾ in corpus no-

(4*)

¹⁾ Hæc addita sunt formulæ visitationis provincialis seu præpositorum, conscriptæ a Doctore Petro Palladio et impressæ Hafniæ 1555. Quem librum (ut plures ad rem meam facientes) ex museo suo inprimis rarioribus libris optime instructo, benignissime mihi commodavit Episcopus noster meritisimus.

rum scholasticum ad totum influxisse videntur. Nec defuit fructus hujus mutationis insignis, in religiosa puerorum institutione inprimis conspicuus. Hæc enim, cum antea formulis quibusdam ad litaniam spectantibus serviliter reddendis, psalmisque latinis in schola temploque memoriter decantandis limitaretur, adjunctâ forsan tenui quâdam jejunaque placitorum, quæ pontificia svasit religio, notitiâ; jam ad purum et limpidum sacræ scripturæ fontem pueros invitavit, “ut religionem quam purissime addiscant atque a simulatione pietatis discernere asvelcant”²⁾.

Quod ad cæteras disciplinas attinet ad ingenium juvenile acuendum exercendumque

²⁾ Verba sunt Ordinationis Ecclesiasticæ, latine impressæ Hafniæ 1537, folio XXXVII, ubi hæc specialiora de sacræ scripturæ lectione injunguntur: “Provectionibus aliquid ex novo testamento, ut Mathæus aut aliquot faciles seu Pauli epistolæ, seu Psalmi Davidici, seu proverbia Salomonis, pro juvenum captu, sed simplicissime prælegentur, et paulo infra: Et ut cura acuatur discendorum sacrorum in pueris, non suffecerit illis multa prælegisse, sed hæc ipsa cogentur ediscere, Primarii nudam Catechismi recitationem, alii simplicem ejus interpretationem, Quartarii vero lectissimos Psalmos et certos aliquot scripturæ locos, quæ ne e memoria excidant, exiget tanquam pensum diei sabbatini præceptor, ut recenseantur ordine memoriter”.

spectantes, quæ reliquis in scholis — lingvâ latinâ exceptâ — partim neglectæ jacebant, partim perfunctorie tractabantur³), hæ tamen in schola Arhusina, quamdiu genius Borupii subsellia nostra animavit, non sine fructu colebantur, quod exinde etiam conjicere licet, quod seculo ejus ævum sequente septem iiqve Theologiæ, Medicinæ, Matheseos et Historiarum Profesores Hafnienses tirocinii in litteris humanioribus rudimenta in schola Arhusiensi deposuerint. Hoc vero argenteo⁴) — aureum Borupianum solum dixerim — scholæ seculo elapso (1550-1662), ad deterius paullatim vergere cæpit res nostra, donec studiis Jani Wormii refocillata pristino honori reddebatur.

Sed, ut ad recentes Reformationis fructus revertamur, schola Arhusiensis hocce tempore in

³) Tacent tam Ordinatio ecclesiastica quam Synodalia Palladii de lectione historiæ, geographiæ, ne dicam de lingvâ vernaculâ, των παντων περιψηματι εως αρτι. Quid de græcis et hebraicis judicaverint Reformatores apparet ex Ord. Eccl. fol. XXXV. "Illis (supremæ clasfis pueris) poterit præceptor rudimenta græcæ lingvæ prælegere, verum ut id fiat sine latinæ lingvæ dispendio. Neque enim ferendi sunt, qui pueros græce et hebraice docere volunt, priusquam promoverint mediocriter in latinis".

⁴) De quibus vide infra § 8.

qvinque clasfes erat divifa, (fexta poftea addita est, ita ut in locum quintæ succederet, et prima, vulgo Sinke-Lectien vocata descenderet ad Abecedarios et Novitios, quos dicebant, primis litterarum elementis imbuendos) in quibus, juxta antiquiffimam tabellam fcholasticam ftatim poft Synodum Antworſchoenſem confectam, præter Philippi Melanctonis Grammaticam, Dialecticam et Rhetoricam variaque exercitia Muſices fic dictæ artificialis⁵⁾ ſequentes auctores latini recenſentur prælegendi.

⁵⁾ Qvanti majores noſtri habuerint exercitia Muſices, apparet partim ex formula viſitationis Palladii, ubi cuivis fere Claſſi injunguntur exercitia Muſices tam uſualis quam artificialis, partim etiam ex recenſione ſupplectilis ſcholasticæ A. 1681 a Rectore Nicolao Krogio confectâ, ubi inter ſcholæ *Κεῖμενα* recenſentur, præter 84 Volumina cantionum ſacrarum et ſymphoniarum in folio et 4to, instrumenta muſica, quæ nominantur: Tenor-Baſſuner, Sincker, Baſſ-Violiner &c.

Nec ſcholam Arhuſienſem mediocriter obperitiam muſices alibi audiviſſe, patet ex litteris Regiis Chriſtiani quarti in chartophylaceo noſtro ſervatis, quæ cum et breviores ſint et magni Regis de minimis curam teſtatam faciant, exemplar earum infra tranſcribere non dubitavi:

“Vi Chriſtian den Fjerde &c. Vor ſynderlige Guuſt tilforn! Vi bede Eder og

In prima clasfi: Donatus legendi rationem et Cato construendi modum monstrans;

In fecunda: Æfopi fabulæ pro exercitio grammatices, colloquia Erasmi, ut discant latine loqui, sententiæ proverbiales, ut discant copiam lingvæ latinæ;

In tertia: Terentii et Plauti Comediæ puriores pro exercitio grammatices, epistolæ Ciceronis pro latine loqvendi et scribendi usu;

In quarta: Metamorphoses Ovidii, Epistolæ ad familiares, ratio conscribendi carmina et libellus Musices artificialis;

In quinta: Opera Virgilii et Ciceronis officia.

ville, at I udi Eders underhavende Skoler lader udføge trende Skolepersoner, een af de bedste Basfister, Tenorister og Altister, som dygtige og tjenlige kunde blive udi voris Canterbury for Musikanter at bruges, og dem fiden hid til Voris Kjöbsted Kjöbenhaffven, til Voris Under-Capellmester Mogens Pederfen med forderligste Leilighed lade fremfikkke. Dermed skeer vor Villie. Befalendes Eder Gud. Skrevet paa vort Slot i Kjöbenhaffvn den 8 Februar 1618.

Under Vor Seigl
C h r i s t i a n."

Til
Os elskelig, hæderlig höilærde Mand
Jens Giödfen
Superintendent over Aarhus Stift!

De reliquis scholasticorum exercitiis non multum a præscriptis Palladii discedentibus, vide Nyerupii historiam scholarum pag. 15, ubi decreta scholastica synodi Antworſchoenſis accurate transcripta leguntur.

§ 2.

Continuatio.

Quod laudabile veterum Clasficorum studium, ad exemplum præscriptumque Lutheri tanquam præstantissimum ingenii cultus præsidium omniumque notitiarum involucrum tironibus commendatum, sensim sensimque in schola nostra ita deferbuisse, quin defrixisse videtur, ut, vergente seculo decimo septimo, duæ eæque breviores Orationes Ciceronis et loca quædam selectiora, quæ vocabantur, fabularum Terentii, Ponticorum Ovidii et Eclogarum Virgilii solummodo legerentur. Quin ipsa Grammatica latina docentibus molestiam creavit. Hujus enim docendæ provincia doctores scholæ nostræ adeo torſit, ut plus quam semel a Christiano quarto admonerentur de Grammatica Torrentina cum Dionysii permu-
tanda, Regique cum rescriberetur ab Episcopo, novam hujus formam eam molestiam facescere miseris scholæ doctoribus, ut, quomodo inde sese expedire possent, omnino nescirent, illis quidem

rēm condonavit, sed Episcopo injunxit: neminem in posterum ad munus scholasticum admisum iri, nisi qvi novam methodum prius calluisset⁶⁾.

Hæc in lingvam latinam, inprimis vero in veteres auctores malignitas, ab aliis Cimbriæ Rectoribus vel seriori ætate non aliena⁷⁾ nescio

⁶⁾ Litteræ Regiæ datæ sunt ad Episcopum Arhufiensem Hafniæ 29 Novembris 1622 et d. 17 Februarii 1723. Ultimæ hujusmodi sunt argumenti: Vi bede og alvorligen befale Eder, at I aldeles ingen tilsteder noget Schollemesters Kald och Bestilling att erlange, vden saa er, att hand haffver nogen Zedel och Beviis fra M. Jens Dynisen, at hand forstaaer den formam, at instituere Börn efter den samme, hans nylig forfærdigte grammaticam.

⁷⁾ Exemplum petam ex schola Hottersnesiensis, cujus Rector, cæteroqvin meritislimus nec ad verum rectumqve videndum cæcutiens Ericus Bredalinus, anno 1694 ut videtur Episcopo Arhufiensi jussu Regio ab illo, ut a cæteris dioeceseos Rectoribus proposita institutionis scholasticæ commodius instituendæ requirenti, hæc rescripsit: "Hic hæreo tanquam mus in pice aut cantherius in fossa, efter som at indlade sig i denne Sag, er ikke andet end at udlade sig med mange berømmelige Mænd, som synes de fortjener Sted in puppi, oc neppe under os andre locum in sentina. Dog, at kysse Stövet under sin Konges Födder, synes mig, at hedenske Bögers Læsning burde udryddes af de christne Skoler og allene Herrens Bog (udi hvilken fattes hverken det eene el-

utrum debeatur (ἡλὼ Theologorum ³), quicquid Paganismum suboleret, alto supercilio spernentium, an edicto Christiani quarti finistre interpretato, quo lectio poetarum interdicitur, quia nominibus deastrorum erant referti ²), Qvic-

ler det andet, Esaias 34 Cap. 16 Vers) med nogle korte og grundige meditamentis bleve læste i deris Sted, thi da bleve de Unge mindre forgiftede af hedenlike Løgne og Blasphemier. Nonne blaspheme dixit Pythagoras: Καταχθονίης σεβε δαιμονίας ο: tartareos cole deos. Nonne portentosum effutit mendacium Homerus, Soli tribuens gloriam, quæ Soli Deo debetur Ἡελίος ὅς παντ' ἐφορᾷς καὶ παντ' ἐπακέρεις." &c. &c.

- ²) Quantus hic antiquiori ætate fuerit, constat ex regulis quibusdam grammaticis a Nyerupio (Mantissa librorum pag. 18) ex libro quodam antiquo titulo carente citatis, quæ hujusmodi sunt: "In atriis tuis Jherusalem, Jherusalem, quæ ædificatur ut civitas, (verba sunt versionis vulgatæ ex Ps. 122 vers. 2 et 3). Pergit auctor: "Est hæc latina? Est permissive latina, auctoritate sacræ scripturæ. Ea enim est sacræ scripturæ majestas, ut grammaticæ legibus non sit subiecta, quæ per divinam revelationem et spiritum sanctum manifestata est; et per sanctos patres nobis administrata, qui, spiritu sancto pleni, non ad grammaticas leges respexerunt sed revelatam veritatem simpliciter expresserunt. Nos igitur hujusmodi constructionibus uti non debemus, sed eas propter auctoritatem sacræ scripturæ permittere".

quid est, hoc minime Regi, nec ipsi *αμσῶ* nec in lingvâ latinâ mediocriter versato vitio esse vertendum, eo certius colligere licet, quo clarius constat, illum huic abufui sapientissime consultum ivisse, jubendo: Neminem in album academicum receptum iri, nisi ad minimum se congruum in lingvâ latinâ præbuerit.

Quod vero, veterum auctorum contemptu, solidæ eruditionis fecerant damnum, id quodam-

- 9) Chr. IV Recels 1 Bog 1 Cap. 5 Art.
 “Desligeste paa det Vngdommen deisbedre til GVds Fryct kand opdrages, besynderlig at vorde skickelige GVds Ords Tjennere i sin Tid, da skal ingen herefter tilstedis, at komme og annammis udi Universitetit, som icke i det ringeste er congruus in lingua latina oc forstaaer faciliores textus græcos N. Testamenti, oc sin Börnelærdom, oc dends Forklaring udi sin rette eenfoldige Meening veed nock som at forstaae, först efter Lutheri lille Cathechismus oc siden efter den store, som aff hannem skreffven er. Hvor dette er, oc vel at paamindis, at de som lære den Christne Ungdom, i Skolerne, legge deris störste Vind paa, at de Vnge haffve Daglige Exercitia oc Öffveller som tjene rettelig til sand Gudfrygtighed, oc at de lære at skye de hedske Affguders Naffvne, som findes i mange Böger, der ellers endnu ere i Brug, i Serdelighed udi Poesi, oc andet slikt, hvorudi de hedske Affguders Naffvne offte indföris, i den Sted GVds alleene oc hans hellige Naffn burde at bruges”.

modo refarcire putabant illius ævi doctores formularum phrasiumque thesauris, amplificationum troporum et figurarum συλλογαῖς, et exercitiis carmina latine pangendi discipulis injunctis. Ita in tabellâ nostrâ scholasticâ inter metas discipulis supremæ Clasis A. 1694 a Rectore Jano Mundelstrup præscriptas diserte leguntur hæc verba: "Discant ante omnia stylum latinum elegantibus flosculisque conspergere".

Cum vero vestigia antiquorum

quibus ingenium, quibus dedit ore rotundo

Musa loqui

ut canit poeta ¹⁰⁾, illæso veri rectique gustu non facile deserueris, nec quâ a tenui ungvi pueri imbuuntur linguam latinam perverse æstimandi ratione, eâ adultiori ætati liberari solent: evenit quoque illi ætati, quod de suâ queritur Quinctilianus ¹¹⁾:

"A corruptissimo quoque poetarum figuras seu translationes mutuamus, tum demum ingeniosi scilicet, si ad intelligendos nos opus sit ingenio. Atqui satis aperte Cicero præceperat, in dicendo vitium vel maximum esse, a vulgari ge-

¹⁰⁾ Horatii Ep. ad Pisones v. 323 ubi de Graiis loquitur poeta.

¹¹⁾ Quinctiliani de institut. orat. provemium ad libr. 8.

nere orationis atque a consuetudine communis sensus abhorrere. Sed ille durus atque ineruditus, nos melius, quibus sordent omnia, quæ natura dictavit, qui non ornamenta quaerimus sed lenocinia, quasi vero sit ulla verborum, nisi rei cohærentium virtus".

Ne vero vineas nostras solum cædamus¹²⁾, conjiciamus oculos in reliquas Daniæ scholas et

¹²⁾ Nec ab hocce pruritu lenocinia captandi alienam se præstitit ipsa academia Hafniensis hoc modo invitans ad festum Reformationis celebrandum A. 1729: "Qvod reflorescentium temporum lætitiæ sacrum sit, post invitum proximo priore Anniversario Jubilæo, sed indictum eheu! eheu! Camoenis nostris silentium justitiumque, ob igniferam eandemque horrificam prorsus diluvium et funestas per Metropolitana tum privata, tum publica, in quibus augustum Minervæ Arctæ delubrum, rabiosi Mulciberi gaslationes vere sacrilegas, convocamini, purioris Christianismi asseclæ; non ad festum in sacris Hierosolymitanis lucernarum accendium, sed ad repurgati Candelabri Evangelici optatissima quædam quasi Phosphoria, eo, quo par est cultu vobisque celebranda, nempe quod in æstimabilis Dei miserescentis benignitas ante duas supra decem ac ducentas hiemes Ovili suo ab heterodoxo Caco, infulato Aventini Romani incola, presso et tantum non oppresso, per orthodoxum Alciden et tertii ab hoc seculi tertium omnino Eliam B. Martinum Lutherum, fulminantis spiritûs calamique Evan-

audiamus peritisimum, si quem alium, rei iudicem Christianum Falsterum tristem rei scholasticæ statum ita describentem (de biblioth. schol. pag. 6). "Introite, quæso, in singula fere patriæ pædagogia, non certe Deos invenietis (quod olim Heraclitus Ephesius dixisse fertur) invenietis umbras, collapsa videbitis tecta, fractos muros, labefacta fundamenta, imo jurabitis tantum non, bonas inde artes aut armis hostilibus ejectas, aut pestilenti fidere percussas, aut impia Juliani alicujus fraude expultas. Heu quantum septentrionis eruditi dehonestamentum! Ecce alimus araneas paslim tanquam discipulos, pascimus teredines, quibus prædæ sunt inveterata et jam fere exesa vetustæ juventutis nomina. Indecoro pulvere et squalore horrent loca, quæ decoris quondam diligentiae fordibus gaudebant. Certe

gelicum Prophetam, otia pretiosa fecerit, stabiliverit, conservaverit, adeo quidem, ut, detracta mimico præstigiatoris Vaticani vultu larva, diffatis spiritu divino inanibus Papæ pappis, explosis resectisque Bullarum nundinarum bullatis nugis, per lustra plusquam quadragena tranqvillum abhinc fuerit et circa forum boreæ ecclesiolæ lenissima, ringentibus cucullatis papis, et obluctantibus tam arte, quam Marte Capitolinis centuriis, Alcedonia, piissimo grati ammi affectu agnoscit Universitas Regia Hafniensis, &c. &c.

profecto Eumenio Rhetore nunc opus est, qui pro Restaurandis Scholis osim ad Constantii Imperatoris Præfectum Galliarum eloquentissimo dixit. Patrono opus est, qui causam scholarum apud Principem serio agat, ut hic injurias ab illis mature et βασιλικῶς defendat".

§ 3.

De Conrectoratu et Gymnasio Arhusiensi.

Non obscurum curæ, quâ res scholasticas et litterarias amplexus est Rex Christianus quartus dedit documentum præficiendo scholæ Conrectorem, industriæ docentium et discentium una cum Rectore invigilaturum alternaque cum illo vice supremæ clasfis discipulorum institutioni operam daturum. Litteræ Regiæ de hocce munere apud Arhusienses instituendo datæ sunt Hafniæ die 23 Martii 1618 et impressæ leguntur apud Nannestadium in Hilariis Arhusiensibus Pag. 104. De officiis Conrectoris statuta scholæ Arhusiensis anno 1671, ut videtur, episcopi auctoritate munita hæcce continent:

1. Habet clasfis suprema hoc præ aliis peculiare, quod in eâ jam duo sint, quibus docendi, per vices, munus demandatum est, Rector videlicet et Conrector, qui sit quoque Magister artium vel omnino Candidatus Magisterii Philosophici.

et cælebs vivat interea, sicuti et cæteri præceptores inferiores clasium.

2. Rector autem et ille Corrector licet dignitate quidem et salario impares sint, ut solus Rector retinens totum prius stipendium suum præsit per omnia et dispensandi potestatem majorem habeat, ubi usus fuerit: authoritate tamen in universum apud docentes reliquos simul et discipulos pares esse debent quoad partes doctrinæ et disciplinæ. Ideo Rectori et Correctori æqualem omnes obedientiam et reverentiam præstabunt. Rectori tanquam suo magistratus obtemperabit Corrector i. e. Rectori parebit Corrector, tanquam esset ipsius magistratus, quod tamen non est.

3. Munus docendi quod attinet, alternatim in supremâ docebunt classe, et horas atque lectiones pro voluntate Rectoris, quam fieri poterit, commodissime, inter se partientur. Interim ambo simul adesse singulis horis debent, ut, uno docente in supremâ, reliquarum omnium lectionum inspectionem alter habeat, Corrector per totam horam, Rector, quantum potest, observaturus, inter classes hinc inde ambulando, num docentes et discipuli simul recte faciant officium; illi auctores bene explicando hi diligenter lectionibus attendendo, voces recte pronuntiando nee quicquam præter officium faciendo.

4. Si quando Hypodidascalorum aliquis abfuerit, ne qua negligentia committatur, abfentis difcipulos docebit ftatim Infpector illius horæ et poftea rationem abfentiæ ab eo exiget. Atque id etiam faciet rogatus prius, cum fuerit necesse. Et fic fiet etiam in claffe fupremâ, fi quando vel Rector vel Conrector minus ipfe adesfe potest.

5. Alternatim etiam dabunt in fuprema claffi ftyli et exercitationum argumenta, bis in feptimanâ, diebus videlicet Mercurii et Saturni, fed fimul eâdem hora dierum Lunæ et Jovis quartâ emendabunt ambo, quæ in ifta claffe concepta fuerint: præterquam quod et heic per cæteras claffes aliqua infpectio interdum requiratur neceffario.

6. In templo, dum facra peraguntur, adfit alter perpetuo ad minimum; atque id det operam, ut difcant ex fcholâ, quotquot interfunt, reverenter habere, quæ hic fiunt univerfa, quo femina veræ pietatis una cum fenfu illius interno inftillentur religiofe tenellis animis.

7. In beneficiis conferendis, ficut et Collegis adfciscendis, Rector adhibeat confilium Conrectoris.

8. Conrector nihil petat eorum, quæ prius Rectori erant pro Salario, neque Rector, quæ

Conrectoris jam constituta sunt, nisi inter eos amice convenerit de aliquibus, conscio et consentiente interim Superintendente.

9. Si Musicam direxerit Conrector, et id commode præstare potest, inde quoque fructum aliquem sentiat, sicut æquum fuerit.

10. Concionando se exerceat uterque, quantum potest, et ubi ex scholis ejusmodi, discipuli superiores se accinxerint ad talis officii progymnasmata, id indicatum prius faciant omnino, altero hoc approbante et præsentem ad minimum: ut admoneantur statim de illis, quæ hic minus recte facta fuerint". Hactenus leges scholasticæ.

In universum autem utrum hoc munus scholasticum hic et alibi plus scholæ commodis an Rectoris commoditati contulerit et quam mature classium inferiorum, quæ Conrectori injuncta fuit inspectio in desuetudinem abierit; hic pluribus disquirere supersedeo, festinans ad aliud patriæ patris beneficium, prospero quidem successu defraudatum nec minori tamen honori Regi beneficentissimo cedens:

Gymnasium Arhusiense vel Collegium cathedrale, cujus fundatio nova (antiquior cujus anni sit, nescio) in charophylaceo templi Clementini aservatur Regiâ

manu sigilloque munita et consignata die 17 Maji 1639.

Consilium, quod in hocce Collegio erigendo sibi propositum habuit Rex his verbis testatur: "Ut obviam eatur enormitati illi, quam Ecclesiasticis hucusque inolevisse comperimus, nimirum quod juvenus non bene fundata ad Universitatem nostrum saltum faciat, et post non satis instructa ad sacra munia provehatur crudaque studia in templa propellat".

Juvenibus igitur civitatem academicam ambientibus biennium in hoc Gymasio erat degendum, ne illotis plane manibus sacra academica attrectarent. Teste Nannestadio¹³⁾ significat mox in limine serenissimus Rex non suffecturos juxta prima meditamina tres tantum Profesores, Rectorem nempe Conrectorem ac Lectorem Scholæ ordinarios, sed adjungendos omnino esse Lectori Profesores ternos, ita ut Rector et Conrector scholæ tanto diligentius informationi vacarent scholasticæ, quæ illos plus satis indies fatigaret, nisi onere prælectionum in Collegio Gymnasii quotidianarum insuper gravarentur. Ideo quatuor constituit Profesores Gymnasii: 1. Lectorem,

(5*)

¹³⁾ Hilar. Arhus, Pag. 120.

tanquam Theologiæ et lingvæ sanctæ Profesorem, 2. lingvæ latinæ sive eloquentiæ Profesorem, 3. lingvæ græcæ et Arithmetices Profesorem, et 4. Philosophiæ Profesorem.

Cæterum Sanctio Regia absolvitur paragra-
phis viginti duobus, qui ad verba conspirant cum
Fundatione Gymnasii Othinienfis, quæ typis im-
presa legitur in Blochii historia Cleri Fionici,
fasciculi secundi Pag. 252-266.

Qvo majora sibi speravit Rex ex hocce bona-
rum litterarum *φροντιστήριον*, ¹⁴⁾ eo magis dolendum
est, idem nostro accidisse, quod de Ripensi queritur
Terpagerus ¹⁵⁾, “tam salutare consilium et insti-
tutum eventu caruisse, et tam infelici fidere,
nescio qvo, discussum, nisi tempestas belli et er-
ruptionis hostilis mox insecutæ Athenæum hoc
nostrum, ut suspicor, in partu suffocavit”.

§ 4.

Series Rectorum Arhusiensium ¹⁶⁾.

③ Tertius scholæ Arhusiensis Rector (vid. su-
pra Per. 1 § 5) erat:

¹⁴⁾ Qvod in programme ad festum inaugura-
tionis Gymnasii Othinienfis illud vocat doc-
tus Holgerus Refencrantzius.

¹⁵⁾ In Ripis Cimbricis pag. 489.

Simon Christierni Wroldø¹⁷⁾, postea ecclesiæ Weilbyensis pastor¹⁸⁾.

¹⁶⁾ Præter Catalogum Rectorum Arhusiensium, qui reperitur in ideâ rei litterariæ pag. 71, duplex mihi contigit MStum. hanc rem illustrans, alterum Jani Wormii in libro datico Arhusiensi, alterum Alberti Thuraë in valvis scholarum apertis. Quas tamen recensiones singulas non minus in chronologiâ definiendâ, quâ sibi invicem subsequuti vetustioris ævi Rectores, quam in tempore, quo munere functi traduntur, invicem conspirantes, cum quæ hic sit penuria librorum res historiæ litterariæ illustraturo quam maxime necessariorum, nec sibi conciliare, nec pro certo corrigere potuerim; in catalogo Jani Wormii, Viri, si quis alius, antiquitatum litterarum peritissimi, eo certius acquiescendum esse duxi, quod ipse fateatur Albertus Thura, se, quicquid tradiderit de Lectoribus, Rectoribus et Conrectoribus scholæ Arhusiensis, id solum acceptum referre auctoritati Johannis Corvini, collegæ V classis scholæ Arhusiensis, certiores se in epistolâ hac de re facientis.

Cæterum, si cui libuerit accuratorem hac de re instituere *ἔργον*, is præcipua, in quibus discrepant codices nostri, in notulis a me allata reperiet.

¹⁷⁾ Apud Albertum Thura ordine quartus.

¹⁸⁾ Cum huic vix tempus relinqvatur vivendi inter Rectorem antecedentem et subsequen-tem, nescio quâ chronologiâ usus sit Hertelius (Descript. templ. Clement Tom. 2, pag. 405) putans eum Rectoratum una cum Pastoratu gessisse, ultimumque munus totos 31 annos.

4. Mag- Laurentius Bartholinus (danice: Laurids Bertelsen)¹⁹⁾ Natus est A. 1514, patriam habens Cimbriam et quidem Dioecesin Ripensem²⁰⁾. Munus Rectoris gesit, teste Wormio, 1547-1550, deinceps Pastor ad D. Virginis ædem Arhusiæ fuit 1550-1557 et tandem Episcopus dioeceseos Arhusiensis 1557-1588. Reliquit binos sermones funebres, alterum in nobilissimum Holgerum Rosenkrantzium, Regni Daniæ Mareschallum, impresum Hafniæ 1576, alterum in nobilissimam Dominam Pernillam Oxe. Hafn. 1584.

5. Mag. Jacobus Mathiæ (danice: Jacob Madsen)²¹⁾. Hic vir doctrinæ postea laude florentissimus, celeberrimusque Academiae Hafniensis Profesor, munere Rectoris tantum per biennium 1564-1566 functus est²²⁾. Natus est

¹⁹⁾ Hujus nomen in utrâque recensione Alberti Thuræ omittitur, nec pro certo asseri potest, utrum Arhusiæ an alibi fuerit Rector, saltem hac in re hæret Paulsonius in bibliotheca Arhusiensi dicens: Rector scholæ et minister verbi divini erat, sed an Arhusiensis vix dicere possum. Dolendum est, nihil præter nomen de primis Lutheranis Episcopis Arhusiensibus nobis relictum esse (cfr. libr. cit. pag. 54).

²⁰⁾ Hvitfeld in Chronic Episcoporum pag. 102.

²¹⁾ In A. Thuræ idea N. 3 et ejusdem valvis N. 4.

²²⁾ In computatione Wormianâ est igitur lacuna 14 annorum (?), cum Bartholinus anno

Arhufiæ 1532, cur Arhufius etiam cognominatur. Causam, cur se munere Rectoratus tam matre abdicaverit affert Vindingius ²³⁾ his verbis: "Cum non uno et altero auctore legendo esset contentus, sed omnibus, in quibus aliquid saltem utilitatis relucebat, cognoscendis, singularem et raram eruditionem sibi comparandam semper judicaret, et hanc eruditionis cupiditatem sitimque maximam explere cuperet: a 1566 in Germaniam se contulit.

6. Mag. Olaus Olaides Hottersnesiensis ²⁴⁾. Qui tamen, me iudice rectius ante, quam post Jacobum Mathiæ Rectoratum gessisse putandus est, quoniam anno 1565 mortem obiisse dicitur, postquam aliquamdiu ante mortem pastor fuerat ecclesiæ B. Virginis Arhufiensis ²⁵⁾.

7. Mag. Johannes Philippi Pratenfis ²⁶⁾ inter illustria muneris nostri scholastici

1550 Rectoratu se abdicasse et Mathiæ a. 1564 eandem suscepisse dicatur. De vita scriptisque Mathiæ cfr. Vindingii Acad. Hafn. pag. 131-36 et Wormii Lexicon litt. Tom. 2, p. 22.

²³⁾ Acta Acad. Hafn. loc. cit.

²⁴⁾ In A. Thuræ idea N. 5 ejusdem valvis N. 3.

²⁵⁾ Hertelii descript. templi Clement. Tom. 2, fasc. 3 pag. 466.

²⁶⁾ Ab hoc tempore Catalogus Alberti Thuræ cum Wormiano consentit, si unum discre-

decora suspiciendus ob divinum ingenium multiplicemque, quâ ornabatur, eruditionem. Ex familiâ Gallicâ Arhusiæ est ortus a. 1543, peregreque aliquamdiu profectus familiarissime Tychone Braheo usus, per quinquennium rem Medicam summâ cum laude professus est in Academiâ Hafniensi, donec in ipsâ cathedrâ, vomitu sanguineo, ex ruptâ per tusim vehementiorem venâ, orto, inter manus auditorum fato subito extinctus est circa annum 1576²⁷). Rectoratum hujus scholæ geslit circa A. 1565.

8. Mag. Esbernus Canutius Arhusiensis.

9. Mag. Johannes Laurentii, filius Laurentii Bartholini, quarti scholæ nostræ Rectoris.

10. Mag. Laurentius Nicolai.

11. Mag. Laurentius Petræus Bording, postea Theologiæ Lector, mortuus anno 1601 ætatis A. 59.

12. Mag. Petrus Severini Kinderup. Hic cum Vitebergæ litteris operam dedisset, ut vir non vulgariter edoctus, a Rege Frederico 2do

pantiam excipias post Rectorem decimum sextum, de qua suo loco dicendum est.

²⁷) De ejus vita scriptisque confer Vindingium Pag. 128. Worm. lex. Tom. 2, pag. 217.

commendatus est Capitulo Arhusiensi, et ab hocce Capitulo, muneri scholastico, si illud unquam geslerit, præfectus videtur 1578²⁸). Exstant apud nos litteræ commendatitiæ Regis datæ die 17 Martii 1578.

13. Mag. Johannes Laurentii Oldorph, auctore Wormio Rector scholæ 1578(?) — 1593. Deinceps Pastoratum ad templum D. Virginis per duodecim annos geslit et mortuus est a. 1605 æt. 49.

14. Mag. Johannes Petræus Hotterfnesiensis, antea scholæ patriæ Rector, nostro præfuit 1593-1601. Superest ejus, auctore A. Thura, Catalogus Episcoporum Arhusiensium ab anno 948 ad 1584 MS in bibliothecâ Resenianâ aservatus.

15. Mag. Petrus Olai Arhusiensis scholæ Rector circa a. 1601 per breve admodum tempus. Scripsit orationem de febribus pestilentialibus 1594 in 4to.

16. Mag. Johannes Laurentii Zeuthen²⁹), Rector scholæ anno 1602³⁰).

²⁸) Quoniam hic per duodecim annos 5 Rectores allatos deprehendimus, suboritur dubium, annon cujusdam Lectoris Theologiæ nomen irrepperit in seriem Rectorum.

17. Mag. Christianus Laurentius Bording, Rector scholæ circa 1604³¹⁾.

18. Mag. Johannes Jacobi Krogius gener superioris, scholæ præfuit 1605-1618.

19. Mag. Christianus Johannes Arhusius, filius Petræi Hottersnenfis (N. 14) scholæ Rector fuit 1618-1633.

20. Mag. Jacobus Canuti, Rectoratui demum a. 1635 est præfectus, cur est, quod suspiceris hoc munus per biennium in commodum ejus vacasse peregre interea commorantis. Cum Rectoratum per 18 annos gessisset et interea summis in philosophia honoribus esset ornatus, A. 1653 litteris Senatus academici Hafniensis ad Professionem Theologicam est vocatus. Laudatur a Vindingio³²⁾ ut vir recti amans, a dissimulatione

²⁹⁾ Ad hoc tempus novum Rectorem a cæteris omisum habet A. Thura, in valvis scholarum apertis hæc observans: "Johannes Severini fidem sollertiæ in moderamine scholæ dedit Episcopo 1603 fer. 2 Pentacostes, prout de illo memorat MStum., quod possidet amicus meus Othenianus, licet hæc verba non auctoris, sed alterius manu sint descripta, ipso nobilissimo Professore teste. Ego proinde illum addendum censui, ne penitus interiret ejus memoria".

³⁰⁾ Cfr. Wormii Lexicon Tom. 2, p. 641.

³¹⁾ Worm Tom. 1, pag. 135.

alienus gravis et modestus, in rebus gerendis maturo utens iudicio familiamque pie et frugaliter regens ³³).

21. Mag. Nicolaus Nicolai Krog, doctor scholæ fere semisæcularis, natus in Norvegia anno 1615 primum quintæ clasfis fuit Collega Episcopique a manu, a quo mox constitutus est scholæ Conrector, usque dum a 1647 Rectoratui est præfectus, quod officium gessit circiter 38 annos, defunctus 1685 æt. 71.

22. Mag. Laurentius Laurentii in defuncti Rectoris locum suffectus, mortuus anno 1692 per quinquennium munere Rectoris functus. Tres ab illo in Academia Hafniensi habitas dissertationes nominat Thura in apertis valvis, quæ si operæ pretium sunt, lexico Wormiano supplendo inservire possunt. Summam 50 imperialis scholæ legavit, cujus ex usuris libri discipulis pauperibus annuo erant coemendi.

23. Mag. Janus Mundelstrup 1692-1701. Teste Wormio, in Academia degens famam habuit eruditionis variaque scripsit quorum hic existat disertatio de pomis Sodomiticis 1683 in 4to.

³²) Acad. Hafn. pag. 404-407.

³³) Plura de eo vide apud Vindingium l. c. et Wormium Tom. 1 pag. 207.

24. Mag. Georgius Rhodius 1701-1728. cui falso tribuit Thura epitomen Elegantiæ Bangianæ ab ejus patre Conrectore Arhusiensi conscriptum (vid. § seqv. N. 9.)

25. Mag. Petrus Janus Saabye, Rector scholæ 1728-1732. Ex parentibus rusticis natus ad annum decimum sextum operam agrestem exercuit, cum, hujus pertæsus, aratrum cum libris permutavit, locum in scholâ Cruciforanâ, cujus moderator fuerat, anno 1727, vivente adhuc M. Georgio Rhodio ad munus Rectoris scholæ nostræ est vocatus, cui præfuit ad annum 1732.

Moriens jussit corpus suum condi sub tumulo Borupii ejusque lapide tegi, indicaturus se, quoad educationem sortemque juvenilem, huic non esse dissimilem. Sed nec ex quovis ligno fit Mercurius nec Petrus Saabye magis fuit Borupius post, quam ante membra sua sepulchro ejus ingesta.

26. Mag. Johannes Kyndesen Schmidt 1733-1752 e schola Grenoviana, cui antea præfuerat, huc vocatus.

§ 5.

Series Conrectorum scholæ Arhusiensis ³⁴).

1. Mag. Christianus Petræus Tistad, 1618-1620 scholæ Conrector simulque Pastor Eccle-

fiarum Hasle et Aabye, et nisi ex triplicis muneris molestiâ pestilentiaeqve, quæ tum in Cimbriâ graslabatur, terrore se quam maturrime expediendum judicasset, rebus forsitan scholæ nostræ diutius consulere perrexisset. Hanc miseram scholæ patriæque conditionem describit in oratione valedictoriâ habita Arhusiæ 1720, his verbis ³⁴). Ecce heri eramus in tenebrarum et mortis terrore, hodie restitutis brachio roboris Dei fidus affulsit clementiæ ejus salutare. Jam e gurgite calamitatum emergit Ecclesia Danica, squalorem exuunt Academia Regia et scholæ in Dania, universum denique regnum e calamitosissimâ pestilentia tempestate, e furiarum faucibus, e morbis, e morte per Dei dexteram illam eluctata, caput attollit iterum et pristinam faciem induit. Opto igitur, ut schola nostra, quæ tristissimo pestilentia fato collapsa ferme atque dissipata nuper fuit, ita exsurgat, ut quantum reliquis scholis in Cimbriâ præstare Arhusiensem celebritate et numero docentium voluit Rex, tantum etiam disciplinâ et discentium profectu sese efferat". Qvod ulti-

³⁴) De his cfr. Thuræ id. hist. lit. pag. 76 et 77 et Paulsonii Recens. Pastorum Diocesanos Arh. pag. 18-20.

³⁵) Inscribitur hæc oratio: Transitus Arhusio — Hafniacus et impressa est Rostochii 1623.

munus auctoris votum non absque causa idoneâ prolatum fuisse videtur. Abiit Tistadius Arhusiâ an. 1620 munus Profesoris Phisices et Geometriæ in Gymnasio Lundenfi nuper condito capesfiturus et laudatur ab A. Thura tanquam poeta non infimi spiritus³⁶⁾.

2. Mag. Severinus Andreæ Morfingius 1620-1629, munus Conrectoris, quod litteris commendatiis Profesorum Academiae Hafniensis ad Episcopum Johannem Ægidium datis referebat acceptum, demum commutavit cum lectionatu Theologico 1729.

3. Mag. Laurentius Nicolaus Fogh brevi admodum et, ut videtur, tantum per semestrem tempus munere Conrectoratus gesto, ad pastorum ruralem est vocatus.

4. Mag. Severinus Petri Sommer 1630-1631, hunc dum apud exteros vixit Epigrammate honoravit Winstropius, postea, anno inter Arhusienses consumto, in suum infortunium virgam cum pedo commutare decrevit, nam cum ad Pastorum Hvirringensem esset vocatus, a Polonis terras nostras Punicâ fide ab injuriis Svecorum

³⁶⁾ De ejus vita scriptisque cfr. Wormii Lexicon Tom. 2, pag. 495 et Krarupii seriem Conrectorum pag. 5.

defendebatibus coram altari inter ipsa sacra interfectus est A. 1659.

5. Mag. Nicolaus Andreas Holm, velut in Programmate Magistrali nominatur Wadomius Conrector fuit 1631-1635 quo anno ad ædem D. Virginis Alburgensem vocabatur.

6. Mag. Christianus Borchgreving 1635-1641 postea Pastor Hornslettenfis.

7. Mag. Nicolaus Nicolai Krog 1641-1647. In Rectoratu Profesori Canuto postea successit (cfr. § 4 N. 21.)

8. Map. Andreas Nicolai Regelius Conrectoris munere fungens 1647-1661, Rector fuit et vocabatur et non fuit. Nam cum Rector fuisset apud Hottersnesienses, Conrector factus est apud Arhusienses, et cum ad Rectoratum hujus scholæ votis tenderet ejusque vices cum spe successionis jam aliquamdiu sustinuisset, morte abreptus est die 23 Decembris 1661.

9. Mag. Johannes Rhodius 1661-1679. Natus d. 6 Jan. 1625 in parochiâ Kellinge insulæ Alfiæ, circa annum 1650 factus est Collega 5 Cl. hujus scholæ, deinde 1660 Conrector scholæ Othiniensis et denique 1661 Conrector et Vice-Rector hujus scholæ a Dr. Jacobo Mathiæ, cujus gener erat designatus. Morte interceptus est Viburgi 1679, unde corpus ejus Arhusiam est deductum,

ut in sepulchro Episcopali conderetur. Ab eruditionis laude non fuit alienus scriptaque reliquit inter illius ævi libros elementares non exigui nominis: Epitomen elegantiarum Thomæ Bangii et Comenii orbem pictum danico-latino-germanicum.

10. Mag. Laurentius Laurentii Arhusienfis 1679-1685, qui cum per sexennium Conrectoris muneri præfuisset, tandem in locum defuncti Rectoris Mag. Krogii succedit, tertius qui expectatione hujus muneris erat detentus, nam Regelio Rhodioque ante eum ad id destinatis superstes fuerat septuagenarius ille senex Nicolaus Krogius (cfr. de illo § 4 N. 21.)

11. Mag. Janus Nicolai Mundelstrup 1685-1692 (cfr. de eo § 4 N. 23.)

12. Mag. Georgius Rhodius 1692-1701, filius Johannis Rhodii supra ad N. 9 memorati. Quadriennium Hypodidascali munus sustinuit, antequam Conrectoratu admovebatur. A. 1701 succedit Jano Mundelstrupio in Rectoratu (vid. § 4 N. 24.)

13. Mag. Baggæus Junghans 1701-1717, natus Coldingæ 1663, ubi positis litterarum fundamentis datisque in Academiâ laudabilis profectus speciminibus, nobilium virorum liberos per aliquot annos instituit. A. 1693 sch. Arh. Collega

est constitutus et A. 1701 Conrector ejusdem scholæ, cui officio præfuit ad diem necis 18 Febr. 1717. Vegetum in illo ingenium fuisse, declarant versiculi ejus, qui apud nos conduntur, manuscripti.

14. Mag. Janus Jani Mundelstrup 1717-1729 filius patris ejusdem nominis (vid. supr. N. 11). Finitis studiis academicis patriæ scholæ, vicenariâ fere operâ (1709-1729), quam acceperat, institutionem fideliter reddere conatus est Collegæ 2dæ, 3tæ, 4tæ, 5tæ clasfis et demum Conrectoris partes sustinens. A. 1729 Pastor primarius ad ædem D. Virginis Arhusiensem factus est.

15. Dn. Johannes Hammer 1729-1740. Finitâ peregrinatione litterariâ, quâ ut præceptor domesticus comitatus fuerat filium herois illustrissimi Pauli de Lövenörn ad munus Conrectoris est admotus. A. 1740 vocatus est ad pastorem Helfingensem in Siellandia.

Observ. Omnes hi Conrectores simul erant Pastores parochiarum Hasle et Aabye, quæ prope Arhusiam sunt sitæ.

§ 6.

De moribus discipulorum disciplinaque scholastica.

Quam seculi genius, primis post emendata sacra temporibus, præ se ferebat morum asperi-

tas³⁷⁾), non minus nostram, quam alias patriæ scholas, intactam reliquit, sed eo licentius apud nos est grasata, quo alienior erat conditio nostra a laude poetæ³⁸⁾:

- - - ingenuas didicisse fideliter artes

Emollit mores, nec finit esse feros,

quæ solâ barbariei indeque orienti morum pravitate tutissime obviam itur.

Huc accedebant externa malorum irritamenta, quæ discipulos (diaconos dictos) finitimam regionem, sacrorum curandorum causa³⁹⁾, suo arbitrio relictos⁴⁰⁾ peragrantes ad lasciviam et

³⁷⁾ Vide dissertationem G. L. Badenii supra laudatam.

³⁸⁾ Ovidii Epist. Pont. libr. 2, Ep. 9 v. 47.

³⁹⁾ Ex relatione Mag. Krogii a. 1681 Episcopo datâ constat discipulos Arhusienses in parochiis plusquam triginta cantui sacro præfuisse.

⁴⁰⁾ Ab insolentia, quam militibus edicto gravi interminatur Fredericus tertius, discipulos nostros, ludis scenicis adsvetos, haud plane immunes fuisse, ex schedis scholasticis colligere fas est. Interdictum Regium ita se habet: "Efter som vi komme i Erfaring, at nogle under Militien sig understaaer mascherit og svertit adskillige Insolentier at begaae. Thi haffve vi naadigst for got anseet, at dersom nogen herefter mascherit, formummet eller svertit ertappis, da de at anholdis og straffis, ligesom di nogen Modtvillighed i Gjerningen begaaet haffde, anseende saadan

ebrietatem, inter convivia nuptialia et funebria sæpissime alliciebant, quod in causa quoque fuit hujus scholæ Conrectori Mag. Regelio de hocce abusu in epistolâ a. 1654 ad Episcopum Jacobum Mathiæ data, ita conqverendi: "Parochiarum ruralium administratio non parum retardat, et certe multos præclaræ alias spei pueros ita sensim ab officio avocat et oblatâ in nuptiis debacchandi occasione corrumpit, ut a Musis plane abhorreant, Baccho et otio dediti. Integrum sæpe tri-duum in parochiis delitescunt, jam funus sibi præcinendo curatum esse prætendunt, jam cæli injurias" &c.

Qvæ cum esfet morum feritas modo latius grasfians modo severis decretis synodalibus⁴¹⁾ pau-

(6*)

Formummelse til den Ende alleene skeer, at de Ubekjente kan gjøre hvad de ville og derfor blive ultraffet. Hvorefter alle og enhver, som vedkommer, sig kan vide at rette og for Skade at tage vare. Giffvet paa vort Slot Kjöbenhaffn d. 4 September 1660.

Friderich R.

⁴¹⁾ Cum monita synodalia Arhusiënfiä, qvæ huc pertinent, mihi ad manum non sint, ex Othi-nienfibus a. 1585 et 1586 exempla petam, quorum, inter plura, hæc a Blochio in histo-ria Cleri Fionici Tom. 1, pag. 46 recensentur: "Sognedegnene aff Scholerne skall holle sig aff Dantz, naar Bröllup skeer y theris

lulum restricta, non est mirandum illius ævi scholarum magistros, cum, quâ malum compescerent, præsentio rem ignorerent medelam, ad cruentas illas, quas horescimus, puniendi rationes confugisse. Quibus tamen in contumaces et refractarios juvenes, adultos sæpiusculæ et bene barbato, si tantummodo usi fuissent, minus hoc illis vitio datum fore crediderim, quam - quæ res erat - quod fustibus plagisque sæviendo unicam putarent viam, quâ litterarum elementa pueris tradi posset, atque adeo *πικρὰν παιδείαν ρίξιν* redderent *πικροτέρην*.

Cum vero morosi isti Orbilii infauſtâ opinione essent imbuti, omnem institutionem fructu esse carituram, quæ non per verbera verbis pondus conciliaret; usu apud nos invaluit, ut manibus doctoris muneri scholastico inaugurandi, sub titulo sceptri scholastici, sollenniter traderetur vir-

Sogner: oc strax maalthid er skeed om Mandagen skall di holle sig hiem thill deres Schole, som oc er tilkjendegiffvet y dette neste forgangne Aars Synodalibus: er det saa at nogen Sognedegn gjør herimod, da skall hans Pastor klage det for Præposito". Et paullo superius: "Diaconi scholastici non ferantur a pastoribus vel choreas ducant, vel potent largius, sicuti una cum iis invitati fuerint in parætio: sed finito prandio pastorum monitis aut domum redeant, aut alio divertant ibi sine ebrietate pernoctatum".

ga formidolosa, ⁴²⁾ et, licet hic non exstiterit, quantum eqvidem scio, legitimum aliquod cædendi systema, qvale, inscriptum Jus virgarum, apud Viburgenſes fuiſſe tradit Nyerupius ⁴³⁾, non tamen eſt, qvòd opineris, diſcipulos noſtros, qvia libero doctòrum arbitrio terga eorum relinquerentur, ideo levioribus plagis fuiſſe mulcatos.

Qvæ hic in uſu fuere in graviora delicta ammadverſiones erant: Conjectio in Carcerem ⁴⁴⁾ et Jus Claſſium, qvòd dicebatur. Qvorum hoc ad noſtra fere tempora invaluit, et in eo erat, qvòd reus ſive ab omnibus ſive a certæ claſſis alumniſ, nudato tergo, virgiſ ad id datis plecteretur.

⁴²⁾ Worms Skolehiſtorie pag. 383.

⁴³⁾ Nyerups Skolehiſtorie pag. 143.

⁴⁴⁾ Cum Fundatio Gymnaſii Arhuſienſiſ § 110 juvenibz ſocordibz et refractariis minetur Carcerem (verba Regiſ ſunt: “At ſættes i Hullet paa Vand og Brød”), non leviozem pueriſ ſcholastiſ exſpectatum iri pænam, in promptu eſt videre. De carcere ſcholastiſo Ripenſi hæc leguntur in bibliotheca danica Tom. 1 pag. 170: “Magiſter Udo propter rigiditatem diſciplinæ et reſ novas inviſus carcerem ſcholastiſicorum collocavit in ipſa ſchola, ſed ſcholastiſci grandiores, factâ conſpiratione, ſecuribz carcerem ligneum comminuerunt”.

De festis scholasticis.

Quousque festum vernale supra descriptum⁴⁵⁾ in usu fuerit, pro certo asseri nequit, sed ex schedis scholasticis constat, fabularum actionem, usque ad initium seculi decimi septimi, inter exercitia scholastica maximo in honore fuisse. His neminem non discipulorum interesse oportebat, et quanquam seniores Rectores Arhusienses non ipsi prodierunt fabularum auctores, tamen alumnos suos diligenter exercuerunt in repræsentatione fabularum, theologici maxime argumenti, quas amplissimi illius ætatis viri Episcopus Ripensis Hegelundius⁴⁶⁾, Præsul

⁴⁵⁾ Cfr. Per. I, § 11.

⁴⁶⁾ Petrus Jani Hegelundius, teste Vandalio in præfatione ad theatrum danicum Hafn. 1776, primum fuit Rector, deinceps Episcopus Ripensis ubi mortuus est anno 1614. Scripsit fabulam sub titulo: "Susannæ Fristelse og Befrielse, Tragico-Comœdia Xyfti Betuleji Augustani Khvn. 1578", cujus in dedicatione ad Sophiam Reginam Regis Frederici secundi inter alia afferatur, hanc fabulam bis actam fuisse, primum Ripis a scholæ discipulis A. 1576, deinceps Hafniæ in palatio Regio 1577 ad festum aulicum ob felicem Reginæ a puerperio in templum exitum, quæ ultimâ repræsentatio amore consveto in eo discessisse narratur, quod

Coldingensis Severinus Severini⁴⁷⁾, Pastor Viburgensis Hieronymus Justi⁴⁸⁾ et Rectores Jacobus Jacobi Wolff⁴⁹⁾ Laurentius⁵⁰⁾

puer mox ab initio, fabulae argumento metricè indicato, virgulâ quâdam monstraret histrionum, qui adfuit, quemque cultu scenico indutum, et explicaret quam personam ille esset acturus. Præter hanc fabulam scripsit Hegelundius, dum scholæ Ripensi præfuit, quinque alias, quæ inscribuntur: De Abelo et Caino, de Abrahamo, de Lazari in vitam reditu, de leprosis decem et de homine divite et Lazaro. Plura de Hegelundio vid apud Wormium in lex. lit. Tom. 1 pag. 413.

47) "Om Abrahams Lif og Leffnet, en Leeg udfat paa Dansk af Seffren Seffrensen Borgemeister udi Colding".

48) Hieronymus Justi edidit tres fabulas a se ipso inventas, quorum binæ Arhusiæ (forſan in uſum diſcipulorum) ſunt imprefæ. Exſtant ſub titulis: 1. "Kong Salomons Hyl- ding Khvn. 1585 in 4to". 2. "Samſons Fængſel d. e. en ynkelig Tragoedie om den dræflige ſtærke Krigshelt Samſon, Aarhuus 1646 in 4to". Inter alias perſonas hæc fabu- la habet quinque diabolos, qui Philistarum, caſu templi Dagonis occiſorum, morte exſul- tant. 3. "Karrig Nidding d. e. en Comoe- die om en ſulten og karrig Hoſbonde og hans Huſtru. Aarhuus 1633 in 4to".

49) Rector fuit ſcholæ Ringſtadienſis et ſcripſit Tragoedias duas de Didone et Tur- no imprefas Hafniæ 1591 et Francofurti 1595 in 4to.

Johannes Thomæus ⁵¹⁾ et Janus Kiêldsen ⁵²⁾ in usum juventutis scholasticæ confecerant.

§ 8.

De egregiis scholæ discipulis.

Latiorem hic campum, quam quem percurrere licet, mihi apertum video; et quanquam animus jucunde moratur perlustrando Catalogum discipulorum, quorum plurimi, virilem ætatem nacti, et munerum gravitate et doctrinæ copia de patria litterisque optime fuere promeriti, tamen Qvinctiliani ⁵³⁾ de velis mature contrahendis remisque inhibendis consilii memor, decem

⁵⁰⁾ Vixit circa annum 1596 et edidit versionem danicam fabulæ Terentianæ inscriptam: Eunuchus Terentianus in Rhythmos danicos.

⁵¹⁾ Scripsit Cleopatram, tragoediam historico-metricam. Hafn. 1608 in 8vo.

⁵²⁾ Fuit Rector Ripensis postea pastor Landskronensis et edidit fabulam de historia Josephi, quæ, teste Vandalio (l. c.) acta est Ripis ad celebrandas nuptias Episcopi Jani Dionysii (Jens Dynesön) a. 1630, metrica est, quinque actus et 23 personas habens, quos inter enumerantur: Deus, Pharao, Potipharus, Jacobus ejusque duodecim filii, Mercatores, Magi, Potiphari uxor Sephira pluresque.

⁵³⁾ Prooemium ad institut. orat. libr. XII.

tantummodo ex lætiori ſcholæ epochâ excerpam nomina; qvoad reliqua lectorem curioſum delegans partim ad tabulam noſtram ſcholasticam, partim ad libros, ubi de vitis rebusque virorum memorabilium fit mentio⁵⁴⁾.

Annus,
qvo in
alb.aca-
demic.
ſunt re-
lati:

1559 Jacobus Mathiæ, qvi depofito 1566 Rectoratu Arhufienſi, cum nihil in litteris tam reconditum et abſtruſum putaret, qvod non laboribus et meditationi aſſiduæ hominis ſagacis demum eſſet ceſſurum, ſingularem, qvâ flagrabat, eruditionis ſtitim expleturus totum ſeptennium et amplius in exteris academiis degit, reverſusque triplicem Profeſſionem 1574-86 Hafniæ ſummâ cum laude ſuſtinuit.

1560 Johannes Pratenſis, (vid ſupra §5 N. 7) cujus omnigenam eruditionem, doctrinæ, ſi qvis alius, æſtimator peritiſſimus Tycho Brahæus his laudibus extollit:

Occidit, ah dolor! ah! juvenilibus occidit
annis

⁵⁴⁾ Verbi cauſa Wormii, Wolffii et Kœfodii lexica &c.

Annus, Pratenfis, quo vix doctior alter erat,
 quo in Qvæcquid habent etenim veterum monumenta
 alb.aca- Sophorum,
 demic.
 sunt re- Divini qvæcquid Scripta Platonis habent,
 lati: Et, Paracelfe, tuas expertus calluit artes,
 Doctorum licet hic vulgus inane stupet. ⁵⁵⁾

1590 Holgerus (Oligerus) Rosenkrantz
 vulgo docti nomine insignitus, jam per
 quadriennium, quo scholæ nomen dedit,
 ingenii, quod a naturâ præclarissimum
 habuit, lætissima dedit specimina, lau-
 demque profectus minime vulgâris in he-
 bræis præcipue theologicisque sibi paravit.
 Quod patriæ litterisque in posterum præ-
 stiterit, hic verbis æquare frustra conarer.
 Sufficiat ex plurimis unicum commemorare
 beneficium, lætâ alumnorum nostrorum me-
 moriâ recultum recolendumque dein-
 ceps, donationem nimirum 1000 imperia-
 lium ad pauperes scholæ Arhusiensis disci-
 pulos sublevandos benignissime datam ⁵⁶⁾.

1590 Georgius Scheel ex nobili Schelio-
 rum (Strabonum) genere, qui, si verum

⁵⁵⁾ Confer reliqua lectu sane dignissima in prom-
 tuario Danico Tom. 2, pag. 199.

⁵⁶⁾ Plura de eo vide in Wormii lex. Tom. 2, pag.
 286. Danske Mag. Tom. 2 &c.

Annus, est, quod asserit Tycho de Hoffmann ⁵⁷⁾
 qvo in
 alb.aca- eum natum esse a. 1578, duodecim annos
 demic. natus, qvi fuit, cum Arhusiam patriam-
 sunt re-

lati: qve relinqueret et Argentoratum peteret,
 vix cursum scholasticum heic absolvisse
 putandus est. Cum rerum civilium scien-
 tiam sibi paraturus octo per annos apud
 exteros vixisset, in patriam redux intimo
 consilio Regis fuit adscitus, dignitateqve
 ornatus, qvæ dicebatur: Rigens Marsk.

1601 Olaus Wormius, eximium antiqvis-
 simæ et nobilissimæ Wormiorum fami-
 liæ decus scholam Arhusiensem per sexen-
 nium frequentavit, ex qvâ dimissus et plus
 quam XII annos peregre commoratus,

qvi mores hominum multorum vidit et urbes
 non fumum ex fulgore sed ex fumo dare
 lucem,

cogitavit, et ex immenso eruditionis penu
 inprimis patriarum antiquitatum studium
 litterasqve medicas in qvibus totus habita-
 ret, sibi selegisse videtur. Profesionem
 quadruplicem Hafniensem ornavit Regi
 populoqve æqve carus. Mortuus est fere
 septuagenarius senex, et si patria, meri-

⁵⁷⁾ Historiske Efterretninger om danske Adels-
 mænd Tom. 1 pag. 42.

Annus, torum immemor, ejus nomen uspiam eslet
 qvo in
 alb.aca-obliterationa, egregia tamen, qvæ evulga-
 demic. vit scripta illud ab oblivione tutum red-
 sunt re-
 lati: derent⁵⁸).

1607 Nicolaus Fossius, Hygeæ sacris ma-
 ture initiatus munereqve Archiatri Chri-
 stiani qvartiornatus, secundas post Wormi-
 um partes in aulâ Regiâ gesfit, Regiqve ita
 fuit amatus, ut Canoniatu in Capitulo
 Lundenfi ab ipso donaretur. Mortuus est
 1645.

1626 Jacobus Mathiæ natus Arhusiæ 1602,
 patre Mathiâ Jacobæo, medicinæ doctore
 et Christiani IV Archiatro: Filius per oc-
 tennium diatriben nostram adiit ideoqve
 noster vocari meretur, licet brevi ante
 adeptam civitatem academicam Othiniam
 mitteretur a patre, qvi Hafniæ aulicis ne-
 gotiis districtus, domestica curare nequivit.
 Dimissus igitur est Othinia. Teste Paul-
 sonio⁵⁹), infans illius erat ingenii, ut
 qvatuor annos natus, patrios intra lares
 adhuc retentus, 700 vocabula latina edidice

⁵⁸) De illo vide Wormii lexicon Tom. 2 p. 630
 et Vindingii acad. Hafn. pag. 254-65.

⁵⁹) Bibliotheca Arhusiensis pag. 70.

rit. Rude donatus biennium vixit in ædibus Caspari Brochmanni, donec numero juvenum adsciscebatur, quos Rosenholmiae litteris instituendos curavit doctus Rosenkrantzius. Hic et apud externos studiis praelare profligatis, Hafniæque, post reditum in patriam Eloquentiæ Profesforis nec diu post Concionatoris aulici Regis Christiani IV munere ornatus, teste Vindingio ⁶⁰⁾ "illâ lingvæ latinæ notitiâ excelluit, ut cum eo ageret Rex de suscipiendo munere in Cancellariâ Regiâ, cupiens virum in dictione latinâ promptum apud se perpetuo habere, cujus opem apud externos uti posset". Quod negotium tamen modeste recusavit posteaque ad Episcopatum Arhufiensensem est vocatus, quo munere 15 annos cum laude est functus ⁶¹⁾.

⁶⁰⁾ Acad. Havniensis.

⁶¹⁾ Diarium hujus Episcopi ex manuscripto impressum legitur in promptuario Danico Tom. 1 pag. 218-224, in quo inter alia memorantur nuptiæ Episcopi filiæ collocatæ Mag. Vindingio (auctori Ac. Havn. libri a nobis sæpius citati), quæ descriptio luxui nuptiali istorum temporum haud exiguam lucem affundit. Hujusmodi est: "1653 in Aprili gjorde D. Jacob Matthisen sin Dotter Ingeborgs Bryllop med M. Rasmus Povelfön- Til dette Bryllop

Annus,
quo in
alb.aca-
demic.
sunt re-
lati:

1631 Laurentius Bording natus Arhufiæ 1610 et, post varia eruditionis specimina etiam apud exteros exhibita, A. 1652 in Academia Sorana Profesfor historiarum constitutus.

1656 Mathias Jacobæus filius Jacobi Mathiæ, Episcopi Arhufiensis supra memorati. Hic 1664-1688 in Academia Hafnienfi erat primum Profesfor historiarum deinceps lingvæ Græcæ et tandem Medicinæ.

1662 Olaus Römer natus Arhufiæ 1644 ex patre Christiano Römer hujus urbis cive et negotiatore. Qvod de Pratenfi laudat Brahæus, "eum ipsa fidera suo ingenio subdidisse"; id ad hunc virum commode transferri potest, nam eam sibi patriæque in

blev fremfendt efterfølgende: 4 Hjorte, 16 Raadyr, 42 Harer, en ung Qvie, 22 Kalve, 62 Lam, 14 Grise, 1 Vildgaas, 2 Urhöns, 92 Kalkunske Höns og Haner, 24 Gæs, 37 Höns, 64 Duer, 8 I ax, 64 Brasen, 105 Gjedder, 30 Karper, 2380 Karusler, 60 Aborrer, 4950 Æg, henved 2 Tönder ferfk Smör, 3½ Tönde fiint Meel, 2 Tönder Samfing Öl &c." (vid. Danske Mag. Tom. 1, Pag. 224.)

Astronomicis gloriam paravit, ut nemini, nisi ipsi Tychoi facile cederet. Parisiis decennium degit (1671-1681) ibique præfuit studiis mathematicis serenissimi Regni Gallici hæredis, interea illustribus Astronomorum duumviris Picardo et Casino, in Uraniâ motuum sideralium speculâ associatus, ob utrumque munus a Christianissimo Galliae Monarchâ splendidissimis stipendiis ornatus. In patriam revocatus, varia eaqve gravissima munera gloriosissime administravit, nunquam tamen immemor institutionis, quam puer Arhusiæ receperat, cujus monumentum reliquit nostris usibus adhuc dum inserviens, quatuor nimirum fornaces ferreas, Norvegiæ cusas datorisque nomine insignitas, quæ ex jussu ipsius in cubiculis hypodidascalorum exstruebantur.

§ 9.

Leges et statuta scholæ Arhusinæ ab eminentissimo, et amplissimo Episcopo Dno. Johanne Ocksenio traditæ et in scholâ a clarissimo et doctissimo Rectore Dno. Johanne Schmidt publice recitatæ die 4 Julii Ao. 1733. ⁶²)

1. Ipso horæ momento Rector suis, Conrector suis horis una cum Collegis omnibus ac singulis in Schola adsit, precibusque solito more et lingua

habitis, partium suarum sollerter satagat Docentium unusquisque, finitis demum horis ab Episcopo constitutis precibusque rite peractis, modeste egrediantur Discipuli quidem supremæ classis in Gymnasium Theologicum, quod vulgo Lectorium vocatur, reliqui autem Discipuli inferiorum classium, præsentem Hebdomadario, ad exemplar nitide positum, æstivo tempore, per integram horam, hyemali vero tempore, per unum saltem horæ undecimæ quadrantem picturam exerceant, quam Hebdomadarius emendet, Cantore interea temporis ad tabulam Musicalem alumnos musicæ addictos solerter exercente.

2. Rector et Conrector operas ita inter se partientur, ut, altero in suprema docente, alteri reliquarum classium cura incumbat, ut Discipuli rite informentur, adque modestiam gnaviter incitentur.

3. Quater ad minimum, quovis anno, teneatur Rector, vel ejus vice, Conrector inquirere in Discipulorum profectum.

4. Omnes ac singuli Collegæ inferiorum classium precibus in Schola habendis interfint,

62) Cum hocce MStum. plura illustret, quæ in supra allatis vel reticenda vel leviter perstringenda svasere consilii temporisque angustiae (per paucos hos menses æstivos exiguis sane publici laboris intervallis dispunctos plusquam centeni libri mihi erant percurrendi) haud injucundum lectori fore ratus sum, tenuem parcamque messem spicilegio hocce quodammodo refartam deprehendere.

qvi autem ultra quadrantem horæ statæ abfuerit haud legitimè excusatus, solvat 2 solidos: si quis abfuerit, non indicata Rectori absentiae causâ legitima veniâqve haud impetratâ, ob neglectum prima horâ officium solvat 6 solidos, secunda hora 12; tertia vice 24, quarta dimidium Imperialem, quinta Imperialem; sin officium neglectum fuerit Sexta hora, in totum suspendatur et ad iudicium Episcopi remittatur.

5. Qvi inter præcinendum funeri abfuerit, ubi partes officii ipsum eo vocarint, præmio sibi pro illa opera facienda debito excidat.

6. Lectiones prælegant omnino ex præscripto, quod singularum Classium tabulæ indicent, et, omni adhibita opera conentur, ut discipuli præscriptas in tabella metas quam maturrime adipiscantur.

7. Collegæ scholam sub initium horæ ingressi, ante horas finitas, nisi legitima de causa, sub mulcta 2 solidorum ne exeant.

8. Quovis die Veneris ut et Dominico comparebunt unanimiter omnes in Schola ante datum tertium æris campani signum, sub mulcta 2 solidorum; ut Discipuli bini, alterno ordine, Templum modeste ingrediantur.

De Hebdomadario seorsum.

Collega aliquis, more recepto, habita ordinis sui ratione, singulis hebdomadibus, sequentibus officiis, tum in Templo, tum in Schola, expediendis præficiatur, qvi Hebdomadarius dicatur, cujus officia hæc sint.

1. Choro tam antemeridiano, quam pomeridiano, ipso statim temporis puncto, interfuit, ut illa sacra à principio ad finem rite peragantur, ne Schola, hoc nomine, toti urbi ceu incuriosa sacrorum fabula fiet: qui serius advenit, mulcabitur 8 solidis; qui in totum abfuerit, marca simplici; qui detrectaverit expendisse multam, iudicio Episcopi liberalius mulcabitur.
2. Sacris reliquis quotidianis profestorum et Festorum dierum continuè interfuit, cumque discipulis, dum concio habetur, in loco destinato una compareat, ut ipsorum petulantiam temperet atque omnia modeste gerantur sub mulcta 8 solidorum.
3. Præsto adfit in Schola quovis die horâ dimidiata prima præcise, etiam diebus Mercurii et Saturni, ut Cantori assistat et delinquentium vitia emendet ac castiget, sub mulcta 2 solid. si plane abfuerit, mulcabitur 4 solidis.
4. Discipulos supremæ clasfis, si strepant, modeste admoneat, si petulantius se gerant, acriter, sin tum admoniti pergant, Rectori, vel, ipso absente, Conrectori talia indicet, nec in illorum sceleribus conniveat, nec ipsos ipse verberet; de ipsis etenim delinquentibus legitimum Rector ipse, vel, ejus vice Conrector, sumat supplicium.
5. Hebdomadarius diligenter picturæ habeat curam, eamque prædicta horâ coram discipulis emendet.
6. Hebdomadarius publici panis distributioni adfit præsens, statâ diei Saturni horâ pomeridia-

na, nempe post sacra in Templo utroque peracta; interea curæ ipsi serio sit, ut diligentium quisque suum accipiat deputatum, quicquid autem negligentibus jure justo fuerit ademptum, inter expectantes distribuatur.

De Cantore seorsum.

Cantor adsit præcise horâ dimidiata prima pomeridiana, ut exerceat incipientes in Musicis usque ad horam dimidiatam secundam æstivi temporis, cæteroquin ad horam primam, plus minus, et proficientes, reliquum temporis, pro arbitrio Rectoris vel Conrectoris, in Musica figurali solide instituat.

2. Operam det, ut aliis ad Academiam abeuntibus, aliis vocem, cui præfuerunt, mutantibus, alii præsto sint ex incipientibus, qui in locum discedentium possunt surrogari.

3. Teneatur semper Sacris in Templo Cathedrali interesse una cum Discipulis. Quod si aliquando contigerit, ut Cantor 4tæ clasfis futurus esset Collega, utpote Præcentor sit Ecclesiæ Divæ Virginis, judicio Episcopi relinquatur.

4. Compareat Cantor quovis die Mercurii et Saturni ab hora dimidiata prima ad dimidiatam secundam informaturus et examinaturus incipientes, quod didicerint, inque libros elementorum musicorum, quæ in tabula descripta fuerunt, inquisiturus, num sc: rite omnia sint exscripta, et delinquentes castigaturus, exceptis saltem supremæ clasfis alumniis, quorum delicta Rectori, vel

Correctori semper indicanda, ut justas delictorum poenas luant delinquentes.

5. Quovis die Dominico et Festo canentem acutissime, qui vulgo vocatur Discantista, subornabit versiculum hymni emodulaturum, antequam conscendit suggestum Concionator.

6. Diebus Festis, cum requiritur musica, compareat in Organo pneumatico et Musicae studiose praesit ejusque solerter adeo satagat, ut ne Scholae aliqua infamiae nota inuratur.

7. Quod si non legitime excusatus, dictis hisce temporibus, non adfuerit in Schola ad faciendum officium, quavis vice mulctabitur 4tuor solidis, si in Organo statis temporibus, neglexerit officium, mulctabitur marcâ simplici.

Omnis autem haec mulcta ex reditu pecuniarum funeralium vel alius stipendii Collegis debito reservatur à Rectore inter pauperes discipulos distribuenda.

De Discipulis.

1. Discipuli omnes omnium Classium choro matutino in primis intersint, calidas ad Deum fusuri preces pro diei felici studiorum successu.

2. Quavis hebdomade constituetur unus eorum, qui musicam callet, ac sonora voce bonisque lateribus lectionem Biblicam recitare potest, qui omnibus cantionibus et lectionibus matutinis et pomeridianis praesit, igitur Praeses Chori dicendus, cui adjunguntur duo Parastatae, qui cum Praefide una adsint ipso horae puncto, quo sacra sunt peragenda; quibus aliquid praemii praecæte-

ris, in distributione beneficiorum est tribuendum; si autem officium neglexerint, quisque eorum, ceu qui Scholam in conventu totius urbis turpiter prostituerit, v. mulctâ 2 solidor. v. verberibus multabitur quam rigidissime.

3. Ille Præses v. alius quidam alumnorum Classis supremæ, ut Phonascus a Collega 4tæ Classis conductus, una cum Collegis 4tæ et 2dæ Classis eorumque discipulis omnibus sacris, quovis die Veneris, Dominico vel Festo, in Templo Div. Virginis peragendis, nisi ubi Musica exerceatur, intersit, oportet, sub directione Præcentoris, qui absentiam ipsius vel petulantiam, si qua fuerit commissa, Rectori vel Conrectori maturius indicabit, sub mulctâ 6 solid. eum in finem, ne tota Schola, eo nomine, male audiat, nec de protervia discipulorum Cives conquérantur.

4. Ratione pietatis.

Dato æris campani signo secundo in Schola comparebunt, ut, cum datur tertium signum, bini quidem ordine, ut ante dictum est, verecunde et modeste Templum ingrediantur, locumque sibi assignatum unusquisque occupet, ad prolationem sanctissimi nominis Jesu genua flectant, ad habitam concionem reverenter pieque attendant, et finitis sacris, ordine prædicto, in Scholam ex Templo redeant, rationem exordii et potiorum partium concionis reddituri.

5. Ratione doctrinæ et morum.

Scholam justo et ordinato tempore ingrediantur, bene loti, pexi, vestibusque et calceis mundis, et in suprema classe præterea togati, atque

omni observantia, civilitate ac silentio Præceptores docturos præstolabuntur.

6. Si quis vel ad horam constitutam non adfuerit, vel plane abfuerit, reus culpæ et, per consequens, poenæ habebitur.

7. Nemini autem abesse licebit, ob quascunque tandem occupationes, nisi prius sibi veniam à Præceptore licite impetraverit vel per se, vel, in casu necessitatis, per alium, nisi graves ob hoc ipsum velit dare poenas.

8. Suis quique libris, chartis, pennis et atramentariis rite sint instructi, nec alienis utantur.

9. Non Rectori tantum et Conrectori, sed ex æquo omnibus Præceptoribus clasium in universum omnes obtemperent sana ac salutaria sudentibus, ita ut discipuli supremæ clasfis honore exhibendo Præceptores dictos antevertant sub gravi poena. Discipuli inferiorum clasium, in instanti, acrioribus verbis et verberibus ob petulantiam, coerceantur ab Hebdomadario vel Collegarum alio, qui adfuerit. Si, absente Rectore vel Conrectore, petulantius se gesserint discipuli supremæ clasfis; post unam alteramve seriam Hebdomadarii vel alius Collegæ admonitionem, quam cum benevolentia alioquin admittant, exuto thorace poenas gravissimas humeris luant vel alio, pro gravitate delicti, supplicio magis pudendo afficiantur.

10. Lectiones recitaturi pronunciatione utantur alta, distincta, spiritu pleno, sono æqvabili et urbano; seponant, inter recitandum, librum;

ablit infufurratio vel inspectio libri v. fui, v. alterius.

11. Duarum superiorum clasium Discipuli (nisi interpellet necessaria vel Auctoris explicatio, vel sensus alicujus in præceptis enodandis obscuritas) semper latine et inter se, et cum Præceptoribus loquantur.

12. Schola excedant modeste, nec in plateis, coemeteriis, vel clivo scholari, lufitando, moram ullam trahant, sed sine clamore, sine tumultu, sine alicujus offensione confestim omnes domum se recipiant, in Scholis tradita secum repetituri stilosque dictatos elaboraturi.

13. Extra Scholam in plateis et cætibus hominum verecunde, et, ut decet scholasticos, versentur, nemini, ne inimico quidem obtrectent, nec quenquam contumelia afficiant; rixas, convitia, pugnas omnemque insolentiam quovis loco et tempore, publice privatimque vitent, malorum familiaritates et sodalitia sancte detestentur, in primis eorum, qui ob scandala malitiose e Schola disceserunt.

14. Singulis honore dignis hominibus, capite modeste detecto, debitum exhibeant honorem, illisque obviam factis de via decedant, prætereuntibus assurgant; vestiantur honeste et munde, ut ante dictum, et temperanter vivant, vitatis cautionis, aliisque tabernis.

PERIODUS TERTIA sive WORMIANA

1739 - 1775.

§ I.

Quemadmodum viator vastam desertamque solitudinem emensus, cum ad terram foecundam pervenerit, molestiarum, quas perpesus est, interdum ita obliviscitur, ut ad sedes beatorum translatum sese opinetur; ¹⁾ sic attentus rerum nostrarum spectator, desolatam scholæ faciem, nuper sollicito cum tædio, mox cum desiderio curaque non levi contemplatus, non mediocriter lætatur, cum in virum inciderit qui labanti rotisque veluti stridentibus cunctantius sese volventi machinæ, fortem admoverit manum, et, tanquam ἡνιοχος ἐπισήμων, insigni cum successu cursum illius rexerit, et hicce vir fuit:

¹⁾ Cfr. ea, quæ de Oasibus veterum docte, pro more suo, disputavit B. Thorlacius in opusculorum academ. Vol. I.

Janus Wormius, Philosophiæ Profesfor
Havniensis, Regi à Consiliis Justitiæ et vicesimus
septimus hujus scholæ Rector.

Natus est Wormius noster Arhusiæ 1716 die
24 Augusti, patre Olao Wormio, Consistorii
Arhusiensis Asfessore ultimoque Theologiæ lectore.
Cum tempus, quo litterarum rudimenta, primis,
ut dicunt, labris puero essent degustanda, inci-
deret in ætatem, quâ Rector Georgius Rhodius,
quadragenarii muneris molestiis defessus
viribusque corporis et animi debilitatus, remis-
siori manu gubernaculum tenuit scholasticum; non
est mirandum, patrem Wormii nostri, de filii sa-
lute unice sollicitum, e re sua duxisse, puerum
intra privatos lares retentum, umbratili institu-
tione formandum curare. Variis igitur variorum
doctorum disciplinâ domesticâ exercitatus, testi-
monio Præpositi Arhusiensis Frederici Nan-
nestadii, Theologiæ Doctoris et Profesforis, poste-
aque Episcopi Christianiensis, A. 1733 in Acade-
miam Hafniensem est missus, ubi, finito lau-
dabiliter examine philosophico et theologico
(1736), mox novam nactus est, quâ ingenium
suum exerceret, palæstram, cum eodem anno Com-
munitatis Regiæ Decanus constitueretur. Hæc
enim exercitia eo tempore nondum in lusoriam
pugnam abierant.

Interea tantum abfuit, ut, curriculo academico finito, se metam attigisse putaret, (quod moris est pluribus se domum ex auditoriis academicis quam celerrime proripientibus) ut otium potius honeste acquiritum tanquam opulentissimam prædæ partem æstimaret, eoque ita utendum esse sibi persuaderet, ut scientiarum non decrementa sed incrementa quam lætissima inde esset capturus. Dum igitur lectionibus plurium Professorum per quadriennium sedulo interesse perrexit, nec ad pleniores doctrinarum expalluit haustus, quos ex immenso dapium Platonicarum apparatu, ipsi exhauriendos propinavit Grammius; mature inter hæc convivia eum Cuius amorem concepisse videtur, ut illius per totam reliquam vitam oblivisci nequiret.

His rebus intentus abditusque in bibliotheca Grammii (quem faustissimo omine præceptorem privatum sibi selegerat) nunquam a reliquis litterarum disciplinis animum avocavit, sed sæpius in superiori (quod dicebatur) auditorio disputavit, tam Defendentis quam Opponentis vices sustinens, et cum A. 1739 de biblicorum nova versione danica edenda esset constitutum, provincia illi demanda est, Genesin et Exodon cum textu hebraico et versione Germanica Berlenburgica conferendi.

Ita septennio inter academicas acroases fruc-

tuosissime transacto, A. 1740 muneri Conrectoris Arhusiensis est præfectus, cumque Rector senescens Johannes Schmidtius jam dudum humeros oneri scholastico subtrahere cogitaret, parum abest, quin hujus quoque partes statim subiisse sit existimandus, licet Superiorum auctoritate ad hoc munus sustinendum demum A. 1745 vocabatur.

Et ab hocce faustissimi ominis anno læta orditur scholæ nostræ epocha septem integra lustra percurrens, de quâ ut justum ferre possis judicium, brevi mecum attendas, tum ad industriam prudentiamque, quâ institutionis operi præfuerit Wormius noster, tum ad fidem constantiamque, quâ, exempli instar, commodis scholæ suæ invigilaverit.

Si in docendi munere ordinis hæc dos est, ut plus valeat ingenio mero; uberrimos sane fructus latura eslet institutio Wormii, nam utramque virtutem conjunxit, summam *ακριβειαν* in quavis officii parte explendâ cum ingenii acumine ex immensâ eruditionis copiâ novas identidem vires repetente. Æqvabili igitur dum prospexit institutionis progresui (quem succum sanguinemque corporis scholastici merito judicabat) prudenter simul cavebat, ne tardioris ingenii juvenes, stipendiis scholasticis allecti, nimium frequenter se

scholæ obtruderent, apium morem sequutus, quæ
teste poeta ²⁾:

Ignavum, fucos, pecus a præsepibus arcent.

Quamobrem etiam, A. 1756, rigidiorē ingeni-
orum puerilium censurâ jussu Regio injectâ,
³⁾ plures discipuli, ejus consilio et auctoritate,
scholæ valedicere sunt coacti, ita ut numerus eo-
rum, quod ex albo scholastico constat, A. 1757 ad

²⁾ Virg. Georg. lib. IV v. 138.

³⁾ Cum in hoc libello obiter tantum fiat men-
tio Regiorum de re scholastica edictorum, ut-
pote quæ ad omnes patriæ scholas æque per-
tinent, hæc ipse adeat lector, qui normam,
ad quæ relata exigere possit, habere cupiat.
Sunt vero:

Edictum Christiani secundi impressum
quidem, sed nusquam vi legis munitum (vid.
Danske Magazin Tom 6 p. 359).

Ordinatio ecclesiastica Regnorum Daniæ. Haff-
niæ 1537 fol. XXXII-XXXVIII.

Tabula de exercitiis scholasticis adjuncta for-
mulæ visitationis Petri Palladii. Hafn.
1555.

C. IV. Anordning om Skolernes ny Reforma-
tion 1604.

C. IV. Skole-Instrux 1632.

C. IV. Recels 1643.

C. V. danske Lov.

C. VI. Skoleforordning af 17 April 1739.

F. V. dito af 23 Juli 1756.

C. VII. Dito af 11 Maj 1775.

F. VI. Dito af 7 November 1809.

triginta novem sit restrictus. Wormius cujusvis juvenilis levitatis severum se præbuit correctorem, sed licet eâ fuit gravitate, ut monita ejus ipso adspectu captarent discipuli oculisque veluti raperent, ab omni tamen puniendi acerbitate fuit alienissimus. Discipuli eum diligebant ut patrem, vereqve paternam gessit eorum curam; quos enim humanitate et docilitate quam ære numisqve reperit ditiores, eos, dum hic morabantur, lautioris fortunæ civibus alendos sustentandosqve liberaliter commendavit, et quando scholâ iis esset discedendum, nil prius antiquiusqve habuit, quam ut ἐφοδίων necessario litterisque commendatitiis instructi, de sorte futura redderentur securiores.

Quemadmodum Wormius noster discipulis suis semper et ubiqve benignissime adfuit, ita quoque rei numariæ bonorumqve scholæ dispensator, quam qvi maxime, fuit fidus et religiosus. Jura enim scholæ quadruplici vice ad summum Themidis tribunal cum successu est persecutus, ejusqve sollertiæ (ut plura taceam) debentur duo prædia scholæ reddita, restitutio summæ pecuniarum non exigui momenti, quâ per integros quinquaginta annos defraudata fuerat schola, demumqve tertiæ Classis Collegæ jus legibus recuperatum decimas ipsi concessas pro arbitrio lo-

candi ⁴⁾. Ad hoc, Conrectorem decemque Collegas muneribus suis sollenniter inauguravit, binas funebres, in Regum defunctorum memoriam, totidemque jubilæas orationes habuit, discipulosque centum et quinquaginta novem numero civium academicorum adscribendos curavit.

Nec hisce negotiis districtus, quantum munerum gravitas permetteret, litteris deesse voluit, sed præter minoris ambitus opuscula (inter quæ antiquissimæ memoriæ historiam scholasticam sæpius laudavimus), in ipso adventantis senectutis adpectu (sexagenarius pæne fuit) improbum fere laborem non reformidavit, qui cum Lexico literario exarando fuit conjunctus, Quod quidem opus, cum cujusvis rei litterariæ non plane incuriosi manibus teratur, heic pluribus laudare supersedeo.

Interea meritorum ipsius nec Academia Hafnienfis nec Reges augustissimi Fridericus quintus et Christianus septimus erant immemores, nam A. 1740 summâ in philosophia laureâ et A. 1754 titulo Profesloris Philosophiæ Academiæ Hafnienfis est ornatus, et denique A. 1777 Regi a Consiliis Justitiæ est renuntiatus.

⁴⁾ Cfr. Hertelii descript. templi Cath. Arh. Tom. 2, fasc. 3 pag. 482.

Sub finem vitæ, cum vires, muneris scholastici 35 annorum molestiis debilitatæ, deficere cæpissent, honestum otium sibi expetivit et mortuus est annos 74 natus die 31 Decembris 1791.

Si tandem cum Borupio Wormium componere lubeat, habebis sane, quas in utroque admireris virtutes. Ille enim e re tenui emicuit sibi que ipsi patefecit viam, hic curâ paternâ intra privatos parietes est educatus; ille statura erat parva fereque pusillâ, hic tantâ, ut per scholam gradiens, atro indutus pallio cæsarieque prominente ornatus, spectantium oculos suâ dignitate fere perfringeret. Borupius amore, Wormius reverentiâ auctoritatem suam fundavit; ille se puerum gessit inter pueros, hic pueros viros fecit, ut qui cum viro consvescerent, digni essent; ille multos sibi optavit discipulos, hic paucos tantummodo sed bonos; in illo laudatur suavitas comitasque, in hoc gravitas oris que decor; Borupius sæculo obscuro facem præferebat, Wormius in ævo litterarum luce collustrato famæ suæ prospexit. Laudatur denique in utroque ingenium vividum capax et fecundum, rerum divinarum humanarumque scientia minime vulgaris, indefessa industria, justitia, constantia, humanitas et liberalitas, ut, quod ad hunc attinet, quam Olaus Wormius Rector

ſcholæ Hottersneſienſis meritiſſimus, nominis
virtutiſque Wormianæ hæres, urnæ avunculi de-
functi ferali pie nexerit coronam, tanquam utri-
uſque ingenii monumentum, non poſſimus non
hiſce pagellis adjungere:

Hospes! quod dico paullum est,
adſta et perlege.

Dedit hic amica tellus hospitium

Oſſibus

Jani Wormii

Qvem optimum fuiſſe Virum fatebere,

Si das, hominis Bona eſſe:

Sapientiam, Juſtitiam, Conſtantiam, Gravitationem,

Qvibus virtutibus

Mirum quantum Ille excelluit.

Sapientia

In vero videndo,

Ejuſque rationibus ad vitæ uſum reperiundis,

Non Sibi magis, quam Suis et aliis,

Salutariter utebatur.

Juſtitiam

In dictorum factorumque fide et veritate,

qvas vita ipſa cariores habebat,

Sancte Servabat.

Conſtantiam,

Neque ſpe neque metu impellendam,

In maximis cauſis,

Æqvabiliter exercebat.

Gravitas

Tanta erat, ut ad eam factus esse videretur,

Et vel in nutu resideret Autoritas.

Qvibus

Eruditionis, Comitatis, Modestiæ, Facetiarum

Svavissima Commendatio accedebat.

Functus, per XXXVI annos,

Difficili et laborioso

Scholæ Arhufiensis magisterio,

Extremos langvescentis ætatis annos

Dabat otio honestissimo et utilissimo,

Dum Sapientiæ studiis vacans,

Suum otium ad aliorum Negotia

conferebat.

Erat Ille Wormianæ Gentis,

qvæ per duo jam secula

In Dania nostra floruit,

Ex stirpe mascula ultimus.

Titulum vivus ipse posuerat Sibi,

Loculo, post fata, inscribendum,

Ornaveratqve hunc Disticho

(qvod infra posuimus)

Ex B. Atavi Sepulcrali Monumento

Desumto;

Testatus, Sibi, qvoad viveret,

Nihil prius in votis fuisse,
 Qvam ut laudem hanc
 verissimam et modestissimam
 Moriens mereri posset:
 Wormius hic situs est, sat dixi, cætera narret
 Fama; Bonum novit Cimbria tota virum.

**

**

**

Natus erat Anno MDCCXVI d. XXIV Augusti,
 vixit annos LXXIV, Mens. VI, dies VII,
 Prolem decedens nullam reliquit,
 Sed nominis, utinam et virtutum
 Hæredem

qui

Wormio Bono
 Naturæ necessitudine avunculo,
 Sed animi propensione plusquam Patri,
 Hæc cum lacrymis posuit.

O. Wormius.

§ 2.

De novo ædificio scholastico.

Solidum duransque monumentum non minus curæ, quâ Wormius res scholæ suæ amplexus est, quam munificentiae ac pietatis Cimbro-
 rum salutem publicam a suâ nunquam alienam putantium, sunt ædes nostræ scholasticæ, quarum *ῥεμελῖος λῖδος* a Viro generosissimo, Dioe-

celes Arhufiensis præfide Johanne Levezowio positus est. die 18 Martii 1763 et *Ευκαιρία* triennio post oratione inaugurali d. 13 Martii 1766 a Jano Wormio sunt celebrata.

Duo fere secula cum dimidio erant elapsa, ex quò vetus ædificium scholasticum (cfr. per. 1 § 3) monachorum discessione desolatum, litteris inservire cæperat; et in dubio sane est, utrumlibet maxime sit mirandum, siue quod tantus tiro-num numerus in coenobio lucifugis monachis quam hilaribus lepidisque adolescentulis aptiori⁵⁾ tamdiu contineri, siue quod ipsum monasterium per tantum temporis spatium ætati resistere poturit.

Quemadmodum vero alterius causa quærenda est in contemptu, quo litteræ litterarumque officinæ, seculo decimo sexto exeunte septimoque ineunte, ab illius ætatis hominibus spectabantur, ita alterius i. e. consilii de aptiori ædificio substituendo tamdiu delati causa in eo erat, quod templum nostrum cathedrale, quod sumtus suggereret, nihil posset expedire⁶⁾, nec, unde tanta

(8*)

⁵⁾ Præter latebrarum obscuritatem, quibus oc-
culebantur pueri, (ut cum Tacito loquar Hist.
3, 11) vix aerem nedum solem admittentium,
lateritia erant sedilia cæmento vincula.

conficeretur summa, sciretur. Huc accedebat, quod viri, quos acerrimos nactus fuerat Wormius scholæ patronos, præfides Arhusienses Lewezow et Schouboe et Episcopus Hygom inter ipsos ædificii apparatus morerentur (1758-1763), unde statuere licet, vix ac ne vix quidem, tantas difficultates fuisse superatas, nisi ea fuisset Wor-

- 6) Juxta præscriptum legis Christiani quinti lib. 2, cap. 22 art. 71 collatum cum edicti Regii d. 7 Novbr. 1809 § 125, officium ædes scholasticas factas tectasque servandi templis incumbit, quod adhucdum, cum templum Clementinum rei pecuniariæ indigentia laborat, usibus nostris noxium foret, nisi Collegium Regium res nostras sapientissime gubernans ex arcâ scholasticâ, quæ desiderabantur, benignissime supplenda constituisset. Nec metuendum est, ne his sumtibus deficient nunc opes scholasticæ. Cum enim redditus decimarum, quæ doctoribus alendis olim inserviebant, novâ rei scolasticæ formâ, in arcam publicam redigantur doctoresque certo stipendio sustententur; factum est, ut schola nostra, si publicam ejus pecuniam spectes, ex pauperrimâ fere evaserit ditissima, quod ex summâ impensis annuis residuâ, quæ sive ad alias scholas sive ad arcam communem Hafniensem transmissa est, apparebit, quæ tribus ultimis annis efficit ex præsentî computandi ratione:

Ao. 1814: 12,500 Rigsbankdaler Navne-Værdie

Ao. 1815: 18,100 Rbd. N. V.

Ao. 1816: 19,250 Rbd. N. V.

mii constantia, quæ nullis impedimentis detereretur.

Dum igitur ad rei scholasticæ Ephoros de operis necessitate referre perrexit, auctor simul savorque consilii fuit publicam liberalitatem compellendi, collectisque ad ædificium scholasticum donis, templi scholæque indigentiae pariter succurrendi.

Nec voto defuit succensus, de quo ipsum Wormium audiamus ⁷⁾ “Instabat synodus autumnalis 1756, ubi in frequentissimo venerandi Cleri conventu ad præpositos relatum est, fore e re scholæ, si singuli eorum unacum reverendis Pastoribus, collatis symbolis, aliquali subsidio pro cujusvis lubitu, publicum hoc opus adjuvarent. Ipse relator, illustrissimus Mæcenæ noster Levetzau, ut suo alios invitaret exemplo, centum imperiales e loculis depromptos in frequentissimo conventu præsentavit ac scholæ usibus largitus est. Illustri ejusmodi exemplo motus Episcopus eminentissimus symbolam adjecit LX imperialium”.

Nec defuit aliorum beneficentia, quæ hic minime est reticenda. Præter enim summam 320

⁷⁾ In Encæniis supra memoratis, quæ benevole mihi commodavit Olaus Wormius Hottersnesiensis.

imperialium, quæ scholæ cathedralis doctoribus et Clero dioeceseos Arhusiensis debebatur, nobilissima Domina Anna Catharina Schucardt decedens 1000 imperiales testamento reliquit nostris usibus impendendos, Pastor dioeceseos Arhusiensis Chr. Pontoppidanus dedit 100 imp. Pastor Eccl. Lyngaaensis Petrus Gimlinge 200 imp. et Pastor arcis Schanderburgicæ Chr. Höeg 50 imp. ut plura dona, licet minora, non minus ideo animi generosi indicia, brevitatis causa hic reticeam.

Quibus muneribus colophonem veluti imposuit augustissimi Regis Friderici quinti munificentia. Vix enim prius indicio excellentissimi herois Johannis Levezowii resciverat novos lares parari Musis nostris, quam summam 100 imperialium, quam in pios usus pro obtinendo privilegio solvere jussus erat Pharmacopola civitatis nostræ Schak Mathiæ Selmerus, huic operi clementissime destinavit.

Cum ad hanc summam accederent 2200 imperiales parcâ manu a Wormio ex annuis scholæ sumtibus conquisiti et in ærario scholastico repositi, nil restabat, quod operi inchoando perficiendoque obstaret.

Surrexit igitur præclaro bonorum civium sensu indefessâque Wormii eurrâ hoc novum Musarum

sacrarium ad eam, quam hodie cernimus, amplitudinem et splendorem.

Est vero ædificium unius contignationis ex latere coctili firmissime constructum, cubita 72 longum et 16 latum et in ipso fastigio pergulam habens. Domui contigua est area ludis puerilibus satis ampla, ordine tiliarum confita et pulvere gymnico conspersa. Hanc excipit hortus non fructibus inamoenus, patentissimoque per mare vicinum prospectu gaudens. Præbebat domus interior præter bina auditoria ex veteri scholarum formâ instituta, spatiosa, alta, luci solique obvia, quorum superius ornatur duplici cathedrâ (non multum dissimili ab illo quod nuper fuit in Academiæ Hafniensis auditorio superiori) præter hæc, inquam, continebat ædificium diætas commodas et capaces quatuor scholæ Collegis, ternas nimirum cuiusvis Collegæ.

In ipso ædificii fronte plateam scholasticam adspiciente titulus legitur lapide insculptus his verbis:

AEDES HAE

D. O. M.

ET MUSIS ARHUSIENSIBUS SACRAE
PRIDEM DEFORMES RUINIS, VETUSTATE
SUBLAPSAE

SUIS PARTIM SUMTIBUS, PARTIM LIBE-
RALITATE PUBLICA

E RUDERIBUS ITA RESURREXERE

ANNO MDCCLXIII.

AUSPICIIS

D. OLAI BORRICHII DE SCHOUBOE
EQVITIS AURATI ET PRAEFECTI DIOE-

CESEOS,

ET

D. PETRI HYGOM EPISCOPI.

CURA

D. CHRISTIANI MICHAELIS ROTT-
BOELL

PROFESSORIS THEOLOGIAE ET PRAEPO-
SITI,

D. MARTINI ANDREAE GERTSEN, CONSI-
LIARIICAMERAE,

FRIDERICI CHRISTIANI GLEERUP,

ERASMI ERICI MÜLLER

CONSULUM;

MATHIAE FELLUM

ET

CANUTI SCHYTTE

SENATORUM ARHUSIENSIIUM. *)

*) Etſi plus permittendo, quam agendo, operi
contulerant ſcholæ Curatores (quod ex plu-

RECTORE
 MAG. JANO WORMIO
 PHILOSOPHIAE IN UNIVERSITATE HAU-
 NIENSI PROFESSORE,
 CONRECTORE
 MAG. BALTHASARE HALSE.

§ 3.

De Conrectoribus reliquisque scholæ doctoribus.

16tus scholæ Conrector erat Mag. Janus Wormius, hoc munere functus 1740-1752. (vid. supr. § 1.)

17, Mag. Balthasarus Halfe 1752-1769. Cum matrimonio et hæreditate lautiore re familiari gaudere cæpisset, munere scholastico se ab-

ribus epistolis apparet eorum nomine a Wormio scriptis;) tamen hac publica mentione quam sibi expetiverant, eos non indignos fuisse auctor est Wormius in oratione supra memoratâ, dicens: "Testor ipse ego, testis, si quis unquam, hujus rei idoneus, testor, inquam hic publice in promeritum laudis vestræ præconium, nihil me unquam scholæ nomine orasse, quod non statim exoraverim, nihil optasse, quin pronos et faciles in vota mea vos invenerim et subinde supra spem et vota propensos, id quod grati animi significatione publice profitendum existimavi et profitibitur, dum laxa supersunt, postibus superpositus lapis index".

dicavit, brevi ante Regi a Consiliis Cancellarii renuntiatus. Mortuus est in prædio hæreditario Qvistrup sexaginta annos natus.

18. Mag. Thure Krarup 1769-1775. De quo vide plura in serie Rectorum Periodi quartæ § 3.

Collegæ scholæ Arhusiensis, qui in schedis nostris memorantur, sunt⁹⁾).

Clementinus Blichfeld circa annum 1710.

⁹⁾ Theologiæ Lectorum nomina, quantum fieri posset, brevitati consulens, omittenda judicavi (cfr. per. 1 § 4), non item Collegarum. Hi enim molestissimâ operis parte funguntur, fundamentisque bene jactis, de juventute non raro egregie merentur, ut Virgilianum illud:

“Hos ego versiculos feci, tulit alter honores”
in eos interdum haud incommode transferas.

Quod etsi de nostris nec universis nec singulis κατ' ἐξοχήν dictum velim, quoniam de antiquioribus plane filetur et recentiores subinde (inprimis ob negligentiam et puniendi severitatem) atro calculo notantur; tamen, cum in his exarandis constantem mihi scripserim legem: hominibus non rebus parcendum esse, nec nomina eorum, qui, si de scholâ nil aliud meriti sint, tamen hoc promeruerunt, quod excubias scholasticas per longam plerumque annorum seriem desudaverint vel potius defrignerint, heic reticenda esse judicavi.

Johannes Rhodius 1716-1721, quo anno ad ministerium templi Clementini est vocatus.

Janus Tykiær 1748-1760 muneri pastoralis Pomagrienfi præfectus.

Ludovicus Pontoppidanus 1748-1755, postea pastor Thorstrupiensis in dioecesi Ripensi.

Joachimus Bruun 1755-1758, qui Pastorum ad templum D. Virginis hac in civitate per plures annos cum laude gesit.

Johannes Christianus Hardung, Collega V Classis — ad mortem 1769.

Mag. Hermannus Kuhr, Coll. IV cl. — ad 1765 cum ob rei familiaris, ut videtur, angustias clam se urbi scholæque subduxit.

Henricus Ernstius Grosman Collega V cl. (cfr. per. IV. § 3.)

Christianus Begtrup coll. III. cl. 1764-1768, cum ad pastorem Astrupiensem dioeceseos Arh. vocabatur.

Hic non reticendum est donum, quod huiusmodi debetur adhuc dum oblectationi scholæ doctorum inserviens. Est diæta hortensis ex lapide coctili exstructa propeque mare sita, unde amoenissimus patet prospectus per sinum Arhusiensem ad terram Molforum insulasque et regiones finitimas. Lapidis postibus superposito insculpta sunt hæc verba:

Delicias has aetivas
Superiorum Consensu propriis sum-
tibus

Ao. MDCCLXV exstructas

Scholæ, qualicunque ornamento
Collegis, qui succedunt, delectamento
esse voluerunt

H. E. Grosmann,

C. Begtrup,

Coll. cl. IV.

Coll. cl. III.

Johannes Nicolaus Ahrendal, non
immemoratum discipulis Arhusiensibus nomen,
quorum nunc viventes plurimi ejus institutione
sunt fructi. Sceptrum enim scholasticum tenuit
per integros 38 annos 1767-1805, nullo tædio rei,
quartæ clasfis cathedrâ, quam sibi expetiverat,
per tantum annorum spatium avocatus.

Michael Vogelius Coll. III Cl. 1769-1774,
quo tempore ministerio sacrorum Hundslunden-
sium dioec. Arh. præficiebatur.

Christophorus Worföe Coll. II et III
Cl. 1769-1779 ad Pastorum Tönningensem vo-
catus.

Georgius Hasfelbalch, V Cl. Coll. 1774-
1783. Pastor Seerupienfis.

§ 4.

De examinibus publicis et disciplinâ scholasticâ.

Cum nil prius et antiquius haberet Wormius, quam ut disciplinæ, quæ pueris tradebantur, exacte responderent normæ, publicâ auctoritate munitæ; supervacuum foret, lectorem in singulis describendis diutius detinere. Edicta Regia consulat, qui hujus ævi institutionem scholasticam accuratius nosse cupiat. Cæterum vix opus est, ut admoneam, litteras sub auspiciis Wormii haud mediocriter se habuisse, cum ex iis, quæ supra attulimus (§ 1) hoc sponte quisque augurabitur¹⁰⁾.

Quod ad disciplinam attinet, plurimi inferiorum inprimis clasium doctores (Wormio excepto, qui nunquam, nisi durâ urgente necessitate manum sustulit castigatricem) cum sophistâ, nescio qvo, judicasse videntur: δυσμεταχειροτατον τῶν παντων θεωριῶν ειναι τον παιδα, ideoque leviori quâvis in pensis diurnis retexendis morâ vel hæsitatione, identidem ultra eam humanarum ira-

¹⁰⁾ Cæterum nec Wormium ad nævos scholasticos suæ ætatis cæcutivisse, apparet ex iis, quæ Lüxdorffio reliquisque ad meliorem rei scholasticæ formam constitutis viris, rescripserit anno 1785. De quo ejus responso, quod inter chartas nostras frustra quæsi, adeas Nyerupii hist. schol. pag. 274-84.

rum fidem exardebant, ut virgis manibusque pueros pessime mulcarent. Plura sane haberem, quæ hic afferre possem exempla, nisi in re odiosâ lectorem ægre diutius morari vellevjre opinarer, hoc unum addam, quod narratione testis oculati pueritiæ annorum non sine horrore recordantis certior sum factus: avulsam semel aurem inter tortoris cujusdam scholastici cruentas manus cecidisse.

Quod ad jus Classium attinet, hoc semel tantummodo, dum Wormius scholam regebat, exercitum fuisse comperui, et satis idoneam ob causam, ut nimirum juvenis furti convictus eo pænis civilibus liberaretur.

§ 5.

De festis scholasticis.

Quam antiquioris ævi doctores fabularum actione, eam recentiores orationibus publice in scholâ habendis discipulis suis latine loquendi facilitatem parare studebant. Et quamquam nil est, quod diffitear, his exercitiis minus laboris a discipulis, quam a doctoribus fuisse impensum, utpote quibus discentium rerum verborumque tenuitati erat succurrendum; tamen læti festiviqve pueris erant anniversarii dies, quibus, quæ eorum nomine scripserant doc-

tores coram sollenni litteratorum conventu publice erant proferenda. Litteræ Regiæ, quibus hæc injunguntur exercitia, datæ sunt Hafniæ d. 15 Aprilis 1768¹¹⁾, nec sæpius quam quater in schola Arhusiensi orationes habitas fuisse comperui, nimirum sub auspiciis Wormii 1768 peroratum est de Sancto Nicolao Arhusiensium patrono tutelari, 1769 de frugalitate et luxu veterum Danorum, 1770 sub auspiciis Krarupii de continuâ Regum Daniæ in veram Religionem curâ, et tandem 1771 auctore Wormio: de vestigiis philosophiæ Platoniciæ et Stoicæ in doctrina et institutione veterum Borealium.

Ad hocce festum scholasticum, apud nos, quamdiu duravit, anniversarium, auditores invitabantur Programmata a Rectore alterna cum Conrectore vice conscripto¹²⁾, et horum opusculorum exstant quatuor typis impressa, quorum tria Wor-

¹¹⁾ Continet jussum Regium quoad singula hæc: "Discipline skulle (ved disse Taler) itide blive vante til baade at tænke og skrive ordentlig, saa og med Anstændighed og Frimodighed offentlig at tale". Porro: "Talerne skulle deels være paa Dansk og deels paa Latin, og ingen maa dimitteres uden han nogle Gange har ladet sig høre". Denique: "Materien maa tages af Fædrelandets Historie, eller andet som Lærerne eragte mest beqvemt for Discipline og nyttigt for Tilhörerne".

mium ¹³⁾ habent auctorem, unum vero Kra-
rupium ¹⁴⁾.

§ 6.

De egregiis scholæ discipulis.

Discipulorum, quos rude donavit Wormius,
eum de pluribus fileant tabellæ scholasticæ, ut-
pote qui, tempore, quo hæ condebantur, non

¹²⁾ Til en flig Actum oratorium maatte Rector
eller Conrector, hvis Tour det traf, indbyde
ved et latinsk Programma, naar Orationerne
bleve holdte paa Latin, og med et Dansk,
naar de vare paa Dansk, hvilke Program-
mata skulde trykkes in 4to paa Bekostning
af Skolens Penge og af hvilken Bogtrykker
Lærerne fandt for godt, og derudi een eller
anden nyttig Materie til Fædrenelandets
Historie og dens adskillige Dele
henhørende, fornemmeligen som
angaaer den Bye eller Province,
hvori Skolen findes, grundigen af-
handles.

¹³⁾ Inscribuntur: Prodrumus lexici litterarii
Soræ 1768 in 4to tribus foliis absolutus. Ani-
madversionum modestarum in Jöcheri lexi-
con litterarium particula prima 1769 in 4to
et particula secunda 1771, utraqve Soræ im-
presa et quinque folia continens.

¹⁴⁾ Series Conrectorum Arhusiensium. Parti-
cula prima- Alburgi. 1770 in 4to, 8 pag.
Vitas enarrat hoc Programma duorum pri-
morum scholæ Conrectorum.

dum publicis muneribus erant admoti ¹⁵⁾, ex iis, qui scriptorum munerumve gravitate aliquatenus inclaruere, hos paucos recipe B. L.! Qvoad reliquos, ne mecum expostules, si unum alterumve, quem ægve desideraveris, silentio a me prætermisum reperias, haud oblitus, me umbram tantum, non solidam rei imaginem, tibi promisisse.

Johannes Pontoppidanus (A. 1746 civitate academica donatus) originem ducens ex celebri Pontoppidanorum gente, quorum stemma reperitur apud Wormium (lex. Tom. 2 pag. 213) patrem habuit Christianum patruumque Ericum Pontoppidanum, qui uterque cognomine Arhusio Cimbri se a Fionensibus continuo distingvit. Inter scripta nostri præcipue laudatur translatio Danica Dramatis Gesneri de morte Abelis versibus hexametris confecta ¹⁶⁾.

Johannes Christianus Cramer, (A. 1747 civ. acad. don) matheleos studio librisque, quos edidit, arithmeticis satis notus ¹⁷⁾.

¹⁵⁾ Ex 159, quos in Academiam dimisit, 49 tantummodo nominantur, quorum 40 pastores facti sunt rurales, 9 muneribus civilibus præfecti.

¹⁶⁾ Qvoad reliqua de eo confer Wormium Tom. 2 pag. 210.

¹⁷⁾ Worm Tom. 3, pag. 161.

Georgius Höst (1752 c. a. d.) Regia Consiliis
 status, nec minus muneribus, quibus in remotiori-
 bus patriæ Coloniis functus est, quam terrarum in
 Africa Marokoenfium descriptione inclytus. Teste
 Wormio¹⁸⁾, eâ lingvarum recentiorum notitiâ
 polluit, ut non solum gallicam et hispanicam
 sciret, sed etiam Arabicam ita calleret, ut cum
 Rege Marocorum absque interprete sermones con-
 ferre posset.

Petrus Wogelius, (A. 1757 c. a. d.) Pa-
 stor primarius templi sancti Spiritus Hafniensis.
 Priusquam alumni nostris adsciscebatur, bona-
 rum litterarum initiis umbratili institutione Ove-
 ni Högh Guldbergii erat eruditus, et ab
 hocce egregio præceptore mature eum historiæ
 lingvæque patriæ saporem imbibisse videtur, quô
 inter lingvæ vernaculæ restitutores honorificum
 tuetur locum¹⁹⁾.

Thure Krarup. (A. 1758 c. a. d. vid. Per.
 4, § 3.)

Christianus Vest Hertel, (A. 1762 c. a.
 d.) fide et religione, quâ variis muneribus eccle-

¹⁸⁾ Tom. 3 pag. 369.

¹⁹⁾ Confer laudationes Absolonis et Canuti mag-
 ni insertas scriptis societatis scient. elegant.
 Tom 8 et 9.

fiasticis per 31 annos functus est, non minus quam liberalitate in scholam nostram eximius. Dedit enim A. 1813, (ut munificentiam ejus in pauperes Arhusienses taceam)²⁰) quingentos imperiales discipulis scholæ nostræ, quorum ex usuris præmia diligentiae quotannis alumnorum tribus distribuuntur²¹).

Svenningius Lange (A. 1763 c. a. d.) Regi a Consiliis Justitiæ et Curiaë Hafniensis Asfessor.

Nicolaus Ivari Schow (A. 1773 c. a. d.), Regi a Consiliis Justitiæ, lingvæque Græcæ Professor in Academia Hafniensi. Natus est 1755 patre Ivaro Nicolai perquisitore et portitore Arhusiensi. Scholæ traditus 1766 eam de se expectationem suscitavit, ut hic et Olaus Wormius soli sint, qui a Jano Wormio in albo scholastico inter tiro-nes magnæ spei constanter referantur, nec Wormium nimium in laudando fuisse, nisi ali-

(9*)

²⁰) Fundatio hujus donationis reperitur in Annalibus Engelstoftii 1812 fasc. 2, pag. 345.

²¹) Hæc vero summa cum novâ pecuniarum nostrarum mutatione circumscriberetur ad 125 imperiales, eam non solum auxit novâ donatione, sed ejus incremento etiam prospexit copiam librariam Episcopi nostri manibus tradendo, ut, dum hi libri distribuuntur, nummi in arcâ depositi ipsis usuris augeantur.

unde constaret, probatura esset tesfera Ovidiana (Her. 17, 34.) quam veluti regulam censuræ suæ libro nuper memorato præscripsit:

Fallitur augurio spes bona sæpe suo.

Cæterum quot qualesque eruditionis thesauros hic vir celeberrimus, quondam scholæ nostræ discipulus, ex diuturnâ apud Italos Germanosque (XIV annorum perhibent tabellæ nostræ scholasticæ) commoratione, reportaverit et quomodo illos in usum juventutis academicæ converterit, id longum foret, hic pluribus recensere.

Olaus Wormius (A. 1775 c. a. d.), Scholæ Hottersnesiensis Rector, Profesor et ordinis Danebrogici eqves auratus. Natus est 1756 patre Christiano Bagger, præposito Nomarchiæ Mollingensis, cumque undecim annos natus Rectori Arhusiensi Jano Wormio educandus instituendusque traderetur, patre avunculoque consentiente, hujus optavit nomen, ne, quod metuendum esset, stirpis Wormianæ exstingveretur mascula proles.

Quamque præclare posthac majorum gloriam tuitus sit Olaus noster, Daniæ Rectorum ætate et sapientiâ Nestor, testatur non minus muneris gravitas, quod per triginta annorum seriem religiose sustinuit, quam scripta egregia ingeni-

um eruditionemqve Wormianam, etiam apud ex-
teros prædicantia et prædicatura deinceps ²²).

- ²²) Qvos hætenus evulgavit Wormius libri sunt:
 "Luxdorphiana e Platone Hafn. 1790, 4-"
 "Juvenals VIII, XIII og XIV Satire overfatte
 paa Dansk med bestandig Commentar, Khvn.
 1801". "M. Tulli Ciceronis orationem pro
 M. Marcello *νοδελας* suspicione, qvam nuper
 injiciebat F. A. Wolffius liberare conatus est
 O. Wormius Hafn. 1803" et Oratio habita in
 scholâ Hottersnesiensî d. 9 Jan. 1807 inserta
 Miscellaneis Hafnienfibus a Münstero editis,
 Fasc. 2, 1817. (De reliquis cfr. Wormii lexicon).

PERIODUS QVARTA

1775 - 1805.

§ I.

De edicto Regio modoque, qvo huic satisfactum est.

Cum usu veniat, ut nulla in re magis vacillent leges civitatis, qvam in animorum regimine, (cujus non minimam partem efficit institutio scholastica); hujus quoque rei succensus ex doctorum solertiâ, plus qvam ex sapientissimis præscriptis, pendere solet. His enim æque facile doctor inutilis ineptusque fucum facere, ac sollers et ingeniosus legibus mancis et imperfectis succurrere potest.

Hoc suo exemplo docuit non hic solummodo, sed per omnes fere Daniæ scholas, edictum Regium d. 11 Maji 1775 evulgatum.

Si nulla igitur lex brevius fere qvam hæc in auctoritate fuit, priusquam de ejus salubritate est dubitatum, (A. 1782 demum ejus præscriptis ad plenum erat satisfaciendum et jam A. 1785 de

ipsâ novandâ decretum Régium est interpositum)¹⁾; hoc legi ipsi multa egregia continenti minus vitio vertendum esse opinor, quam partim novo, qui mox invaluit rerum ordini, proniori, ut videtur, ad culpandum quam ad laudandum ea, quæ pristino debebantur imperio, partim oscitantiae et incuriae magistrorum, quicquid virium aliquam intentionem posceret, vel a recepto more paululum recederet, mox in desuetudinem abire sinentium²⁾.

Meliori lingvæ vernaculæ et historiæ institutioni lege erat cautum (ut hoc modo ex pluribus afferam), sed adeo frigide res gerebatur, ut, qui scholæ valedicebant, discipulorum plurimi vix epistolam dānicam lingvæ genio consentaneam vitiisque grammaticis purgatam possent exarare.

¹⁾ Ad Lûxdorphium cæterosque, de quibus vide Nyerupii hist. schol. pag. 274 ff.

²⁾ Hoc non maligne dictum esse in plures egregios scholæ nostræ doctores, quibus, dum suarum partium religiose sategerunt, debitam laudem minime defraudatam velim, vix opus est, ut hic pluribus præmoneam. Heic vero, ut semel monui, de rebus non de hominibus sermo est, parumque interest lectoris de universâ rei facie curiosi, utrum Cajus an Julius nominetur is, qui molestissimo negotiorum onere deficiens, humanitus aliquid fuerit passus.

In historiâ autem adeo tenuiter et præpostere instituti erant tirones, ut plura interdum de Ptolomæis Antoninisque, quam de inclytis patriæ heroibus callerent narrare. Nec melior fuit ratio Religionis, quæ ad formulam Theologiæ Guldbergianæ adeo serviliter ediscebatur, ut metuum dum esset, ne filo rupto, tota confunderetur tela³⁾.

Quod in honore habitum est et interdum exempli instar colebatur, erat veterum linguarum studium. Hoc non limitatum erat aliis disciplinis eandem cum illo dignitatem sibi arrogantibus, tantumque abfuit, ut vel solidam linguarum institutionem paucis septimanæ horis absolvi, vel chrestomathiis quibusdam, quas dicunt, auctorumque Eclogis examinаторibus academicis satis fieri posse putaretur, ut bona cujusvis diei pars huic disciplinæ impenderetur, et numerosus satis auctorum cyclus requireretur ab eo, qui absque

³⁾ Hujus molestiæ levandæ causa apud nos, puerorum dolo, invaluisse audivi, ut pensum diurnum decantaretur ex libello didactico, qui a discipulis sive mensæ erat suppositus sive in pileo ita collocatus, ut dum puer vultus modeste se demittentis præ se ferebat speciem, occasionem haberet censori vel rigidissimo satisfaciendi.

fordidæ repulsæ metu civibus academicis adscribi desideraret.

Quæ cum esset normæ conditio, si purior accessisset gustus in veterum auctorum interpretatione, ipsumque institutionis opus minus frequenter feriis longiusculis esset interpellatum, non multum sane habuisses, quod in his exercitiis desiderasses.

Verum enimvero adeo langvide institutioni præfuere quidam doctorum, ut vel somno interdum (ne plura dicam) inter docendum indulgere solerent⁴⁾.

De singulis si quæris, latina danice vertebantur, græca latine. De verborum delectu in vertendo non multum erant solliciti, de rerum illustratione plane securi. Verba verbis reddere in prosa oratione, et in poëtica audaciores vatum metaphoras breviori versione restringere, erat solenne. In his interpretandis ζῆλον subinde ita indulgebant, ut foedum eorum gentilismum increparent⁵⁾.

⁴⁾ Narratur hoc de binis, quorum alter, cum discipuli gratum hoc corporis animique laxamentum, silentio facto, sibi parasent, tandem expergefactus, somnolentiam suam purgare solebat exclamando versum Horatianum:

Longe in opere fas est obrepere somnum.

Inter græca præcipuum locum tenebat novum testamentum, quod supremæ clasſis discipuli ad versionem Sahlianam reddere tenebantur, ab inferioribus autem versio Leusdenii tantummodo requirebatur. Quoad reliqua regnabant editiones versionesque Sahlianae, quarum adhuc plura asservantur exemplaria in bibliotheca scholasticâ, in futurum, si unquam veniet, discipulorum usum. Ad fundamenta lingvarum Hebrææ Græcæque adhibebant Grammaticam Danzii et Golii, quam utramque ad verba, quin ad verborum syllabas, ediscere cgebantur tirones.

§ 2.

De bibliotheca scholastica.

Recentioribus rei scholasticæ emendatoribus non exiguæ laudi est tribuendum, quod de condendis bibliothecis scholasticis cogitaverint, quibus inopiæ doctorum ad libros comparandos raro sufficienti⁶⁾, pariter ac discipulorum usibus, confuleretur.

⁵⁾ Narratur de aliquo, qui Horatio, quando in laudem Apollinis aliorumve deorum paullo liberius excurreret, ita succensebat, ut præ contemptu eum conspueret, exclamans: o coecum gentilem!

Habuerat schola nostra per longum, quod percucurrimus, temporis spatium paucos quosdam libros in usum discipulorum coemptos, quos inter recensentur in catalogo supellectilis scholastici A. 1681 lexica Scapulæ et Calepini catenis ferreis cathedræ annexa, adque puniendam tollendamque incitiam puerilem, ut videtur, æque parata⁷⁾.

Cum vero hi libri dudum ætati cecidissent, de novâ auctiori que suppellectili librariâ comparandâ cogitarunt scholæ moderatores, et, nisi fallor, instructio bibliothecæ scholasticæ Arhusiensis, post Guldbergium proxime debetur Episcopo nostro Georgio Hee, qui non solum scholæ inopiam dono Regio Christiani septimi 200 imperialium sublevatam procuravit, sed consilio auctoritateque plures Euergetas in dioecesi suâ evocavit.

6) Hos vocat Gesnerus homines, quibus civitas dat laborem trium afinorum sed cibum unus aviculæ.

7) Constat saltem hoc de Curtio quodam Schreveliano, qui firmissime ligatus, æneisque angulis et fibulis munitus non minus idoneus repertus est ad levitatem puerilem coercendam quam ad diuturnioris usus injurias educandas.

Horum munificentia paucis annis conqvisita est bibliotheca 900 voluminum, qvæ a scholæ Rectore Mag. Thure Krarup sollenni oratione est inaugurata die natali Regis augustissimi 29 Januarii 1783²⁾. His initiis bibliothecæ scholasticæ auspicato positis, auctisque deinceps partim legato Teilmanniano annuisque scholæ sumtibus, partim benignitate recentiorum discipulorum Arhusiensium, qvi pium, qvo pueritiæ annorum recordabantur animum, testatum facere cupiverunt suppellectilem librariam augendo³⁾.

²⁾ Est oratio inauguralis qvæ manuscripta aservatur in bibl. schol. hujusmodi argumenti: "Hvor ærefuldt det er for en Konge ved offentlige Skolebibliothekers Stiftelse at vise sin Kjærlighed til Fædrelandet", continetque nomina eorum, qvi insigni liberalitate opus promoverunt, qvi sunt, ut auctoris verbis utar, qvi seqvuntur: "Oberstlieutenant Hoff til Ryomgaard (der gav 65 udfögte philologiske Böger) Justitsraad Worm, Justitsraad Gleerup (100 Rd.) Justitsraad Höst (adskillige sjeldne Böger) Fru Bispinde Bildföe (en Actie i det kjøbenhavnske topographiske Selskab) Regimentsqvarteermester Fischers Enke, Stiftsprovst Monrad, Provst Begtrup i Wistofft, Provst Meulengracht, Pastorerne Hasfelbalch, Boserup, Staal, Marqvard, Wegerslew, Höst og Studios. Mundellstrup, Cramer og Lucas Müller."

Defiderabantur tamen plura litterarum subsidia docentibus inprimis, qui progredientem temporum culturam æquis passibus subseqvi conantur, maximopere necessaria. Nec horum desideriiis defuit eventus. Misit enim Collegium Regium Ao. 1808 egregiam librorum collectionem, curâ Moldenhaweri — qui, dum rebus nostris prospexit, quod ad meliorem instituendi methodum faceret, nunquam a se alienum censuit — commode sciteque conquisitam, plus quam 400 volumina philologici maxime et historici argumenti continentem.

Excrevit igitur sensim sensimque bibliotheca nostra ad eum numerum, quem nunc habet ¹⁰⁾,

9) Inter hos nominari merentur quattuor Secheri Dioeceseos et præfecturæ Arhusiensis præpositus, possesoresque prædiorum Kjerbygaard, Södringholm et Schaarupgaard, qui A. 1806, formâ scholæ Arhusiensis nuperrime emendatâ, novum quasi Musarum emporium faustis auguriis profecturi, e librorum supellectile minime spernendâ scholæ doctoribus 60 volumina seligendi copiam fecerunt.

10) Continet circiter 3134 volumina, nimirum: In theologicis: (quorum brevitatis causa pauca hebræa, syriaca &c. accensio) 776 Vol. inter quæ notari merentur scripta quædam: Wetsteinii, Rosenmülleri, Mori, Schleusneri, Döderleinii, Stolzii,

estque nobis, cum publicæ munificentiae fontes
magis magisque exarescere incipiant, ex mode-
ratorum nostrorum sapientiâ benignitateque ju-

Eichhornii, Bretschneideri plurimumque.
Ad philologiam latinam 531 vol. (præ-
ter Gesneri thesaurum, Nizolii Fun-
kiique lexica) continentia editiones pluri-
morum auctorum cum notis variorum, item:
nonnullos ex edit. Burmanni, Spaldin-
gii, Nitschii, Oberlinii, Heynii,
Wolffii, Doeringii, Bothii et Kin-
dervateri. Ad philologiam græcam:
253 vol. inter quæ thesaurus Stephani,
item: Editiones Clasicorum Fischeri,
Harlesii, Schneideri, Heynii, Reis-
kii, Wolffii, Heinrichii et Herman-
ni. In historicis et geographicis:
1212 vol. inter quæ haud exigui pretii libros:
Buddei lex. hist. 66 vol. in folio, Allgemei-
ne Welthistorie 63 Voll., Baylii lex., Hist.
univers. curâ Guthrie et Gray 29 vol.,
item opera quædam Beckii, Gattereri,
Gallettii, Slangii, Suhmii, Lange-
bechii. In geogr. Blaenii Atlas et Bü-
schingii descript orbis. In philoso-
phicis: (phys. math. et astron.) 492 vol.,
inter quæ systemata Karstenii, Buschin-
gii, Klügelii, Murhardi, Linei et
Hofmanni et scripta quædam Kantii,
Platneri, Kiesewetteri et Trescho-
vii. Ad artes venustas lingvasque
recentiores 170 vol. inter quæ Sulzeri,
Blankenburgii, Adelungii plurimum-
que libros.

stissima causa sperandi, fore ut bibliotheca, nec in posterum librorum incremento destituatur.

Restat adhuc ut de bibliothecæ appendice, quæ a lectore naturæ antiquitatumve patriarum curioso cognoscatur, minime indignâ, paucis subjungam. Aservatur nimirum in museo nostro:

1. Collectio fossiliorum, quæ, permittente Collegio Regio, emta est Freibergæ Saxoniae anno 1808 decem Ludovicis aureis et complectitur 400 fossilia, quorum 320 sunt oryctognostici generis, 80 vero geognostici, quæ omnia tribus armariis systematice sunt disposita.

2. Manuscriptum malabaricis, ut videtur, characteribus, fasciis foliorum palmarum acu leviter incisum.

3. Cornu æneum¹¹⁾, cujus jam mentio fit in antiquissimis supellectilis scholasticæ indicibus, nullâ tamen additâ explicatione, cuinam usui olim fuerit destinatum. Traditio seculorum decursu populi ore trita hujusmodi est: Celebrabatur quondam insigni pompâ hic et alibi a Clero pontificio annua mortis dolorumque Christi me-

¹¹⁾ Suffragante Collegio Regio, datâ opportunitate, transmittendum est hocce cornu ad antiquitatum patriarum museum, quod accuratissime conditum in bibliotheca Universitatis Hafniensis aservatur.

moria, utque hoc festum, quod ipso anniversario mortis servatoris, ut videtur, die habebatur, excitatus redderetur ad populum commovendum, injunctum erat Davidicorum cuidam, ut cameram templi Clementini clam scanderet, signoque dato, tempore, quo concionator sacer proditorem Judæ intentissimâ voce increpabat, cælitus veluti, per cornu ad id datum, detonaret verba proditoris (Math. 27, 4.): Væ mihi, quod sanguinem innocentem prodiderim!

Est cornu læve, nullis figuris litterisque ornatum, sed ad sonum augendum mirifice comparatum.

§ 3.

De scholæ doctoribus¹²⁾.

Rector scholæ 28vus (vid. Per. 3, § 1) fuit:

Mag. Thure Krarup 1775-1805. Natus in prædio Deiberglund 1739, biennium scholam Arhusiensem frequentavit 1756-58, studiisque academicis laudabiliter profligatis, ab a. 1765 Collegæ Conrectorisque officio per decennium religiose est functus. Ipse latine præclare erat doctus, aliosque — si modo oblatum bonum non fastidirent,

¹²⁾ De horum vitâ confer Hertelii descript. ædis Clement. Tom. 2 fasc. 3 et 4.

— præclare edocendos curavit. Publicæ si quid defuisset institutioni, privatâ largiter compensaturus, erectioris spei juvenes ad penitiorem poetarum cognitionem, inprimis Eclogarum Virgilii, intra privatos lares invitavit. Laudatur porro in viro animi morumque integritas, animusque in discipulos egenos paternus. Curæ ejus denique debentur fornaces ferreæ, scholæ usibus adhucdum infervientes ¹³).

Triginta, quibus Rectoratum gessit, annis, 180 discipulos in Academiam dimisit, quorum 88 facti sunt pastores pagani, 4 oppidani, 18 muneribus civilibus, 5 militaribus præfecti, reliqui five ad opificiorum leviorumve quæstuum negotia abire, five mortui sunt. A. 1805, munere scholastico se abdicans, titulo Professoris ornabatur.

Conrectores scholæ fuere ¹⁴).

¹³) Ad hoc usque tempus friguerant per totam hiemem doctores cum discipulis, et, quod pejus erat, friguerant haud raro ipsa studia scholastica. Nam cum Collegæ in diversis urbis angulis habitantes, in sua quisque pergulâ, frigoris vi adacti, publicum exercerent negotium; in promptu est videre, non posse non studia ipsa in secretis langvescere et veluti in opaco situm ducere.

¹⁴) Cfr. Per. 2, § 3.

ignus, Mag. Georgius Hansen 1777-1780.

Cum per triennium Conrectoratu præfuisset, ad scholam Viburgensem est vocatus, cujus Rector postea exstitit meritislimus.

20, Mag. Henricus Ernstius Grossmann 1780-89¹⁵).

21, Janus Stougaard 1789-1805, de quo vide Per. 5 § 2.

Collegæ scholæ fuere¹⁶).

¹⁵) Reperitur vita ejus cum elogio sepulchrali in Engelstoftii Ann. 1811, fasc. 3, pag. 101-105, cujus, quæ vitam viri scholasticam illustrant, sunt sequentia: Hans Hustrue og Paarørende, hans Lærlinge og Samtidige vidne: at uskrømtet Guds frygt, et ædelt og følende Hjerter, stræng Retfærdighed, et ikke glimrende men grundigt Hoved, sund Dømmekraft, utrættelig Arbeidsomhed, Nøjsomhed og Tilfredshed i Trang, Maadeholdenhed og Godgjørenhed i lykkelige Kaar, og en beundringsværdig Taalmod i tyve Aars haarde Lidelser, vare hans Characters elskværdige Hovedtræk. Han var Menneske og havde menneskelige Feil, der dog aldrig fordunklede hans gode Egenskaber, tvertimod fik disse ligesom en højere Glans ved en sjelden Beskedenhed, en heldig Lune og en grundig Indsigt i Tonekunsten, hvilket gjorde den agtede Borger til Medborgeres Yndling. Berøvet i tyve Aar sit Syn og sine Lemmers fulde Brug, beholdt han dog til mod sine sidste Dage, sin Aandskraft og Fyrighed.

Mag. Nicolaus Lisberg Collega V cl.
1779-1785. Ecclesiæ postea Holmenfis pastor.

Nicolaus Thomsen 1781-1804 Coll. V cl.

Jacobus Abel Ingerslev 1783-1784, Coll.
II cl. unde ad Pastorum Saxildensem voca-
batur.

Nicolaus Wormslew brevi tempore circa
annum 1783 classi secundæ præfuit, mox ad ec-
clesiam Borum postea Wibye vocatus.

Christianus Cramer Collega III cl. 1785-
1796, quo anno eccl. Røgen præse jussus est.

Stephanus Krysfing Coll. III cl. Postea
pastor eccl. Meierup in dioec. Viburg.

Henricus Rohde Coll. III cl. mortuus A.
1805.

Carolus Fridericus Jansen Collega III
cl. ad a. 1806. Postea pastorum Broust admo-
tus, hoc anno simul munere præpositi præ-
fecturæ est ornatus.

Andreas Fischer Bastrup, 1804 Coll. II
Cl. 1805 Adjunctus, græcam in II, latinamqve ling-
vam in II et III cl. docens, 1813 Pastor eccl. Rø-
ding in dioec. Viburgensi.

(10*)

16) Cfr. Hertel Tom. 2 fasc. 4 pag. 531.

§ 4.

De disciplina scholastica.

Quamquam non est negandum extimam elapsi seculi ætatem ab antiquæ disciplinæ rigore haud parum recessisse, maximopere tamen erraremus, si ad credendum adduceremur: hanc nostri ævi fuisse humanitatem, quæ se ab omni puniendi acerbitate ubivis temperaverit.

Recordamini, discipuli Arhusienses, (ut hoc unicum afferam de re, cujus me dudum tæduit piguitque)¹⁷⁾ illius vocis tremendæ: *Extende, manum extende!* quæ diætas nostras scholasticas personare solebat, et tu, B. L.! (si hæcenus historiolæ nostræ attendere tanti putaveris) Episcopo nostro locupletissimo, si cui alii, rei auctori hoc tribuas: nostro demum ævo finem factum esse fædi cædendi arbitrii¹⁸⁾.

¹⁷⁾ Quâ tamen, cum in historiâ scholasticâ duo præcipue esse videantur, quæ rei momentum faciant: instituendi ratio disciplinaque morum; superledere nequivi.

¹⁸⁾ Exemplum, (utrum Arhusiense sit, nec ne, nil ad rem facit) est in epistolâ Episcopi nostri Georgii Hee datâ Arhusiæ d. 1 Aug. 1783 ita se habente: "Det er ikke længe siden, at mig er forebragt, at Hr. N. Ns. overilede Gemyt og Fremfusenhed i at straffe Discipler ei allene affkrækker Een og Anden fra at

§ 5.

De egregiis scholæ discipulis.

Janus Stougaard A. 1783 inter cives academicos receptus, postea Rector scholæ Arhusiensis meritisimus. (De quo vide Per. 5 § 2.)

fætte Börn i N. N. Skole, men endog kan bevæge Forældre, som virkelig har Börn der, til at tage dem deraf, saa at Skolen visfere trues med Forringelse end kan vente nogen Fremvext. Endskjönt jeg, efter een og anden foruderaaret Prøve paa Deres choleriske Tænkemaade, ikke anfaae saadan Forestilling for ugrundet, har jeg dog ikke syntes uden virkelige Data, at ville gjøre derom Erintring, men tænkt, naar jeg vedtalte Dem, at føre Dem Deres overdrevne Strengthed til Gemytte. Men nu, da De ved et, efter Skoleforstandernes Beretning, faare ubetydeligt Tilfælde, har beteed Dem saa haard og overordentlig streng, at en Discipel, for at conservere Lemmer og Helsen, har seet sig nødsaget til, at forlade Deres Huus og Information, saa maa jeg alvorligen paaminde Dem om Skoleforordningens 15 Artikel. Det er paa Tide, at De söger, at moderere den Heflighed i Sindet, som De öiensynligen befindes at besiddes af, naar Noget möder, som De ikke synes om. — — Det er bekjendt at alle Disciple har haft i Sinde, at söge om Deres testimonia vitæ. Jeg haaber, De derfor i Fremtiden vil forskaane mig for Uleiligheden, at være Dommer om flig Precipitation." &c.

Christianus Johannes Lodberg Krarup, A. 1784 i. c. a. r. postea Præpositus præfecturæ Ringkiöbingensis ordinisqve Dannebrogici eqves auratus. Laudantur merita viri de institutione doctorum ruralium et recensentur scripta ex officinâ typographicâ ejus sumtibus institutâ in usum vulgi rustici evulgata in Ephemeride Danico: "Litteraturtidenden 1817 N. 32."

Christianus Nicolai Krarup (1784 i. c. a. r.) Pastor Ecclesiæ Wivildensis, Confessorii ecclesiastici Aslesfor et ordinis Dannebrogici eqves auratus, scriptis inventisqve oeconomicis minime obscurus.

Janus Höjer Leth (1785 i. c. a. r.) Præfecturæ Sallingenfis præpositus, vir juventutis informandæ studiosissimus, cujus umbratili institutioni haud paucos optimæ notæ discipulos acceptos refert schola nostra ¹⁹).

Albertus Philipus Bregendahl (1790 i. c. a. r.) Pastor primarius Schivenfis et præfecturæ præpositus.

Johannes Henricus Weise (1791 i. c. a. r.) Philosophiæ Doctor et ecclesiæ Volfstrupiensis pastor ²⁰).

¹⁹) Necrologia ejus inserta est ephemeride Eusebia Tom. 1 fasc. 1 pag. 81-91. Arhusiæ 1814.

Petrus Rohde (1791 i. c. a. r.) Judex nomarchiæ Hannensis occidentalis, Regique a negotiis bellicis summus curator, non illepidus poematum auctor.

Johannes Bering (1795 i. c. a. r.) Primarius scholæ Nakskovienſis moderator.

Fredericus Deichmann Hasfelbalch, (1798 i. c. a. r.) scholæ Viburgensis Rector.

Henricus Bering Lanng, (1798 i. c. a. r.) Regi a Confiliis Cameræ summusque civitatis Fridericiæ magistratus.

Nicolaus Fredericus Severinus Grundtvig; (1800 i. c. a. r.)

Vellem utique existerent in schedis nostris scholasticis ἀπομνημονεύματα quædam de Grundtvigii nostri indole puerili, diviniore, quo vir factus sæculum movit, ingenii scintillas jam in puero indigitantia. Quum vero de vitâ ejus scholastica plane fileatur, crediderim fere illum (quod de Junio Bruto asserit Titus Livius)²¹⁾ la-

²⁰⁾ Librum de re pædagogicâ evulgavit inscriptum: Haandbog i Opdragelseslæren egentligen bestemt for Forældre i de cultiverte Stænder. Odenſe 1803 hos Hempel.

²¹⁾ Hist. Rom. lib. 1 cap. 26.

tentem sua tempora oppertum fuisse, ingeniiqve
 sui aurum baculo veluti corneo inclusum celasse.
 Cæterum, quam prælare hic vir de historia patria
 reliquisque disciplinis meruerit, neminem lecto-
 rum hujus opusculi latere existimo.

PERIODUS QVINTA

ab anno 1805 ad annum 1817.

§ I.

De novissimo rei scholasticæ statu.

Si unqvam materia esset sperandi, fore ut, institutio quædam scholastica votis Pædagogorum responderet; recentissima esset scholæ Arhufiensis forma. Hæc enim 15 annos (1790-1805) ab ingeniosissimis sapientissimisque viris trutinata, terminisque in celeberrimis patriæ scholis octo per annos ulteriori explorationi subjecta, tandem sapienter cunctando probata eventoque firmata, Ao. 1805 in Arhusinam, ut in alias Cimbriæ scholas, est introducta. Et licet eqvidem testis fuerim animi grati, quo boni Cimbri hoc beneficium Regium, duodecim abhinc annis, fuerint amplexi, lætitiæque, quâ liberos suos ad novum litterarum seminarium adduxerint; hac in re tamen, utrum cum lætâ expectatione constiterit eventus, penes me minime sit iudicium, qui ipse ego aliqua ipsius fuerim pars.

Dum igitur in novâ rei scholasticæ facie dijudicandâ peritiorum iudicio in universum modeste me subjicio ¹⁾, libenter confiteor, quoad singula me haud pauca pectori inclusa habere, quæ, si non brevitatem svasissent temporis locique angustia, ulterius explicare volupe admodum foret.

Cum vero, quæ inter docendum attento ipsâque experientiâ edocto magistro suboriuntur de singularum rei saluberrimæ partium salubritate dubia, pia desideria &c., ad quæ modeste profe-

¹⁾ Consulat lector cupidus libros, qui novum statum scholasticum vel in genere describunt vel singularum scholarum conditionis faciunt mentionem; quæ descriptiones, mutandis mutatis, in nostram, ex eadem normâ institutam commode transferri possunt. Sunt hi libri: "Prof. Nyerups Skolehistorie". "Etatsraad Engelstofts Forfög til at oplyse det Spørgsmaal: Hvori bestaae egentlig de Forandringer, der i de seneste Tider ere gjorte i det lærde Skolevæsen. En Afhandling indrykket i Universitets- og Skole-Annalerne 1806, 1 Qvartal". "Prof. og Ridder Bloch: Om Nyekjöbing lærde Skole fra dens Reform i Novbr. 1806. Khvn. 1808" og Sammes "fortsatte Efterretninger om Kathedralskolen i Nyekjöbing. Mariboe 1809". "Prof. og Rector Nissen om Clasesystemerne i Skolerne 1ste Hefte Khvn. 1808, 2det Hefte Khvn. 1809".

renda, pro ejus humanitate, invitavit ipsum Collegium Regium²⁾, nude proposita suisque argumentis destituta, quæ rei est gravitas, minus placere debeant; hæc ad aliam occasionem, cum liberius excurrendi contingerit opportunitas, seponere satius duxi: paucula quædam tantum subjungens de iis, in quibus novus status scholasticus omnium consensu antiquiori præstare videtur. Sunt:

1. Scholarum administratio Collegio Regio concredita, quod operam indivisam rei gravissimæ impendere potest³⁾.

²⁾ Skoleforordningen af 7 Novbr. 1809 andet Cap. § 12.

³⁾ Hanc rem laudat Serenissimus auctor in libro: "Ideer vort lærde Skolevæsen vedkommende Pag. 42" his verbis: "At jeg anseer et saadant eget med Auctoritet og Anseelse beklædet Kollegium for uundværligt, tilstaaer jeg. Ved eet af flere Medlemmer bestaaende Kollegium betrygges de eensgang antagne Grundsætninger for alt for hyppig Forandring eller fuldkommen Kuldkaftelse. — — Et Kollegium vil, endog naar Reformen er tilendebragt, i den bestandige Styrelse af det hele Skole- og Opdragelsesvæsen forefinde et nyt og meget betydeligt Detail af Forretninger, som kræve saavel udeelte Ævner som udeelt Tid".

2. Abrogatio servilis ministerii sacrorum et ceremoniarum funebrium in magnum temporis dispendium discipulis olim injuncti.

3. Lætior lingvæ vernaculæ cultura, et quæ cum illâ conjunguntur meditandi exercitationes.

4. Severius Theologiæ, lingvæ græcæ, historiæ et geographiæ &c. studium.

§ 2.

De scholæ doctoribus.

Qvi adhuc scholam Arhusiensem moderatur utinamque diutissime sit moderaturus, Rector Scholæ agnus est:

Janus Stougaard (Petri). Natus in pago Rye A. 1762, ubi pater Petrus Petri operam scriuariam exercuit, duodecim annorum puer scholæ Arhusinæ est traditus, ibique a consobрино, (cujus nomen postea assumsit) ex lautiori, quâ gaudebat, re familiari benigne sublevatus. Studiis academicis honorifice absolutis, breviqve Collegæ munere apud Roeskildenses gesto, Ao. 1789 ad patriam scholam est revocatus, vicibus primum Conrectoris (1789-1791), deinceps ipso Conrectoratu (1791-1805) et tandem Rectoratu (1805 ad præsens tempus) summa cum diligentia et religione fungens. Plura sane haberem, quæ in hoc

egregio viro possem laudare, meritoque laudarem, nisi ab his singulatim recensendis revocaret viri modestia. Sufficiat hoc addidisse, neminem, qui huic scholæ præfuere, doctorum, animum magis paternum in suos, quam ille, unquam facile habuisse. Cæterum nec has nec reliquas nostri virtutes Superiores latuisse, vel exinde colligere licet, quod Rex augustissimus festum coronationis novis in bene meritos viros beneficiis celebraturus, etiam Stougaardium nostrum titulo Professoris ornare fuerit dignatus. In magisterio suo post reformatam formam scholasticam docet linguam hebraicam et præest omnibus Classibus historicis et geographicis. Dum Rectoratum gessit, in Academiam 43 juvenes dimisit.

Conrector scholæ 22 dus fuit:

Emmanuel Tauber, fraternitatis non minus quam mutui officii studiiqve vinculis mecum conjunctissimus, 1805-1811 præfuit classibus duabus superioribus græcis latinisqve, nec, absque putidâ veritatis dissimulatione, celare auserim, quod nemini luculentius patuit, quam mihi, qui discedentis partes sustinere jussus sum, quam præclare hicce elegans subtilisqve veterum auctorum interpres de juventute nostra scholastica fuerit promeritus. Ao. 1811 ad Rectoratum Alburgensem est vocatus⁴).

Reliqui doctores temporis, quo muneribus sunt præfecti, habitâ ratione, fuere:

Ericus Giörup Tauber, qvi ab a. 1805-1806 docui lingvam hebraicam et teutonicam, 1806-1811 Religionem lingvamqve vernaculam in omnibus scholæ clasibus et 1811-1817 præfui institutioni supremæ clasfis in Religione, lingvâ vernaculâ, græca et latina.

Edvardus Christie Fleischer, Adjunctus Scholæ 1806-1817 præfuit toti institutioni historiæ naturalis nec non Arithmetices et Geometriæ.

Jacobus Fillstrup Haasum 1806-1811 præfuit toti institutioni Gallicæ Germanicæqve et docuit lingvam latinam in prima scholæ classe. Munere scholastico deposito, ad studium forense se applicuit, causisqve agendis Alburgi operam dedit. Ao. 1817 titulo Consiliarii Cameræ, ornabatur.

Japetus Christierni Qvistgaard, 1811-1816 Religionem lingvamqve vernaculam et græcam docuit in duabus inferioribus clasibus, 1816-1817 Religionis loco, institutioni Gallicæ præfuit.

4) De ejus vitâ confer Hertelii descr. templ. Cler. Tom. 2, fasc. 4.

Petrus Munch, 1811-1816 docuit linguam latinam in prima classe et Gallicam et Germanicam in omnibus classibus. Ad pastorum Bederensem postea est vocatus.

Johannes Henricus Blache, 1813-1817 praeuit classi secundae et tertiae latinae.

Jacobus Samuel Hertel, doctoris munere apud Randrusienses antea functus, 1816-1817 docuit linguam latinam in prima classe, Religionem in II et III et linguam teutonicam in I et II cl.^s).

Claudius Petrus Röhr 1812-1817 Calligraphiae doctor.

Adamus Abrahamus Engelbrecht 1815-1817 artem ichnographicam in duabus inferioribus classibus tradens.

Johannes Kabell 1816-1817 cantandi exercitia discipulorum moderans.

§ 3.

De rebus, quae in schola tractantur.

Auctores, libri didactici et exercitia, quae ultimo anno scholastico, (Octbr. 1816-Octbr. 1817),

^s) Omnes fere hi Collegae mei conjunctissimi fuere discipuli Arhusienses, qui, quam ipsi olim receperunt institutionem, patriae

consentiente Collegio Regio, sunt prælecta, explicata et instituta, fuere⁶⁾,

In lingua vernacula⁷⁾,

In prima (i. e. infima) classe:

Nisfenii compendii grammaticæ danicæ paradigmatica pars.

Mallingii liber de præclare gestis Danorum prælectus et analytice explicatus.

Rahbekii chrestomathia danica.

Exercitia styli danici, semel quavis septimana.

In secunda classe:

Continuatio lectionis Grammaticæ danicæ Nisfenianæ.

Ulterior expositio libri Mallingii de bene gestis Danorum.

Scholæ nunc cumulate reddere, jucundissimum habent.

⁶⁾ Cum nimis longum foret exactam dare descriptionem methodi, quâ in docendo utuntur singuli præceptores, hac brevi recensione acquiescat benevolus lector, utque ex hac quodammodo possit judicare de toto (biennali plerumque) cyclo scholastico cuius classi proposito, in notulis brevissime illa allata reperiet, in quibus superioris anni (Octbr. 1815-Octbr. 1816) lectio a præsentis discesferit.

⁷⁾ Sequutus sum ordinem, quo res sese excipiunt in docendi formulâ die 24 Aprilis 1805 divulgatâ.

Eclogæ poeticæ memoriter recitatae.

In tertia clasſe:

Repetitio Grammaticæ Danicæ et accuratior difficiliorum ejusdem partium expositio.

Liber de ſtylo Danico a Rahbekio editus.

Dolzii compendium Logices.

Selecta loca poetarum danicorum Weſſelii, Baggeſenii et Guldbergii et inprimis tragoediarum Schilleri, quæ inſcribuntur: Jeanne D'Ark et Maria Stuart, memoriter pronuntiata³⁾.

Elaborationes Danicæ, primum diſcipulorum deinceps doctoris criſi ſubjectæ.

In lingua latina.

I Cl. docentur:

Paradigmata Grammaticæ latinæ ad ductum comp. Badenii.

Syntaxis latina ex breviario Broederi.

Gedikii chreſtomathia minor latina Pag. 1-48.

II Cl.

Accuratior lectio paradigmatum Gram. Badenianæ.

³⁾ Ao. 1816 præter Weſſelium inprimis recitatae ſunt Eclogæ tragoediarum: Wilhelm Tell et Hakon Jarl.

Potiora Syntaxeos Grammaticæ Broederi majoris.

Sectiones quinque priores Chrestomathiae Gedikii majoris⁹⁾.

Exercitia styli bis quavis septimana.

III Cl.

Expositio utriusque gram. lat. Badenii et Broederi ad finem perducta.

Ciceronis libri tres de officiis.

Virgilii Eclogæ.

Terentii Andria.

Exercitia styli bis quavis septimana¹⁰⁾.

IV Cl.

Ciceronis orationes pro Milone, Ligario et Rege Deiotaro.

Quinctiliani institutionum liber XII.

Dialogus de causis corruptæ eloquentiæ vulgo Tacito vel Quinctiliano adscriptus.

Catulli carmina in paslerem Lesbiæ ejusdemque epithalamium Pelei et Thetidos.

Horatii odarum libri tres¹¹⁾.

⁹⁾ Ao. 1816: Sex libri historiæ Justinii, et Phædri fabularum libri quinque.

¹⁰⁾ Ao. 1816: Livii historiarum liber III et IV. Horatii epistolæ.

Meyeri compendium antiquitatum Romanarum.

Ramleri comp. Mythologiæ.

Conspectus scriptorum latinorum aureæ argenteæque in primis ætatis, adjunctis eorundem styli speciminibus ad vertendum propositis.

Exercitia styli bis quavis septimana.

Versiones danicæ script. lat. antiquiorum et recent. semel quavis septimanâ.

Elaborationes latinæ.

In lingua græca docetur.

I Cl.

Gram. Nisfenii paradigmatica pars.

Dimidia pars Chrestomathiæ Gedikii.

II Cl.

Expositio Grammaticæ Nisfenii ad finem perducta.

Ejusdem Chrestomathia prosaica ad eclogas Polybianas pag. 241.

Homeri Iliadis liber I.

(II*)

11) Ao. 1816: Ciceronis dialogi de senectute et amicitia.

Taciti vita Julii Agricolæ.

Quinctiliani institutionum liber X.

Virgilii Æneidos liber I. II. IV. VI et XII.

III Cl.

Plutarchi vitæ parallelæ Themistoclis et Camilli.

Homeri Iliadis liber VII, VIII, IX et X¹²).

In lingua hebraica,

Grammatica Wecherlinii, ejusdemque Chrestomathia.

In lingua gallica,

I Cl.

Paradigmata grammatices Brunianæ.

Chrestomathia minor Gedikii.

II Cl.

Continuatio grammaticæ Brunii.

Dimidia prior chrestomathiae majoris Gedikii.

III Cl.

Tota grammatica et syntaxis.

Dimidia posterior chrestomathiae majoris Gedikii et selecta loca chrest. Idelerii et Noltii.

In lingua teutonica.

I Cl.

Grammatica Tilemanni.

¹²) Ao. 1816: Plutarchi vita Alexandri et Homerii Iliadis liber III, IV, V et VI.

Selecta loca chrestomathiæ Behrmannianæ.

II Cl.

Centinuatio et repetitio Gram. Tillemanni.

Chrestomatia Pölitzii.

In Religione,

I Cl.

Compendium Ballianum ad cap. VII.

Birchii historia biblica N. T.

II Cl.

Compendium Ballianum novis doctoris addita-
mentis auctum.

Birchii historia biblica major. V. et N. T. ad
finem.

III Cl.

Compendium didacticum a doctore conscrip-
tum et antea a discipulis calamo exceptum.

Holmii institutio religionis.

Niemeyeri introductio in libros V. et N. T.

Ejusdem historia religionis.

Historia biblica Herslebii et Birchii.

Selecta loca N. T. græci inprimis dicta ejus-
dem clasica a doctore latine versa et explicata.

In Geographia,

I Cl.

Conspectus terrarum Europæ civitatumque

notabiliorum ad ductum geographiæ a Kierulffio editæ.

II Cl.

Prænotiones geographiæ mathematicæ.

Uerior expositio geographiæ Europæ et brevior ceterarum orbis terrarum partium.

In geographia antiqua: Italia, Græcia et Asia minor.

III Cl.

Tota geographia hodierna et antiqua ducento Kierulff et Sommerfeldt.

In historia,

I Cl.

Historiæ selectæ ad ductum minoris compendii Munthii.

II Cl.

Historia antiqua Koefodii.

III Cl.

Hist. antiqua et recens Koefodii.

Historia patriæ ad ductum Munthii.

In Arithmetica,

I Cl.

Compendium Biörnii, partis 1 § 1-39.

Praxis Arithmetices ætati accommodata.

II Cl.

Continuatio compendii Biörnii, part. 2 ad
§ 73.

Praxis Arithmetices.

III Cl.

Repetitio totius Arithmetices novis argumentatio-
nibus aucta.

Continuatio compend. Biörnii, partis 3 ad § 100.

Exercitia themata proposita ulterius explicandi.

I n G e o m e t r i a,

I Cl.

Compendium Linderupii § 1-49.

II Cl.

Continuatio compendii Linderupii § 49 ad
finem.

I n h i s t o r i a n a t u r a l i,¹³⁾

Compendium Funkii biennio absolvitur.

I n s c r i b e n d i e x e r c i t i i s:

Typi a Sonne editi per omnes classes (III infe-
riores) discipulis proponuntur.

¹³⁾ Quæ in infima classe tantum docetur.

I n p i c t u r a l i n e a r i ,

quæ in duabus inferioribus clasibus exercetur,
fundamenta artis traduntur ad institutiones et
icones Lahdianas.

I n c a n e n d i a r t e :

discipuli (naturâ plane novercâ ab his exercitiis
haud exclusi) docentur initia canticæ ad tabu-
lam, discrimina vocum signis musicis exhiben-
tem. Proveciores ad concentus musicos qua-
ternarios præparantur.

§ 4.

De discipulis Arhusiensibus.

Numerus discipulorum, qui scholam Arhusi-
ensem ad præsens (finito examine autumnali) fre-
quentant, est 74, quorum

7 sunt nobiles,

21 filii Pastorum inprimis ruralium,

12 filii virorum muneribus civilibus præfectorum,

4 filii præfectorum militarium aliorumve res bel-
licas administrantium,

12 filii mercatorum,

18 filii hominum opificia, agriculturam vel alia
negotia exercentium.

Et, quemadmodum plurimi, qui seriori ætate
honestam a scholâ nostrâ missionem fuere adepti

ardore, quo studia academica fuere ingressi et, ex parte, ad finem persecuti, fausta quævis patriæ sunt polliciti promissisque jam dudum steterunt; ¹⁴) ita haud pauci eorum, qui apud nos remanent, diligentia, ordine morumque integritate se doctentium favore reddidere dignissimos.

Nec, quo minus ingenia optime nata vel ærugine conficerentur vel alienis sordibus obsolescerent, severiores unquam puniendi rationes opus fuere, vel, quod speramus, in posterum opus erunt, sed ad molles animos regendos efficacissimum incitamentum sibi reperisse visi sunt doctores in honestæ æmulationis vi.

Hanc ad alendam, ut optimam diligentia bonique ordinis conservatricem non minus publica auctoritate quam Superiorum consensu sancitum est:

1. ut quovis die doctorum aliquis intersit inter discipulorum ludos ordinique prospiciat, quando scholam adeunt vel relinquunt discipuli. Porro: Ut horum inter lectiones publicas profectus quævis horâ a cuiusvis clas-
sis

¹⁴) Ex 21 discipulis Arhusiensibus, qui decennio proxime elapso examini theologico et juridico se subjecerunt, 18 caractere laudabili sunt ornati, horumque 11 muneribus (inprimis ecclesiasticis et scholasticis) præfecti.

doctore in albo scholastico certo notetur caractere.

2. ut quovis mense certiores fiant parentes et tutores, characteribus et adnotationibus ad id datis, de filiorum vel pupillorum indole et progressu tam in litterarum disciplinis in genere, quam in specie in morum conditione.

3. ut quovis tertio mense, habitâ accuratâ characterum menstruorum numeratione, cujusvis clasfis discipuli locum, qui profectui et diligentiae exacte respondeat, occupare jubeantur¹⁵⁾).

4. ut quovis anno, quam fieri possit solenniter, habeatur publicum examen autumnale. Hanc ad rem non minimum Scholæ Ephori contulerunt, qui dum ipsi perpetuo fere puero-
rum profectum dijudicaturi publicis tentami-

¹⁵⁾ Cum observatum esset, juvenes, naturâ solâ faultrice adjutos, interdum præcurrere tardioris ingenii adolescentulos, qui dum invitæ, quam dicunt, Minervæ ferreo pæne labore reluctabantur, se de loco suo naturæ malignitate dejectos esse querebantur; horum quoque tenuitati utcumque consultum est, characterem addendo industriæ domesticæ, qui calcar adderet mere ingeniosis, alacritatem autem iis, qui novercam naturam improbo labore vincere studuerant.


nibus interfuere, simul alios viros, vel Arhusiæ vel in ejus viciniâ degentes, ingeniorum puerilium suffragatores arbitrosque integerrimos, ad censuram agendam humanissime invitarunt¹⁶).

His institutis ad morum quandam suavitatem (quæ veriore animi culturam nunquam non subsequi solet) sensim sensimque efformata juvenus scholastica, signa quoque publicæ æstimationis a civibus hujus civitatis amplissimis recepit indubia, dum, ut alia taceam, invitabatur ad obeundos elegantissimos conventus scenicos musicos et saltatorios, quos honestissima societas, quæ a Polyhymnia nomen est mutuata, habere solet. Quâ re cum discipuli a conventiculis, quibus olim indulgebant, revocarentur, coramque doctorum

¹⁶) Viginti plerumque horum, præter scholæ doctores, bini ternive alterna vice adesse solent. Nec huncce laborem detrectavit ipsum Collegii scholastici membrum Laurentius Engelstoft, Regia Consiliis status, qui, in transitu, Arhusiæ degens, ut temporis ratio ferebat, tum operi docentium diurno, tum publico examini sedulo interfuit, quin puerorum specimina calamo concepta diligenter excutere fuit dignatus. Quo factum est, ut adventus ejus pueris nostris non minus sit lætus et expectatus, quam benignitas in discipulos egenos civitatem acad. adeptos notus celebratusque.

parentumque oculis inter ipsos ludos jocosque
versari tenerentur, eam nec scholæ infructuosam
fuisse, facile apparet.

Pergat proinde juvenus bene morata fidem
facere optime de se promissis! Floreat schola
nostra similis quercui annosæ, quæ occulto in
ævo nata, colentiumque curâ sæpius reflorescens,
in sæcula juvenescere pollicetur.





Tauber, Erik Giörup

Historia scholae cathedralis Arhusiensis

Arhusium 1817

H.lit.p. 378 m

urn:nbn:de:bvb:12-bsb10735284-6